


唐兩京城坊考

一





叢書集成

初編

BW T550/a5

主編者
王雲五

商務印書館發行

編主五雲王
總初成集書叢
考坊城京兩唐
册三

中華民國二十五年十二月初版

撰者 徐松

發行人 王雲五
上海河南路

印刷所 商務印書館
上海河南路

發行所 商務印書館
上海及各埠

*D七〇九二

唐兩京城坊考序

古之爲學者、左圖右史、圖必與史相因也。余嗜讀舊唐書及唐人小說、每於言宮苑曲折、里巷岐錯、取長安志證之、往往得其舛誤、而東都蓋闕如也。己巳之歲、奉

詔纂輯唐文、於永樂大典中得河南志圖、證以玉海所引、禁扁所載、灼是次道舊帙、其源亦出於韋述兩京記而加詳焉。亟爲摹鈔、愛同球璧、校書之暇、采集金石傳記、合以程大昌李好問之長安圖、作唐兩京城坊考、以爲吟咏唐賢簞什之助。昔宋皇祐中、欲行入閣儀、而莫知故實、後仁宗得唐長安圖、其儀始定。元豐時、都官員外郎蒙安國、得唐都省圖獻於朝、遂遷舊七寺監如唐制。政和四年、宋昇奏端門橋制考唐洛陽圖之四橋、而胡身之注通鑑、亦引閣本太極宮圖、閣本大明宮圖、是唐宮省之圖、在宋時已珍重如斯、況於今又數百年後哉。嘉慶蒼龍上章敦牂孟夏之月、北平徐松、書於文穎館直廡。

唐兩京城坊考圖

西京外郭城圖


西京三苑圖

西京宮城圖


西京皇城圖


西京大明宮圖

西京興慶宮圖



西京三苑圖






門福安

門義順


門運廣

門天承




門光合

門雀第



西京興慶宮圖



唐兩京城坊考卷之一

大興徐松星伯譔

平定張穆誦風校補

西京

唐西京初曰京城。隋之新都也。開皇二年所築。

按周漢皆都長安。而非隋唐之都城。文王作豐。在今西安府郿縣。武王宅鎬。在今咸陽縣西南。漢都城在唐城西北十三里。自劉聰劉曜石勒苻健苻

堅姚萇所據。皆漢城也。隋開皇二年始移於龍首原。

唐天寶元年曰西京。至德二載曰中京。上元二年復曰西京。次年曰上都。

宮城

宮城東西四里。南北二里二百七十步。

按七十呂大臨長安圖作四十。

周十三里一百八十步。其崇三丈五尺。南卽皇城。北

抵苑。東爲東宮。西爲掖庭宮。

隋時規建。先築宮城。次築皇城。次築外郭城。故唐西京宮城最在北。皇城在宮城南。外郭城又在皇城南也。

宮城亦曰西內。其正牙曰太極殿。

唐龍朔後。天子常居大明宮。大明宮在宮城東。北故謂大內爲西內。景雲元年。改曰太極宮。

城之南面五門。

長安志作六門。蓋通東宮門計之。

正南

承天門。

隋開皇二年。作初名曰廣陽門。仁壽元年。改曰昭陽門。唐武德元年。改曰順天門。神龍元年。改曰承天門。門外有朝堂。東有肺石。西有登聞鼓。其門上有樓。舊書王瑀傳。以鐵騎至承天門時。睿宗聞鼓譟聲。召郭元振。升承天樓。宣詔下關。瑒等從。元宗至

樓上。舊書高祖斬皇甫仁於順天門。即承天門也。朝野僉載。西京朝堂北頭。隋曰唐興村。門前有大槐樹。文皇帝移長安城。將作

大匠高穎常坐此樹下。檢校後。栽樹行不正。欲去之。帝曰。高穎坐此樹下。不須殺之。至先天一百三十年。其樹尙在。承天門正當唐興村

門首。按唐興村。隋曰楊興村。唐時改之。

若元正冬至。陳樂設宴會。赦宥罪。除舊布新。當萬國朝貢使者。四夷賓客。則御承天門以

聽政。

六典。承天門。古之外朝。按舊書李泌傳。代宗山陵。靈駕發。引上號。送於承天門。是奉送山陵。亦御此門。

承天門東長樂門。

舊書王志愔傳。開元十年。有京兆人橫梁山。僞稱襄王男。自號光帝。與其黨及左右屯營押官謀反。夜半

時。擁左屯營兵百餘人。自景風長樂等門。斬關入宮城。蓋由景風門入皇城。西行折而北。由長樂門入宮城也。

長樂門內。東左藏庫。承天門西廣運門。

長安志。以廣運在長樂之東。非是。今從六典。

廣運

門內有西左藏庫。

按隋初有右藏黃藏。開皇十三年。始闢左藏院。故有左藏庫之稱。或以在西者爲右藏。誤也。雍錄。太極宮中。東左藏庫。在恭禮門東。西左藏庫。在安仁門西。

按通鑑注。引開本太極宮圖。言西左藏之西。則通訓門。通訓門。蓋

通明門之誤。

長樂門東永春門。廣運門西永安門。東面一門鳳皇門。

隋曰建春門。後改通訓門。明皇時。鳳皇飛集通訓門。詔改鳳皇門。

西面二門。南通

明門。北嘉猷門。北面二門。

長安志。作三門。亦通東宮門計之。

中爲定武門。

南直承天門。李氏圖。作元武門。按舊書尉遲敬德傳。元吉步走。欲歸武德殿。敬德奔逐射殺之。其宮府諸將率兵大至。屯於元武

門則作元武爲是。通鑑隋文帝忌太子勇於元武門塗至
德門量置候人胡注元武門隋大興宮城北門亦作元武
定武門東安禮門。

太極殿者朔望視朝之所也。六典太極蓋古之中朝隋曰大興殿武德元年改高宗以後居東內則大喪多殯此殿正門曰嘉德門。南直承天門唐魚符有文曰嘉德門內巡疑入

宮城所佩符非東殿門曰太極門。隋曰大興門後改乾福門貞觀八年改太極門長安志云殿東隅有鼓樓西門之兩廡爲東

宮之嘉德門也。隅有鐘樓貞觀四年置永樂大典載閣本太極宮圖鐘樓在東鼓樓在西

西閣門。通鑑注引閣本太極宮圖太極殿有東上閣門西上閣門按閣門可轉北入兩儀殿太宗時以此爲入閣若東內則以入紫宸爲入閣兩廊爲左右延明門。在東者左延明門在西者右延明門舊書節愍太子誅武三思

成王千里率左右數十人斫右延明門。開元禮朔日受朝儀言設御左延明門外爲門下省。楊炯庭菊賦序天子幸於東都皇儲監守於武德之殿以門下內省

輟於太儀殿典儀設官位於橫街之南蓋延明相向中爲東西橫街也。在門下省東宏文館始置於武德四年以聚書名爲修文館

爲左爲史館。在門下省北貞觀三年置祕書內省以修五爲宏文館。九年改宏文館又曰文學館館側有殿通鑑注引閣本太極宮

春坊。代史又置史館以編國史尋廢祕書內省右延明門外爲中書省。省內有內客省通鑑上自武德殿入度化門檢賈膺福

圖不載此館。宏文殿貞觀三年移於納義門西九年改昭文館開元七年復舊。省內有內客省通鑑上自武德殿入度化門檢賈膺福爲舍

人院。舊本長安志圖舍人院嘉德門之兩廊東爲歸仁門又東恭禮門。南直長西爲納義門又西安仁門。安一作興

廣運門。南直太極殿北曰朱明門門亦有東西上閣門。見大典閣本其左爲度化門。度一作乾按通鑑高祖封唐王時日於度化門視事是度化隋舊門名也

右爲肅章門。虔化南直恭禮門。肅章南直安仁門。朱明門以內爲內朝。故虔化肅章以內爲宮內。節愍太子之案上官婉兒衛肅章王直之作亂。皆欲入肅章以入宮也。懷懷貞之亂。睿宗出肅章門。文德皇后之葬。段志元等亦由肅章以出宮也。肅章

西爲暉政門。虔化東爲武德門。閣門之東曰萬春殿。又東曰立政殿。見通鑑注引閣本太極宮圖。與大典閣本圖合。立政殿前有立政門。太宗文德皇后崩於此。

殿。又東曰大吉殿。見長安志。前有大吉門。莊恪太子薨於少陽院。遷居此殿。又東曰武德殿。殿有東西門。門西與虔化門齊。貞元四年。築垣自武德東門。屬於宮城。此東門也。舊書高宗紀。許敬宗待詔武德西

門。此西門也。舊書高祖令太宗居西宮之承乾殿。元吉居武德殿。後院與上蓬東宮。晝夜並通。更無限隔。大典注。武德殿後有延恩殿。閣門之西曰千秋殿。長安志。兩儀殿前有獻春門。宜秋門。當卽萬春。千秋兩殿之門。通鑑注引

閣本太極宮圖云。宜秋門在千秋殿西。百福門東。然則獻春門東向。宜秋門西向矣。舊書隱太子葬日。太宗於宜秋門哭之。獻春或作宜春。通鑑注引閣本太極宮圖。射殿在宜春門北。又西曰百福殿。前有百福門。睿宗崩於此殿。宣宗改爲雍

和殿。內有親親樓。爲諸王宴會之所。又西曰承慶殿。前有承慶門。卽太宗所居。舊書作承乾者誤。則有暉政門焉。門東與肅章門齊。高安長公主薨。發哀于暉政門。朱明門北爲兩儀

殿。常日聽政則御之。大典。兩儀。古之內朝。隋曰中華殿。貞觀五年。改中業。以後。帝后喪。亦多殯此殿。按舊書令狐德棻傳。高宗召宰臣及宏文館學士於中華殿。是其時兼用舊名。殿北曰甘露殿。明皇自蜀

還。常居此殿。其門曰甘露門。門外爲永巷。東西橫街巷東東橫門。再東日華門。巷西西橫門。再西月華門。甘露殿之

北曰延嘉殿。大典。閣本太極宮圖。兩儀殿後。卽延嘉殿。無甘露殿。長安志云。延嘉殿在甘露殿近北。殿南有金水河。往北流入苑。故補于此。延嘉之北曰承香殿。長安志。圖作承香殿。誤。則達元武

殿。

門焉。長安志承香殿東即元武門蓋殿在元武門少西大典閣本太極宮圖元武門在承香殿正北 甘露之左曰神龍殿。中宗元宗皆崩於此殿前有神龍門 右曰安仁殿。前有安仁門 安仁

之北曰歸真觀。觀北曰綵絲院。大典閣本圖作絲綵 院西曰淑景殿。又西則三落四落五落為東西千步廊。千步廊在月華門北

廊之北三落四落五落自淑景殿以次而西為衛士之居。城之西北隅有山池院。其南有薰風殿就日殿。見大典閣本圖 其東海池三。西內凡海池四一在咸池殿東一在

望雲亭四。一在凝陰閣北。一在凝雲閣北。故雍大記謂之四海池。通鑑注引閣本太極宮圖云太極宮中凡有三海池。東海池在元武門內之東。近凝雲閣。北海池在元武門內之西。又南有南海池。近咸池殿。蓋以近望雲亭與凝陰閣者為一也。舊書尉遲敬德殺元吉是

時高祖泛舟於海池。凝陰閣。長安志作凝香閣。今從大典閣本圖 望雲亭。景福臺西。見長安志 鶴羽殿。凝陰閣西 咸池殿。延嘉殿西 環之。又東曰景福臺。承香殿西北

神龍之北曰功臣閣。凌煙閣。通鑑注引閣本太極宮圖延嘉殿之東為功臣閣。功臣閣之東為凌煙閣。與大典所載閣本圖合。貞觀十八年畫功臣像於此閣。段志元碑貞觀十六年圖形於戢武閣。未知即凌煙閣否。又唐儉碑

有凌煙閣字。敘於階庭前。其事在高祖時。則閣之建也。舊矣。後唐應順元年。修凌煙閣。奏云。閣在西內。三清殿側。畫像皆北面。閣有中隔。隔內北面寫功高宰輔。南面寫功高諸侯王。隔外面。次第畫功臣題贊。通鑑注引

閣本太極宮圖及大典閣本圖皆作凝雲閣。長安志作凝陰殿。毬場亭子。凝雲閣北 環之。城之東北隅有紫雲閣。其南有山水池閣。西為南北千步

廊。南至尙食內院 殿閣之外廟一曰孔子廟。大典閣本圖月華門西。有孔子廟他書不載 寺一曰佛光寺。長安志寺在神龍殿西。大典閣本圖有佛堂無佛光寺。柳宗元為王京

兆賀嘉蓮表云。聖旨出西內神龍寺前水渠內合歡蓮院二。綵絲院。韓僊傳。言帝行武德殿前。因至尙食局。當卽此

院。花圖一軸。疑神龍寺卽佛光寺。以近神龍殿得名也。院二。綵絲院。韓僊傳。言帝行武德殿前。因至尙食局。當卽此

公主院。長安志。院在千秋殿西。庫三。左藏庫。曰司寶庫。閣東曰武庫。在武德東門東。曰甲庫。在西左藏庫西。見大典。倉一。曰

內倉廩。在虔化門內。見大典閣本圖。通鑑注引閣本太極宮圖。武德門在虔化門東。入門過內倉廩立政殿萬春殿。卽東上閣門。按所謂入門者。入虔化門也。

三清殿。近凌煙閣。昭慶殿。承香殿西。大典閣本圖。不載。不知在景福臺左右。觀雲殿。長安志。作凝陰殿北。疑卽凝陰閣之望雲亭。或在凝雲閣之側也。宏文殿。近觀德殿。通鑑。侯君集獻

俘於觀德殿。胡注。觀德殿射殿也。新殿。長安志。近萬春殿有新殿。相思殿。通鑑。貞觀開。薛延陀突利設來納幣。上御相閣本太極圖射殿在宜春門北。思殿。胡身之云。據褚遂良疏。殿在元武門內。飛霜殿。貞觀二十五年。宴五品以上於飛霜殿。昭德殿。太平廣記引大唐雜語。昭宗文德二年。正朔。御武德殿。有紫氣出於昭德殿東隅。得金龍子一枚。改元爲龍紀元年。臨湖殿。舊書。高祖召裴寂等。欲令窮數其

殿。嘉壽殿。臨照殿。望仙殿。翔鳳殿。乘龍殿。文思殿。見六典。禁扇。翔鳳門。宣猷門。崇道門。昭德門。正禮門。惠訓門。宣光門。通福門。光昭門。華光門。暉儀門。壽安門。綏福門。見六典。禁扇。顯福門。通鑑注。西內翰林院。在顯福門內。興安

門。通鑑。太宗聞高士廉卒。帥左右自興安門出。胡身之注。貞觀以前。人主常居太極宮。則此興安門。非大明宮之興安門。蓋太極宮中。別自有興安門也。顯道門。金液門。通鑑。太宗力疾至顯道門外。敕天下

門。通鑑。太宗聞高士廉卒。帥左右自興安門出。胡身之注。貞觀以前。人主常居太極宮。則此興安門。非大明宮之興安門。蓋太極宮中。別自有興安門也。顯道門。金液門。通鑑。太宗力疾至顯道門外。敕天下

道金液爲通內諸通鑑隆基與劉幽求等出苑南門使葛福順將左萬騎攻元德門李仙覺將右萬騎攻白獸門約元德門、白獸門會於凌煙閣前胡身之注曰禁苑南門直宮城之元武門元德白獸皆通內之門按白獸門即

杜詩所謂寂寞白獸園也顏魯公康希鈇碑父國安遷博士白獸門內供奉不知其處。

東宮、傅宮城之東、南北與宮城齊。長安志不載東宮東西里數以宮城四里除皇城東西五里一百五十步則東宮與掖庭宮皆當不足一里惟東宮較廣耳南面門爲嘉福門。長安志作

重福。次北曰重明。又北曰宣明。按宮門無疊至三門者。重福、禁福作嘉福。長安志言宣明是嘉福所改名則二門爲一門明矣今刪正北面門爲元德門。永樂大典載太極宮東宮圖北門爲至德門按至德門當是隋時舊名見前定武門下注

長安志圖又作安禮。宮之正殿曰嘉德殿。一曰顯德。武德九年太宗即位於顯德殿後避中宗諱改明德正門曰重明門。殿門曰嘉德門。嘉德門外

之兩廊爲左右永福門。其門內之兩廊爲左右嘉善門。永樂大典圖作左右嘉德今從長安志嘉德殿之左右。東爲奉化門。西

爲奉義門。長安志作東西奉化門今從大典圖其內爲左右春坊。嘉德殿之北爲崇教殿。或作崇政。誤。唐會要貞觀十七年十一月二十八日。誕皇太孫太子宴宮寮於宏教殿。太宗幸

東宮。自殿北門入。禁扇崇教。一曰宏教。又有宏教門。正一麗正殿之左爲崇仁殿。麗正殿之右爲崇文殿。按東宮右春坊內有崇文館當在此殿之側麗正

殿之北爲光天殿。長安志作光大今從大典圖又北爲承恩殿。其北爲元德門。諸殿方位皆依大典圖承恩殿之左右爲宜春宜秋宮。

前有宜春宮門宜秋宮門宜秋禁闕作融秋

宜春之北為北苑

通鑑注天寶中即東宮置宜春北苑按既曰北苑當在宜春宮之北長安志言在宜春宮門外非也今正

其南道東為典膳廚道西

為命婦院宜秋之南為內坊又有八風殿射殿

大典圖在宜春門內之東

左右長林門

皆見長安志志又云左右長林門本名宏禮嘉福武德元年改重光宣明按通鑑

建成分屯左右長林號長林兵胡注東宮有左右長林門自是未改名時也

亭子院山池院佛堂院

皆見長安志

鷹鷂院

見大典圖按皆在北苑中

長生院

舊唐陳夷行傳充皇太子侍讀詔五

日一度入長生院侍太子講經按胡身之通鑑注曰唐寢殿皆謂之長生殿武后寢疾之長生殿洛陽宮寢殿也肅宗大漸越王係授甲長生殿長安大明宮之寢殿也長恨歌七月七日長生殿華清宮之寢殿也然則大內之寢殿通曰長生殿則太子所居通曰長生院矣不知其處

掖庭宮傅宮城之西

在千步廊之西掖庭宮東西不及一里長安志以為東西四里誤

北與宮城齊南至通明門有西門

貞觀三年敕左丞戴胄於掖庭西門簡宮人出之按掖

庭宮有東西門無南北門東門通大內蓋即嘉猷門西門外即修德坊其時未築夾城故宮人於此出也

衆藝臺

長安圖志雜說云掖庭東北垣上有一方臺考之於志恐所謂宮人教藝之所名衆藝臺者也

內侍省在宮西南

內侍省隋之長秋監唐貞觀三年改內侍省光宅元年為司宮臺神龍元年復舊省內有紫蘭亭畢氏曰新唐書肅長秋監武德四年曰內侍監龍朔二年為省垂拱元年曰司宮臺興長安志異長安志內侍省在通明門西南

皇城

傅宮城之南面曰皇城亦曰子城東西五里一百一十五步南北三里一百四十步周十七里一百五十

步新書志皇城長一千九百一十五步廣一千二百步按唐法以三百六十步爲里則南北之廣當作一千二百二十步南面三門正南曰朱雀門北當宮城之承天門南當外郭之明德門門外橫街正東直春明門正西

直金光門至德三載改爲西曰含光門唐書劉崇望傳楊復恭稱兵闕下陳於通化門上陳兵於延喜門是夜命崇望

之曰聖上在街東公等禁軍何不樓前殺賊將士唯唯從崇望至長樂門按是時崇望在含光門故謂延喜爲街東崇望之入含光蓋欲入廣運以守西左藏其擢長樂則以近延喜又衛東左藏耳

曰延喜門直東當外郭之通化門貞元四年修延喜門覆道屬於承天門回鶻使及回鶻公主至德宗御延喜門觀之宣宗御延喜門見河隴老幼數千人賜以冠帶西面二門南曰順義門北曰安福

門西當外郭之開遠門朝野僉載曰睿宗先天二年正月十五十六十七夜於京安福門外作燈輪高二十丈衣以錦綺飾以金銀燈五萬盞(鏡)望之如花樹宮女子千數衣羅綺曳錦繡耀珠翠施香粉一花冠一巾城皆至萬錢裝束一妓女皆至三百貫妙簡長安萬年

少女婦千餘人衣服花釵媚子亦稱是於鏡輪下踏歌三日夜歡樂之極未始有之武元衡赴四川節度憲宗御安福門慰遣之長安志言貞元四年築武德東門垣屬於安福門於是武庫從西廢焉按武德殿在西內之東必不能及武庫武德字蓋誤城中

南北七街東西五街左宗廟在安上門內之東右社稷在含光門內之西百僚廨署列於其閒凡省六寺九臺一監四按國子監

在皇城之南衛十有八按左右金吾衛在皇城之東西左右羽林軍在大明宮之東西此無十八衛也東宮官屬凡府一坊三寺三率府十自兩漢以後至

於晉齊梁陳並有人家在宮闕之間。隋文帝以爲不便於事。於是皇城之內。惟列府寺。不使雜居。公私有辨。風俗齊整。實隋文之新意也。

宮城南門外。

即承天門。

有東西大街。謂之橫街。

東出皇城之延喜門。西出皇城之安福門。皇城各街皆廣百步。惟此街南北廣三百步。所以限隔二城也。

橫街之南。有南北大

街。曰承天門街。

東西廣百步。南出皇城之朱雀門。中朝故事。天街兩畔槐樹。俗號爲槐衙。

承天門街之東。宮城之南。第二橫街之北。

近有得唐納粟磚者。其文曰。貞觀十四年十二月廿四日。街東第一院。從北向南第六行。從西向東第九窰。納和粟粟六千五百石。第四頭紀。

王府典籤陳元瑜。右監門直長鄭端高。賈太倉府史韓達。豎雲宮副監常明。副使督王府口陸元土。使人水部郎中柳仵臣。又一磚文曰。貞觀廿三年十二月九日。大街從北向南第一院。從北向南第六行。從西向東第十三窰。納和粟米四千四百石。第一頭一千五百石。和粟官人右領口騎口賈仁。左衛兵曹任元逸。第二頭二千九百石。和粟官人平准丞蔡彌。雍州參軍口師利。左監門校尉馮武達。右監門校尉口和。陝匠張阿劉。太倉府步勳。監事趙口丞口吳口田口。和粟副使左監門長史王元榮。大殿中丞長孫文則。司農卿清河公楊宏禮。按窰粟之地不可考。而所謂大街與街東者。當是承天門街之第二橫街。故和窰官人多是左右監門左右衛王府之人。以皇城地皆廢舍。故可置窰。若朱雀門外之大街。則諸坊所在。民居相雜。非可儲粟。

矣。附此

俟考。

從西第一門下外省。次東殿中省。次東左千牛衛。次東左衛。隋左監門衛左翊衛二府之地。武德初併爲此衛。門額本睿宗所題。開元初進入內。街東安上

門街。街東第一東宮內坊。長安志作內作坊誤。次東右春坊。次東右清道率府。次東右監門率府。府北右內率府。府

東東宮朝堂。有北街。街東第一左監門率府。府北左內率府。次東左清道率府。次東家令寺。次東左春坊。

坊東有南北街。街東即皇城東面。延喜門之內。

承天門街之東。第三橫街之北。

從西第一左監門衛。武德中分取左武衛地。自北街移於此。次東左武衛。次東貞觀中有左金吾內府。後廢。次東左驍衛。衛東安上門街。街東第

一東宮僕寺。次東率更寺。次東右司禦率府。長安志作司禦衛誤。次東右衛率府。府東有南北街。北當東宮朝堂。街東第一

左衛率府。次東左司禦率府。長安志作司禦衛誤。次東詹事府。府東有南北街。衛東即皇城之東面。

承天門街之東。第四橫街之北。

從西第一尚書省

省門額本睿宗書開元初進入內後右庶子魏華所題省內當中有都堂本尚書令廳事都堂之東吏部戶部禮部三行每行四司左司統之都堂之西兵部刑部工部三行每行四司右司統之舊戶部在禮部後武太后改從

天地六官之名以戶部為地官因移在前凡二十四司左右丞相總領其事大唐新語王上客自負其才意在前行員外俄除膳部員外頗懷愧吏部郎中張敬忠戲詠之曰有意嫌兵使專心去考功誰知腳踏幾落省牆東以膳部在青東北隅也考功員外郎廳

事有薛稷畫鶴宋之間為讚工部尚書廳事有薛稷畫松石並為時所重右丞廳事有古家俗誤為樗里子墓國史補曰郎官正事吏部郎中二廳先小鈴次格式員外郎二廳先南曹次廢置刑部分四覆戶部分兩賦其制尚矣舊說吏部為省眼禮部為南省舍人考功

度支為振行比部得屬下食以飯從者二十四曹呼左右司為都公省中語曰後行祠屯不博中行都門中行刑戶不博前行駕庫因

話錄曰尚書省東南隅通衢有橋相傳曰為拗項橋言待御史及殿中久次者至此必拗項而望南宮也都堂南門道東有古槐垂陰至

廣相傳夜深聞絲竹之音省中有入相者俗謂之音聲樹祠部呼為冰廳言其清且冷也李濟

刊誤云尚書郎上事官面北再拜蓋京城官署皆在大內之南故先面北再拜然後踐履官堂

省東安上門街街東第一都

水監次東光祿寺寺東有南北街

北當東宮朝堂開元初開街東軍器監本少府監甲弩坊後為軍器使開元四年置監監東即皇城東面景風門之北華氏曰新唐書志云武德初有武器

監七年廢八年復置九年又廢開元以前軍器皆出在尚方置三年置軍器監十一年廢為甲弩坊隸少

府十六年復為監按唐會要作武德元年置軍器監貞觀元年廢十六年復為監會要作天寶六載

承天門街之東第五橫街之北

從西第一左領軍衛

衛北有兵部選院

次東左威衛

衛北有利部格式院

次東吏部選院

以在尚書省之南亦曰吏部南院選人看榜名之所也

次東禮部

南院。四方貢舉人都會所也。據言進士舊例于都省考試南院放榜。張榜牆乃南院東牆也。別築起一堵高丈餘。外有墻垣未辨色。卽自北院將榜就南院張掛之。元和六年爲監生郭東里決破棘籬。拆裂文榜。因之後來多以虛榜自省門而出。正榜張亦稍晚。院東安上門街。橫街抵此而絕。

承天門街之東第六橫街之北。

從西第一太僕寺。

寺西北隅乘黃署。別開北門。署內貯掌指南車記里鼓及鞞輅之屬。

次東大府寺。

舊都水監之地。

寺東安上門街。街東第一少府監。

倍

再幸山南太廟焚毀。權以少府監大廳爲太廟。

次東左藏外庫院。

隋大府寺置於此。又分置坊院。東有南北街。街東卽皇城東面景風門南也。

承天門街之東第七橫街之北。

從西第一太常寺。

廣記引國史異纂。崔日知歷職中外。恨不居八座。及爲太常卿。于都寺廳事後起一樓。正與尙書省相望。時人謂之崔公望省樓。

寺東安上門街。街東第一太廟。

其地

本隋大府寺玉作坊。坊中有御井。貞觀中廢玉作坊。于此置大府寺。賜坊以曝四方貢賦之物。溼者先天中置廟廢坊焉。

中宗廟元獻皇后廟。

章公肅禮閣新儀曰。乾元元年立廟於太廟之西。寶應二年遷神主於太廟。貞元三年修葺奉

安昭德皇后神主。永貞元年耐於太廟。

次東太廟署。

署東署南並有街。卽皇城東南隅也。

承天門街之西宮城之南第二橫街之北。

從東第一中書外省次西四方館。

隋曰謁者臺即請方通表通事舍人受事之司。通鑑姚崇寓居罔極寺以病。詰謁告源乾曜請遷崇於四方館崇以四方館有簿書非病者所宜處固辭。

次西右

千牛衛次西右監門衛次西右衛衛西含光門街橫街抵此而絕。

承天門街之西第三橫街之北。

從東第一右武衛。

衛西貞觀中有右金吾內府後廢。

次西右驍衛次西含光門街街西將作監。

即皇城西南面安福門之南。

承天門街之西第四橫街之北。

從東第一司農寺寺西含光門街街西第一尙舍局。

本帳幕坊局內有山池。

次西尙輦局次西衛尉寺次西大理寺。

寺西有南北街。

街西即皇城西面順義門之北。

承天門街之西第五橫街之北。

從東第一右領軍衛。次西右威衛。

衛門本南向。開元七年，御史中丞李尚隱以此衛南門與御史臺門相對不便，遂白政事移門北向。

次西祕書省。

監院廳事前有隕星石，隋自成陽移置于

此。少監王劼作瑞石頌以贊美之。監院東有書閣重覆，以貯古今圖籍。大唐新語：虞世南爲祕書監，於書後堂集羣書中典義，號北堂書鈔。今此堂猶存。因話錄：祕書省落星石，與薛少保畫鶴賀監草書，即餘令畫鳳，相傳爲四絕。元和，中韓公武爲祕書郎，挾彈中鷄一眼，時謂之五絕。又曰：祕書省之東，即右威衛，荒穢摧毀，其大廳逼校書院。南對御史臺，有人嘲之曰：門綠御史臺，廳被校書侵。

省西含光門街，橫街抵此而絕。

承天門街之西，第六橫街之北。

從東第一宗正寺。次西御史臺。

御史臺記曰：御史臺門北開，蓋取蕭殺就陰之義。故京臺門北開矣。按鄴都故事曰：御史臺在宮城西南，其門北開。又故城御史臺亦北開。龍朔中，置桂坊爲東朝憲府門，亦北開。然都御史

臺門南開。當時創造者不經，反於故事。同諸司，蓋以權宜邪。譚賓錄曰：北開者，或云自隋初移都之時，兵部尙書李圖通兼御史大夫，欲向省便近，故開北門。元和四年，御史臺佛舍火，罰直御史李齊一季俸料。唐語林：御史臺三院：一曰臺院，其僚曰侍御史；二曰殿院，其僚曰殿中侍御史；三曰察院，其僚曰監察御史。察院南院，會昌初，監察御史鄭路所葺禮祭廳，謂之松廳，南有古松也。刑察廳，謂之壓廳，寢於此。多壓兵察常主院中茶，茶必市蜀之佳者，貯於陶器，以防暑溼。御史躬親緘啓，故謂之茶瓶廳。吏察主院中入朝，人次第名籍，謂之朝簿廳。吏察之上，則館驛使，館驛使之上，則監察使，同僚之冠也。殿院廳有壁畫，小山水甚工，云是吳道子真跡。

次西司天監。本隸祕書省，爲太史局，後別爲渾儀監。尋復舊名而不屬祕書監。內有靈臺，以候雲物。崇七丈，周八十步。畢氏曰：太史局

武德四年置，改渾儀監。光宅元年也。復舊名。長安二年也。景龍二年，又曰太史監，不隸祕書省。景雲元年，又爲局。隸省。開元二年，復爲太史監。十四年，復爲局。天寶元年，復爲監，不隸省。乾元元年，曰司天監。

監西含光門街，街西第一

廢石臺

本司農寺草坊之地。景龍中。章庶人置石臺。雕刻綵樓。上建頌臺。蛟龍蟠繞。下有石馬石獅子侍衛之像。初章氏矯稱衣箱有五色雲氣。使畫工圖像以示於朝。及節愍太子遇害。章氏又上中宗。聖威神武頌。刊名以紀其事。謂之頌臺。上官昭容之文也。

井勒公卿姓名於上。詔詞偽事。有非典實。景雲元年毀之。後爲御史臺推事院。按長安志。既載石臺於此。又載於朱雀門街。言在開化坊。而開化坊下無一言及之。志文踳駁。今刪彼而存此。

臺北司農寺草坊

坊門北開

次西

驂騑馬坊

坊門北開

坊西有南北街

街西即皇城西面順義門之南

承天門街之西第七橫街之北

橫街南即皇城南面朱雀門之西

從東第一鴻臚寺

德宗建中元年。以鴻臚寺左右威遠營隸金吾。通鑑。回紇犯含光門。突入鴻臚寺。蓋入門而東。即寺也。

次西鴻臚客館

如漢之藏街。四夷慕化及朝獻者居焉

館西含光

門街街西第一大社

南門額。隋平陳所得。即東晉王右軍所題。隋代童以粉墨模之。

次西郊社署

署西署南並有街。即皇城之西南隅。

大明宮

大明宮在禁苑東偏舊太極宮後苑之射殿據龍首山

龍首山長六十里。來自樊川。由南而北行至渭濱。乃折向東。頭高二十丈。尾漸下。可六七丈。漢之未央。據其折東高處。故宮高

出長安城上。大明宮又在未央之東。其基愈高。故含元殿基高於平地四丈。

南接都城之北。西接宮城之東北隅。亦曰東內。其城南北五里。東西三里。

呂大臨圖云大明宮城廣二里一百四十八步縱四里九十五步。雲麓漫鈔云唐志大明宮縱一千八百步廣一千八十步今實計縱一千一百一十八步廣一千五百三十五步。按雲麓漫鈔所言唐志之數卽長安志南北五里東西三里之數其實數卽呂大臨圖之數惟據縱一千一百一十八步則呂圖當云廣三里三十八步也蓋有脫誤。貞觀八年置爲永安宮次年改大明宮備太上皇清暑龍朔二年高宗病

風痺以宮內湫溼命司農少卿梁孝仁修之改名蓬萊宮。

初梁孝仁悉於庭院列白楊樹指示左驍衛大將軍契苾何力何力不荅但誦古詩曰白楊多悲風蕭蕭愁殺人意謂此

冢墓木也孝仁遽伐去更植松柏。

南面五門正南丹鳳門。

至德三載改明鳳門尋復舊名本當京城翊善坊北門置宮後分翊善永昌各爲二坊當北門街廣一百三十步南北盡二坊之地南抵永興坊北門之東。

其東

望仙門。

南當皇城東第二街貞元中修有樓十間望仙門內之東壁有雅樂樂具庫見樂府雜錄。

次東延政門。

抵長樂坊之北。

丹鳳門西建福門。

南抵光宅門外坊之北望仙建福二門各有下馬橋。

跨東西龍首渠。按宰相入朝翼衛及建福門而止見令狐楚傳。

門外有百官待漏院。

雍錄故事建福門望仙門昏而閉五更五點而啓至德中有吐蕃自金吾仗亡命因救晚開宰相待漏太僕寺車坊元和元年初置百官待漏院各

據班品爲次在建福門外候禁門啓入朝。

次西興安門。

南當皇城之啓夏門舊京城入苑之北門開皇三年開餘四門並與宮同置。按劉闢吳元濟獻俘皆於此門。

東前二門南爲太和門門外則

左三軍列焉。

門之北從西第一左羽林軍第二左龍武軍第三左神策軍。

太和門北爲左銀臺門西面二門南日營門北右銀臺門。

門皆有仗舍通鑑昭

宗恐李順節作亂詔劉景宣西門君遂召順節順節入至銀臺門二人邀順節於仗舍坐語。按北軍仗院在銀臺門之南不應已入銀臺而反南至仗舍疑各門自有兵衛皆有仗舍。

右銀臺門之北九仙門。

通鑑注引開本大明宮圖

右銀臺門之北有九仙門。又北轉東則凌霄門。金鑾密記九仙殿銀井有梨二株。枝葉交接。宮中呼為雌雄樹。蓋九仙門內有殿也。太宗草書有九仙門殿。門外則右三軍列焉。門之北從東第一右羽林軍。第二右龍武軍。第三右神策軍。按左右三軍。即所謂北軍也。以

中官領之。以在苑北。又謂之北司。北面三門。中元武門。德宗造門樓。外設兩廊。持兵宿衛。謂之北衙。按本紀。大中二年。修左銀臺門及南面城牆。至睿武樓。則元武改睿武矣。門外有

飛龍殿。雍錄。後苑有驥院。禁馬所在。元武之左銀漢門。右凌霄門。凌霄一作凌雲。又作青雲。李輔國仗兵凌霄門以俟太子。即此。

丹鳳門內正牙曰含元殿。武后改大明殿。南去丹鳳門四百餘步。東西廣五百步。按殿有東序門。見舊書代宗皇后沈氏傳。大朝會御之。殿之前廊有翔鸞閣。棲鳳

閣。舊書郝處俊傳。上元元年。高宗御含元殿。東翔鸞閣。觀大酺。肅宗紀。至德三載。大閱諸軍於含元殿庭。上御棲鳳閣。觀之。李華含元殿賦。左翔鸞而右棲鳳。閣下即東西朝堂。有肺石。登聞鼓。金吾

左右仗院。按李訓傳。言石榴樹甘露。則左仗院也。通鑑。李晟破朱泚。屯含元殿前舍。金吾仗院。則右仗院也。其側有門曰側門。景龍中。於側門降斜封墨敕。授人官。時諸王退朝。於側門候止。後又於側門受詞訟。引對都督刺史之官及御史出使者。閣

前有鐘樓鼓樓。舒元與御史臺記曰。每朝會。監察御史二人。立於東西朝堂。輒道。雞人報點。監者押百官。由通乾觀象入宣政門。及班於殿廷前。則左右巡使二人。分押於鐘鼓樓下。左右砌道盤上。謂之龍

尾道。龍崖道自平地七轉。上至朝堂。分為三層。上層高二丈。中下層各高五尺。邊有青石扶欄。上層之欄柱頭刻螭文。謂之螭頭。左右二史所立也。諫議大夫立於此。則謂之諫議坡。兩省供奉官立於此。亦謂之蛾眉班。其中下二層石欄刻蓮花頂。夾道

東則通乾門。西則觀象門。含元殿後曰宣政殿。天子常朝所也。殿門曰宣政門。門外兩廊為齊德門。在東

禮門。在西一作齊禮興德舊本長安志圖作齊禮門崇德門當從之。
按門外有藥樹元微之詩松間待制應全遠藥樹監搜可得知。
其內兩廊爲日華門。
在東溫造傳宮中昭德寺火火在
宣政殿東隔垣宰臣兩省京兆尹

中尉樞密環列
於日華門外。
月華門。在西唐詩紀事言張九齡裴耀卿罷免之日自中書至月華
門。按宣政門內皆植松入閣賜對官班退立東階松下。
日華門外爲門下省。
太和六年毀如京
倉以其地歸門下

省又云寶祿末好廣苑園門省
馬廄因通入禁中至是遷之。
其東宏文館。太宗始於宏文殿側置
宏文館後徙於門下省。
又東待詔院。
唐初仿漢立待詔後以武后諱改詔爲制
每御正衙日令諸司長官二人奏本司事

謂之待制貞元開又令未爲長官而預常參者亦每日引見謂之巡對亦謂之次對蓋此待制院候宣政
殿引對者也思政殿側之待制院候延英殿引對者也。
待詔院在史館西據大典載閣本大明宮圖訂
又東史館。
左史院邇宸居

之正地直日華之東偏。
有竹一叢翠接階坳。
史館北爲少陽院。雍錄長慶元年於門下省東少陽院築牆及樓觀劉季述曾昭宗于少陽院更名問安
宮通鑑注少陽院在浴堂殿之東蓋近東南也。長安志言右銀臺門北翰林院北有

少陽院東有南北街街北出崇明門。
崇明門東即左銀臺門元宗於崇明門遷後
宮無用者遷其家蓋由此以出左銀臺門。
街南出含耀門又南出昭

訓門。昭訓門東與太和
門直西即通乾門。
月華門外爲中書省。省有政事堂舊制宰臣常於門下省議事政事堂在門下省故長孫无忌爲司空
房元齡爲僕射魏徵爲太子太師皆云知門下省事高宗永淳二年七月裴炎自

中書令執朝政始移政事堂于中書省開元十一年中書令張說改政事堂爲中書門下其政事印改爲中書門下印錢氏大昕云後唐
升元觀牒有數印其文曰中書門下之印蓋宰相印也省有四門憲宗命宰相闔中書四門搜捕滑渙是也宋申錫傳亦言中書東門又
有西軒見通鑑杜棕事政事堂舊有後門宰相時過舍人院咨訪政事常袞塞之以示尊大唐人以左右分兩省官左散騎左諫議給事
中皆屬左省右散騎右諫議中書舍人皆屬右省白居易有西省北院新作小亭種竹開窗東通騎省與李常侍隔窗小飲詩蓋中書省

中之舍人院東接右騎省直舍南面有戶而北無之樂天故於省北棚亭以通騎省屬也。雍錄曰杜甫爲左拾遺作紫宸殿退朝詩云宮中每出歸東省會送麋龍集鳳池鳳池者中書也言左省官方自宮中退朝而歸東省又復集於西省者就政事堂見宰相也岑參爲右補闕與杜同時杜荅參詩曰竊窺清禁闥罷朝歸不同謂分東西班各退歸本省也又曰君隨丞相後我往日華東謂宰相罷朝由月華門出而入中書凡西省官亦隨丞相出而西若杜爲左省官仍自東出日華門也。省南爲御史臺於中

南廊架南北爲軒由東入院門首爲中丞院次西雜事院又西左右巡使院門皆北向故曰御史北臺亦曰御史臺中書南院見舒元與記。省北爲殿中外院殿中內院。長安志不載外院內院作院西爲命婦院命婦朝於光順門故置院於此後改爲集賢殿書院

注引閣本大明宮圖中書省與延英殿其間僅隔殿中外院殿中內院與大典本合長安志內省之北有親王待制院閣本圖不載故不取。院西有南北街街北出光順門。外命婦朝皇

舊書職官志云大明宮所置書院本命婦院屋宇宏敞按西京之有書院仿東都之制也開元二十四年駕在東都張九齡遣直官魏光祿先入京造之。街南出昭慶門又南出光範門。光範門西與日營門直東即觀象門昌黎上

書皆於此門門西即右銀臺門。宰相書伏光範門下者蓋由此門入中書省。殿東西皆有上閣門御

宸時喚代由此閣門入故曰入閣。宣政殿後爲紫宸殿。宣政之後爲第一橫街紫宸延英之後爲第二橫街見畫境錄。殿門曰紫宸門天子便殿也不

御宣政而御便殿曰入閣紫宸之後曰蓬萊殿西清暉閣其北太液池池有亭。通鑑注池中有蓬萊山亦謂之蓬萊池李泌奏德宗云陛下嘗令太

子見臣於蓬萊池其時帝爲泌作書院於蓬萊殿側故太子見之於蓬萊池又憲宗欲近獵苑中至龍首之勢至此夷爲平地而蓬萊池西蓋由池之西出元武門入重元門即禁苑太液亭有尙書君臣事跡文宗命工匠所刊

蓬萊之西偏南。餘有支隴。因坡爲殿曰金鑾。殿西曰金鑾坡。長安志云。金鑾西南有金鑾御院。環金鑾者曰長安。大典閣本圖。長安殿在金鑾殿南偏西。長安志

云。長安一曰仙居。大典閣本圖。仙居殿在金鑾西。長安志。仙居在長安北。曰拾翠。大典閣本圖。拾翠殿在仙居殿西北。曰含冰。大典閣本圖。含冰殿在拾翠殿東。當金鑾西北。曰承香。大典閣本

圖。承香殿在含冰殿東。長安志云。承香殿在含冰殿東南。曰長閣。長安志。承香殿北有長閣。曰紫蘭。長安志。紫蘭殿在承香殿東北。通鑑。貞觀二十年。宴回紇侯利發吐迷度等於芳蘭殿。注云。閣本大明宮圖。元武門右元武殿後有紫蘭

殿。此芳蘭。疑即紫蘭。按今閣本圖。紫蘭殿在元武殿之前。胡注。後或前字之訛。自紫蘭而東。則太液池北岸之含涼殿。長安志。含涼殿在太液池南。今據大典閣本圖改。元武門內

之元武殿也。長安志。元武殿在紫蘭殿東北。由紫宸而東。經綾綺殿。雍錄。載館本圖。在浴堂北。今從通鑑。注引閣本圖及大典閣本圖。浴堂殿。殿前有浴堂門。見順宗實錄。又有北廳見

李絳傳。宣徽殿。在浴堂殿東。見大典閣本圖。溫室殿。在宣徽殿南。見通鑑。注及大典閣本圖。明德寺。在左銀臺門之西。見大典閣本圖。長安志作昭德寺。以達左銀臺門。銀臺

門之北。爲太和殿。清思殿。通鑑。注引閣本圖。入左銀臺門稍北。即太和殿。又西。即清思殿。又通鑑。蘇元明入銀臺門作亂。上時在清思殿擊毬。注云。自左銀臺西入經太和殿清思殿。清思殿之南。則宣徽殿。北則珠鏡殿。舊書。薛存誠

傳。敬宗於宮中造清思院新殿。蓋卽此也。武光衡賀甘露表。聖恩以元和殿前所降甘露。宣示百寮。疑元和或太和之和。望仙臺。在清思殿西。見大典閣本圖。唐語林。武宗於大明宮中築望仙臺。改爲文思院。雲麓漫鈔云。望仙臺在宣政殿東北。

珠鏡殿。在望仙臺北。見大典閣本圖。大角觀。長安志。大角觀在珠鏡殿東北。大典閣本圖不載。而珠鏡殿西北有元元皇帝廟。疑卽此觀也。則極於銀漢門。大典閣本圖作鎮濟門。蓋傳寫之訛。由紫

宸而西。歷延英殿。

前有延英門。通鑑注。閣本大明宮圖。中書省與延英殿其間僅隔殿中外院殿中內院。六典會要。以延英在紫宸之西。長安志。呂大臨圖雲。薨漫鈔皆據李庚賦。謂在紫宸東。王伯厚證。以元和十五年。於西上閣門西廊西

畔開便門以通宰臣。自閣中赴延英路。則不在紫宸東明矣。僖宗乾符中。以殿梁上生玉芝。改為靈芝殿。尋復舊名。唐制。內中有公事商量。降宣頭開延英。中書有數奏。入勝子請開延英。延英門內之左有含象殿。

思政殿。在延英南。與延英相對。天子於

此見羣臣。舊書。崔郾薛戎高鉞傳。皆召對思政殿。穆宗亦對段文昌於此。

待制院。

在思政殿側。舊樂院地。大厩十四年。立為解備清望官待制。

內侍別省。

見大典閣本圖。

以達右銀臺門。銀臺門

之北。為明義殿。承歡殿。

通鑑注。引閣本圖。光順門在紫宸門之西。光順門內。則明義殿承歡殿。與大典閣本圖合。明義在東。承歡在西。以地準之。二殿當在右銀臺門北。大典圖載在延英殿東。似誤。

還周殿。

在承歡殿

北。見大典

左藏庫。

見大典閣本圖。左長安志作右誤。

麟德殿。

殿有三面。南有閣。東西有樓。故曰三殿。憲宗謂李絳。明日三殿對來是也。雜錄。又謂之三院。東樓曰鬱儀。即裴度傳之東廊。西樓曰結璘。亦曰西廊。順宗實錄有西

亭。或即西廊也。殿東即寢殿之北。相連。各有障日閣。凡內宴多於此。貞元十二年。宴宰相於麟德殿之東亭。文宗幸三殿。東亭觀開元東封圖。長安志。麟德殿有會慶亭。禁扁。麟德殿側有景雲閣。殿之左。即左藏庫。明皇將幸對。移仗北內。出延秋門。過左藏。通鑑注。謂北內為

大明宮。

在麟德殿西。重廊之後。以其在銀臺門之北。故草制其間者。因名北門。學士。開元二十六年。於院南別置學士院。戶皆東向。學士院南廳五間。翰林院北廳五間。中隔花磚道。承旨居北廳東第一間。

九仙門。

翰林院之門曰

翰林門。長安志。翰林門北。即九仙門。

三清殿。大福殿。

二殿在凌霄門內。三清在左。大福在右。見大典閣本圖。

則達於凌霄門。宮垣之外。兩邊有掖門。門內有凝

霜殿。碧羽殿。紫簫殿。鬱儀閣。承雲閣。修文閣。

此條見長安志。按諸書不言掖門。未知所在。大典閣本圖於左銀臺門外有夾道。豈掖門所在歟。

九仙門之外。有鬪雞

樓走馬樓。見大典閣本圖。闕羅樓在北。走馬樓在南。

思賢殿。通鑑文宗疾甚。迎穎王至少陽院。百官謁見於思賢殿。當亦在大明宮。

會寧殿。通鑑文宗幸會寧殿作樂。

咸泰殿。通鑑懿宗於咸泰殿築壇為內寺尼受戒。

天福殿、文明殿。天福二年。

御史臺奏云。文武百寮。每五。日一度內殿起居。在京城時。百官於朝堂幕次。自文明殿門入。穿文明殿庭。入東上閣門。至天福殿序。班疑文明殿。即宣政殿之更名。天福殿即紫宸殿之更名。

長生殿。肅宗大漸。越王係授甲長生殿。闕氏若璩云。大明宮寢殿也。

壽春殿。通鑑上仗劍。登乞巧樓。韓令誨等逼上下樓。上行纒及壽春殿。李彥弼已於御院焚火。是日冬至。上獨坐思政殿。翹一足。一足踢闌干。

中和殿。通鑑考異引實錄。憲宗崩於大明宮之中和殿。

乞巧樓。通鑑昭宗在乞

巧樓。劉季述王仲先伏甲士於門外。胡注云。按劉季述傳。乞巧樓在思元門內。近思政殿門。即宣化門。

仰觀臺。見禁扁。

含春亭。東觀奏記上將命令狐絢為相。夜半幸含春亭。召對講蠟燭一炬。方許歸學士院。

南亭院。

東觀奏記。宣宗驛召羅浮山人。軒轅集赴京師。館於南亭院。

仙韶院。舊唐陳夷行傳。有仙韶院。樂官尉遲璋。

栢林院。通鑑王叔文入至翰林。而王伾入至栢林院。見李忠言牛昭容計事。

宣化門。東觀奏記。王宗實為

淮南監軍。宣化門受命。將由右銀臺出。

元英門。德宗貞元三年。作元英門。及觀於大明宮北垣。

元化門。大典閣本圖。在宮城東北隅。後考。

毬場門。大典閣本圖。毬場門在元武門外。按元武門外即禁苑。不得有門。疑誤。

乾符門。東觀奏記。大中十二年。用鄭漳李鄴為鄆王。已下侍讀。時鄆王居十六宅。襄昭以下五王。居大明宮內院。數日。追制。改充襄王以下侍讀。五日。一入乾符門講讀。

不知其處。

興慶宮。

興慶宮在皇城之東外郭城之興慶坊是曰南內距外郭東垣武后大足元年睿宗在藩賜為五王子宅明皇始居之宅臨大池中宗時望氣者云此池有天子氣故嘗宴遊

此池上已泛舟以厭之南街東出春明門開元二年置宮因本坊為名十四年又取永嘉勝業兩坊之半增廣之置朝堂十六年正月以宮成御朝德音釋徒以下罪二十年築夾城入芙蓉園自大明宮夾東羅城複道經通化門觀以達此宮次經春明延興門至曲江芙蓉園而外人宮之正門西向曰興慶門其內興慶殿殿後為龍池本是平地垂拱載初後雨水流潦成小池後又引龍首渠支分溉之日以滋廣至神龍景龍中彌亘數頃深至

數丈常有雲氣或見黃龍出其中本以坊名池俗亦呼五王子池置宮後謂之龍池拾遺裴字作龍池篇以讀其事公卿多和之按以坊名池蓋曰興慶池也新書田令孜傳有興慶池元宋裝詩注云興慶池廣袤五七餘里荷菱蓬茨彌望岸傍古垂楊甚多是元時尚有舊址興慶池南岸有草數叢葉紫而心殷醉者摘草嗅之立醒名醉醒草見開元天寶遺事池之西為文泰殿天寶十載作文一作交殿西北為沈香亭在池東北開元中禁中初種木芍藥得四本上

因移於興慶池學士院記曰駕在興慶宮則於金明門內置院張說上鬪羊表於金明門奉進按于休烈傳云國史開元實錄起居注等餘書三千六百八十二卷並在興慶宮興慶門之南曰金明門門內有翰林院永樂大典載閣本與慶宮圖作初陽門

南面二門西曰通陽門東曰明義門在勤政樓東大和二

年修明其內曰龍堂閣本圖龍堂在龍池內金花落據閣本圖方位載蓋衛士之居曰五龍壇在池南明義之內為長慶殿唐雜說曰明皇為太上皇居興

慶宮每置酒長慶樓殿北曰睿武門通鑑李輔國迎上皇遊西內至睿武門輔國將射生五百騎露刃遮道北面三門中曰躍龍門天寶十三載御躍龍殿門張樂宴羣臣躍一作躍

南俯大道徘徊觀覽

其內瀛洲門南薰殿。殿南即池。左曰麗苑門。右曰芳苑門。芳苑之內。新射殿仙雲門。在瀛洲宮之西南隅曰花

萼相輝樓。開元二十四年十二月。毀東市東北角道政坊西北角。以廣花萼樓前地。置宮後。寧王憲申王撝岐王範薛王業邸第相望。環於宮側。明皇因題花萼相輝之名。取詩人棠棣之義。帝時登樓。聞諸王音樂。咸召升樓。同榻宴饗。喬潭裴將軍舞劍賦。

序云。裴公獻捷上。御花萼樓置酒。其東曰勤政務本樓。樓南向。開元八年造。每歲千秋節。酌飲樓前。元和十四年。以左右軍官健三千人。修勤政

樓。按明皇勞遣哥舒翰及試制舉人。嘗御此樓。樓前有柳。白居易勤政樓西老柳詩。開元一株柳。長樓北大同殿。殿壁有李將軍與吳道元畫嘉陵江山水。又畫五龍。鱗甲飛動。每欲大雨。即罩煙霧。開元十七年。蜀州新

慶二年春。津縣與尼寺殿柱木文。隱起太上老君像。及天寶元年。所得玉像老君。皆于大同殿供養。天寶七載。大同殿柱產玉芝。殿前左右有鐘鼓樓。天寶十載六月。鐘樓鐘自鳴三度。響六十下。中替門下有寶

表。殿前爲大同門。西與翰林院直。中朝故事。每歲上巳日。許宮女於大同殿前骨肉相見。又有咸寧殿。舊書。順宗莊憲皇后王氏。崩於南內之咸寧殿。

義安殿。敬宗母王太后居此。殿號義安殿太后。積慶殿。文宗母蕭太后居此。殿號積慶殿太后。冷井殿。懿安郭太后崩於此。殿。禁掃。作冷泉殿。會寧殿。見舊書莊恪太子傳。飛仙殿。

同光殿。榮光殿。宜天門。承雲門。飛軒門。玉華門。見六和風門。唐會要。興慶宮之集賢院。在和風門外。橫街之南。

三苑
西京大內凡苑三。皆在都城北。

西內苑在西內之北亦曰北苑

通鑑貞觀十七年引魏王泰入齋章門幽於北苑程大昌曰以太極宮之北亦曰北苑

南北一里東西與宮城齊

按大明宮左銀鑿門內爲

東內苑右銀鑿門內其地卽入西內苑然則西苑之地東出於宮城之東而近東偏者南北亦不止一里也

外垣門東爲日營門西爲月營門

按長安志曰內苑東曰東雲龍門西曰西雲龍門豈東西雲龍門卽

日營月營二門耶

北爲重元門一曰魚鱗門

其南門卽宮城之定武門也定武門北迪東爲觀德殿□光殿

舊本長安志光上一字似

合字金字若作含則與禁苑複俟考

迪西爲廣達樓

或作廣遠禁扉作廣運今從舊本長安志圖舊書王君奭傳有廣達樓在東都

又西爲永慶殿其北東爲冰井臺西爲通

過樓又西出西雲龍門而北則爲大安宮

太宗初居承乾殿武德五年高祖以秦王有克定天下功特降殊禮別建此宮以居之號宏義宮八年帝臨幸謂羣臣曰朕以秦王有大功故於宮中立山村景勝

猶好之至貞觀三年徙居之改名曰大安宮宮有垂拱前殿高祖崩於此又有戴武殿□文殿翠華殿祭酒臺穆案永樂大典載大安宮圖與唐書長安志皆不合其圖南面三門中曰應天門左曰左掖門右曰右掖門北前一門無名西面無門東前一門曰集禧門蓋通西內苑之門也應天門之內左右各有井一大安殿前曰仁壽門左曰日華門右曰月華門大安殿之後曰宜明門又北曰政和門內爲仁政殿殿東西各有門一無名宜明門東首曰左嘉會門西首曰右嘉會門外爲瑤池池之南隔一垣有一門無名更南卽右掖門也池之東北爲蓬萊閣閣北一門無名左嘉會門東爲承明門與集禧門相直承明門之北曰昭慶門與政和門相直承明門之南曰會通門與大安殿相直又南曰敷德門與仁壽門相直又南卽左掖門矣殿左右門內外各寫大木一章豈卽所謂山村景勝耶

程於道光二十三年八月從大典摹出附識於此

又西出苑入夾城

舊本長安志圖西苑之西當芳林門有二門東曰星羅門西曰萬石門疑入夾城北墻之門也按纒當作纒

冰井臺之北曰櫻桃

園。舊紀景龍四年四月游櫻桃園。內有拾翠殿看花殿。園之西爲祥雲樓。北至重元門。在東者歌武殿。在西者翠華殿。以上皆據

崔本長又有永安殿。見長安志寶慶殿。禁扁引西苑

東內苑在東內之東南隅。南北二里。東西盡一坊之地。南卽延政門。北卽左銀臺門。東卽太和門。苑之近

北。有左右雲龍門。陳鴻祖東城老父傳。寶昌景龍四年持筭竿隨元宗入大明宮。誅章后。以長刀備親衛。詔徙家東雲龍門。元宗卽位。治雞坊於兩宮間。帝出游。見昌弄木雞於雲龍門道旁。召入爲雞坊小兒。按長安志與圖。左右雲龍門皆在

苑。四。中有龍首殿龍首池。通鑑注。龍首渠水自城南而注入於此池。大和九年毀銀臺門。又填龍首池。以爲鞠場。池東有靈符應聖院。會昌元年造。僖宗崩於

暉殿。元和十三年造。裴度傳作凝暉。看樂殿。小兒坊。內教坊。御馬坊。在東下馬橋頭。文宗置。毬場亭子殿。

禁苑者。隋之大興苑也。東距澹。通鑑。廣平王假與僕固懷恩引回紇西域之兵自城南過。營於澹水之東。胡身之注。過京城南。歷安化明德啓夏門外。繞京城東南角轉北。歷延興春明通化三門之外。至澹水。北枕

渭。西包漢長安城。南接都城。東西二十七里。南北二十三里。舊書地理志。作三十里。玉海引作二十里。按長安志言永泰門去宮城二十三里。今從之。周一

百二十里。正南阻於宮城。故南面三門。偏於西苑之西。旁西苑者芳林門。唐末有芳林十哲。謂自此門入交中官也。亦謂之芳林園。元和十二年置新市

於芳林 門南。次西景曜門。又西光化門。西面二門。近南者延秋門。明皇幸蜀自此門出。次北元武門。北面。通鑑李晟收京城使王佖將騎兵史萬頃

將步兵直抵苑牆神麴村新。三門。近西者永泰門。次啓運門。次飲馬門。按漢宣平門外有飲馬橋此門蓋以橋爲名也。東面二門。近北者昭

遠門。次光泰門。門臨澧水通鑑上出苑門度澧水胡身之注禁苑東面出澧水無其門蓋出光泰門耳。按朱泚之亂李晟收京苑城陳兵於光泰門外又移軍光泰門外米倉村程大昌云光泰門在通化門北小城之東門門東七里長樂坡。

中四面有監。在東西者曰東監西監。南面長樂監。北面舊宅監。又置苑總監領之。監有廳在苑中通鑑薛明皇率兵誅韋后會於鍾紹京解

是也。皆隸司農寺。苑中宮亭二十四所。可考者曰南望春亭。曰北望春亭。即望春宮天寶二年韋堅引澧水抵苑東望春樓下爲潭名廣運潭在長安城東九

里。楊復光收復京城奏捷露布云雁門節度使李克用今月八日遣牙隊將前鋒楊守宗等三十二都隨李克用自光泰門先入京師從卯至申擊兇大潰自望春宮前擊殺至昇陽殿下。按望春宮內有昇陽殿放鴨亭見禁脔本紀大和元年毀昇陽殿東放鴨亭。

坡頭亭。曰柳園亭。曰月坡。曰毬場亭。曰青城橋。曰龍鱗橋。曰棲雲橋。曰凝碧橋。疑即凝碧池之橋敬宗幸凝碧池令軍士取魚長大者送

新浚。曰上陽橋。德宗迎沈太后入上陽宮在大明宮之西疑橋即上陽宮之橋。曰廣運潭。宋崔敦禮廣運潭銘序云唐天寶紀元之九年陝郡太守韋堅有請治漢隋運渠起關門抵長安以運山東之賦有詔從之乃絕瀟澧並

渭而東。至永豐倉。復與渭合。又鑿潭於望春樓下。曰九曲宮。去宮城十二里在左右神策軍後李氏園九曲宮在魚藻宮之東偏北以聚舟。越二年潭成。天子臨幸嘉嘉錫名廣運。長安志言宮中有殿舍山池。按舊書莊恪太子傳昭宗遇弑之日。蔣元

暉於西內置社籬。酒酣德王已下六王皆爲元暉所殺。投屍九曲池。疑卽此宮之池。
曰魚藻宮。貞元十二年。浚魚藻池。深一丈。穆宗又發神策六軍二千人浚之。唐會要。宮去宮城十三里。在禁苑神策軍後宮中有九曲山池。貞元十三年詔。魚藻池先深

一丈。更濶四尺。通鑑注。言自東內苑光化門入禁苑。魚藻宮在其西。
按玉海云。禁苑池中有山。山上建魚藻宮。在大明宮北。則胡氏說非也。
曰蠶壇亭。在苑東。皇后祀先蠶之所。
曰禎興亭。李氏圖在飛龍院東。
曰元沼

宮。李氏圖。重元門北爲凝碧池。池西爲元沼宮。
曰神皋亭。曰七架亭。曰青門亭。卽邵平種瓜之所。在長安城東。去宮城十三里。
曰桃園亭。去宮城四里。按舊紀。景龍四年。宴桃花園。疑

卽此園。曰臨渭亭。按臨渭水。當在苑之北。
其隸舊宅監者七所。曰咸宜宮。漢之舊宮。去宮城二十里。蘇頌傳。元宗游咸宜宮。羽獵。
曰未央宮。長安志。武宗會昌元年。因

游敗。至未央宮。見其遺趾。詔葺之。總二百四十九間。作正殿曰通光。東曰韶芳亭。西曰凝思亭。立端門。其內揭未央宮名。命學士裴素撰記。通鑑。貞觀七年。從上皇置酒。故漢未央宮。胡注。未央宮在長安宮城北。禁苑西偏。
曰西北角亭。曰南

昌國亭。曰北昌國亭。曰流杯亭。禁扁作游杯。皆在未央宮北。
曰明水園。李氏圖。皆在漢長安城內。
皆漢故蹟也。通鑑注。漢長安城。東西十三里。皆隸入苑中。余同年友

王氏森文所作漢唐長安城圖。皆親自履勘。較長安志圖爲精審。故作禁苑圖。用其說。凡圖中所載者。皆實有舊址可考也。
所謂梨園者。在光化門北。長安志。梨園在通化門外。正北。按通化外郭東面之門。蓋卽光化之譌。

高宗紀。儀鳳元年八月。停南北中尙梨園作坊。中宗紀。景龍四年二月。命五品以上并學士。自芳林門入集梨園。卽此園也。至明皇置梨園弟子。乃在蓬萊宮側。非此梨園。
近梨園者。有蒲萄園。長安志。禁苑有東西蒲萄園。舊書。李適

傳。中宗時。春幸梨園。夏宴蒲萄園。
又有昭德宮。李氏圖在九曲宮南。
光啓宮。見長安志。
含光殿。李氏圖在魚藻宮西。
飛龍院。驥德殿。李氏圖。飛龍院近飲馬門內。驥德殿在院東南。

虎圈、

李氏圖在禁苑東北隅。又有

白華殿、

朱泚自含元殿徙居白華殿。通鑑注云：白華殿蓋近光泰門內。大明宮東北隅。又云：當在大明東苑之東。是亦在禁苑。

會昌殿、

長安志：禁苑南有文宗會

殿。昌西樓

通鑑：魏徵將葬，上登苑西樓望哭。盡哀，胡身之注：長安禁苑之西樓。

不知其處。

唐兩京城坊考卷之二

西京

外郭城

外郭城。隋曰大興城。唐曰長安城。亦曰京師城。前直子午谷。後枕龍首山。左臨灊岸。右抵灃水。東西一十

八里一百一十五步。

舊唐地理志云。長六千六百六十五步。按當作六千五百九十五步。

南北一十五里一百七十五步。

地理志。廣五千五百七十五步。

周六十七

里。地理志。周二萬四千一百二十步。

其崇一丈八尺。

隋開皇二年築。永徽四年。率天下口稅一錢。更築之。開元十八年四月。築西京外郭。

南面三門。正中明德門。

北當皇城朱雀門。南出抵終南

山八

東啓夏門。

門外西南二里有園丘及先農藉田。二壇。按長安圖。東南角有進芳門。

西安化門。東面三門。北通化門。

門東七里長樂坡。上有長樂驛。下臨灃水。至德二載。改爲達禮門。兩

京道里記曰。通化門改達禮門。識者曰。三年之喪。天下達禮。非嘉名。三年而元勳晏駕。還復舊名也。裴度李吉甫李光顏之出鎮。天子皆御此門送之。李義琰致仕歸東都。公卿餞於此門外。

中春明門。

當門外有漢太子太傅蕭望之墓。

南延

興門。

同昌公主葬。懿宗與郭淑妃御延興門哭送。按通鑑。隋紀。李淵遷館於安興坊。胡身之注。安興坊蓋在安興門外。又引雜錄。長安城東面三門。有安興。是延興先爲安興。不知何時改。

西面三門。北開遠門。

德宗避朱泚僞

宗避黃巢皆由此門出南部新書開遠門外立城云西去安西九千九百里示戎人不為萬里之行

中金光門

西出趣昆明池

南延平門

李光弼薨詔宰臣送於此門外

北面即禁苑之南面

也三門皆當宮城西中景曜門東芳林門

隋曰華林門北入苑舊書高士廉傳誅隱太子士廉率吏卒馳至芳林門元和十三年西市百姓於芳林門置無遮僧齋

西光化門 西北出趣

漢故城

郭中南北十四街東西十一街其閒列置諸坊

隋煬帝改坊為里每里置里司一人官從九品下至義寧初廢雅錄每坊皆有門自東西以出橫街而坊北無門其說曰北出即損斷

地脈此厭勝術也隋文帝多忌諱故有司希意如此按此說非也呂大臨長安圖云皇城之南三十六坊各東西二門縱各三百五十步中十八坊各廣三百五十步外十八坊各廣四百五十步皇城左右共七十四坊各四門廣各六百五十步南六坊縱各五百五十步

北六坊縱各四百步市居二坊之地方六百步面各二門四面街各廣百步

有京兆府萬年長安二縣所治寺觀邸第編戶錯居焉

城中一百八坊韋述記曰其中有折衝府四僧

寺六十四尼寺二十七道士觀十女觀六波斯寺二胡祇祠四隋大業初有寺一百二十謂之道場有道觀十謂之元壇天寶後所增不在其數

當皇城南面朱雀門有南北大街曰朱雀門街

東西廣百步

南出郭外之明德門自朱雀門至明德門九里一百七十五步

萬年長安二縣以此街為界萬年領街東五十四坊及東市長安

領街西五十四坊及西市

皇城之東盡東郭東西三坊皇城之西盡西郭東西三坊南北皆一十三坊象一年有閏每坊皆開四門有十字街四出趣門皇城之南東西四坊以象四時南北九坊取則周禮九達之制隋三禮圖見有

其像 朱雀街東第一坊東西三百五十步第二坊東西四百五十步次東三坊東西各六百五十步朱雀街西準此皇城之南九坊南北各三百五十步皇城左右四坊從南第一第二坊南北各五百五十步第三坊第四坊南北各四百步兩市各方六百步四面街各廣

萬年縣所領朱雀門街之東從北第一興道坊。

景龍三年以駙馬都尉武攸暨父名改曰瑤林坊。景雲元年復舊。朝野僉載開元八年京興道坊一夜陷為池。沒五百家。按

事不見他書未可信。

西南隅至德女冠觀。

隋開皇六年立。唐語林。宣宗微行至德觀。有女道士盛服濃妝者。赫怒歸宮。立召左街功德使宋叔康。令盡逐去。別選男子二人住持其觀。

太平公主宅。

沒官後。賜散騎常侍李令問居之。

吏人宅。

尚書故實。郭侍郎承緞初應舉。誤納試卷。一老吏為換出承緞歸親仁坊。自以錢三萬送詣興道里酬之。

旅館。

廣異記。岐州佐史。嘗因事至京。停興道里。乾隍子隴西李信。伯元和初。調選時。上都興道里假居。早往崇仁里訪同選人。忽

於興道東門北下曲馬前。見一短女人。服孝衣。約長三尺已來。咄咄似有所尤。如此兩日。稍稍人多。只在崇仁北街。居無何。僖伯自省門。真出。及景風門。見廣衛中人。聞已萬萬。如東西隅之戲場。大園之有一小兒。突前牽其髻。首布塗落。見三尺小青竹。掛一爛餅。金吾以其聞。事上。

次南開化坊。

半以南大薦福寺。

寺院半以京。隋煬帝在滸舊宅。武德中。賜尚書左僕射蕭瑀為西園。後瑀子銳。尚襄城公主。詔別營主第。主辭以姑婦異居。有關禮則。因固陳請。乃取園地充主第。又辭公主榮戟。不欲異門。乃併施瑀之院門。襄城變後。官市為

英王宅。文明元年。高宗崩後百日。立爲大獻福寺。度僧二百人。以實之。天授元年。改爲薦福寺。中宗即位。大加營飾。自神龍以後。翻譯佛經。並於此寺。寺東院有放生池。周二百餘步。傳云。卽漢代洪池陂也。名畫記。薦福寺額。天后飛白書。寺內有吳道元張瓌畢宏畫。常東

名思恆律師誌銘。律師終於京大薦福寺。王維有大薦福寺道光禪師塔銘。又有薦福寺光師房花藥詩序。張又新煎茶水記云。與同年期於薦福寺。余與李德重先至。憩西廂元鑒宅。又任華有薦福寺後院送辛嶼尉洛郊序。曹松有薦福贈白上人詩。按唐時。官賜額者

爲寺。私造者爲招提蘭若。又謂之山壑野邑。南部新書。長安戲場。多集於慈恩。小者在青龍。其次薦福永壽。西門之北法壽尼寺。隋開皇六年立。太傅蓋文達宅。子志寧蓋文達墓碑。薨雍州開化坊里第。

右武衛將軍柳嘉泰宅。鄭納柳嘉泰碑。終於長安開化里之私第。國子祭酒韓洄宅。尙書左僕射令狐楚宅。按西陽雜俎。楚宅在開化坊。牡丹最盛。而李商隱詩

多音晉陽里第未詳。戶部尙書馬總宅。河東節度使兼侍中李光顏宅。舊書李光顏傳。賜開化里第。尙書吏部侍郎沈傳師宅。杜牧

師行狀。於京師開化里。致第價錢三百萬。訖二鐘。牽滿之。及在牀之日。周身之飾。易以任器。前司徒兼侍中崔垂林宅。舊本作崔垂休。開府儀同三司守司空魏國公崔

允宅。通鑑崔允居第在開化坊。

次南安仁坊。本名安民。永徽元年改。

西北隅。薦福寺浮圖院。院門北開。正與寺門隔街相對。景龍中。宮人率錢所立。柳宗元鶴說。有鷲曰鶴者。集於長安薦福浮圖有年矣。東南隅。贈尙書左僕射劉延景宅。坊

西南汝州刺史王昕宅。

延景即寧王憲之外祖，昕即薛王業之舅，皆是親王外家。甲第並列京城之美。

萬春公主宅。

元宗第二十五女，初降楊膳，又嫁楊錡。

戶部尚書兼殿中

監章仇兼瓊宅。前中書侍郎同中書門下平章事元載宅。

譚賓錄曰：元載城中開南北二甲第，又於近郊起亭榭帷帳，什器皆如宿設。城南別墅，凡數十所，婢僕曳羅綺二百餘人。

杜陽編曰：載宅有芸輝堂。芸輝，香草名也。出于闐國。唐實錄曰：毀元載祖及父母墳墓，斲棺棄椁，及焚毀載私廟木主，并毀大寧安仁里二宅，充修葺百司廨宇，汙宮之義也。又眨同州刺史永暉為澧州員外司馬，暉嘗任魏州刺史，率百姓採盧氏山木為載造東都私第，故也。

義成軍節度使同中書門下平章事上谷郡王張孝忠宅。

權德輿孝忠夫人谷氏神道碑，夫人終安仁里私第。

太子右庶子崔造宅。

權德輿崔公夫人柳氏耐葬墓誌，故相國安平公夫人，河東縣君，考終命於京師安仁里。

太子賓客燕國公子頤宅。

權德輿衛國夫人李氏墓誌，薨於安仁里第，夫人即子公之妻。

武昌軍節度使元

稹宅。

按唐詩紀事：元稹贈毛仙翁詩序，仙翁謂余曰：入相之年，相候於安仁里，余拜而言曰：果如仙約，然香拂榻，以俟雲駕，吾雲溪友議亦言安仁元相國是元稹入相時居此里。

太保致仕岐國公杜佑宅。

舊書杜佑

傳：甲第在安仁里，權德輿杜佑墓誌：啓手足於京師安仁里。按杜牧上宰相求湖州第二啓：某幼孤貧，安仁舊第，置於開元末，有屋三十間而已，元和末，酬徵息錢，爲他人有，因此移去。八年中，凡十徙其居，奔走困苦，無所容歸，於延福私廟，支拄敝壞而處之，然牧自撰墓銘云：某月某日，終於安仁里，是其後仍得舊居也。

次南光福坊。

隋有聖經寺，大業七年廢。

坊東南隅，舊有永壽公主廟。

公主，中宗第五女，降韋鍾，早薨。景雲中廢廟，賜姜皎為鞠場。皎宅在廟北，隔街舊實懷貞宅。懷貞，誅後，賜皇后妹，夫實庭芳。

驩州流人竇參宅。

唐語林，相國竇

參居光

福里第

檢校司空尚書左僕射同中書門下平章事魏國公賈耽宅。

鄭餘慶賈耽碑，終於光福里第。

翰林學士李泌宅。

通鑑，徽李

泌於衡山，賜

第於光福坊。

右衛上將軍南充郡王伊慎宅。

櫛德與伊慎碑，薨於光福里。

太子賓客劉禹錫宅。

劉禹錫有酬鄭州權舍人見寄詩，注舍人舊宅光福里，時忝東鄰。

禮部尚書同平章事權德輿宅。

櫛德輿孫進馬墓誌，天於光福里。又獨孤氏亡女墓誌，故祕書少監，贈絳州刺史獨孤郁妻天水權氏，寢疾終於京師光福里，蓋終於母家也。

周皓宅。

白居易，有宴周

皓大夫光福宅詩，又題周皓大夫新亭子二十二韻。

興元尹兼同平章事充山南西道節度使王起宅。

舊唐王播傳，京城光福里第，王起兄弟同居，斯為宏敞。

次南靖善坊。

大興善寺，盡一坊之地。

初，晉遵善寺，隋文承周武之後，大崇釋氏，以收人望，移都先置此寺，以其本封名焉。神龍中，卓庶人追贈父貞為鄴王，改此寺為鄴國寺。景雲元年，復舊寺塔，記云：不空三藏塔前多老松，歲旱時，官伐其枝為龍

骨以祈雨，蓋以三藏役龍，意其枝必有靈也。東廊素和尚院庭，有青桐四株，元和中，卿相多遊此院，桐至夏有汗汚人衣，如蠟脂，不可浣。昭國鄭相惡其汗，謂素曰：弟子為伐此樹，各植一松也。及暮，素戲祝曰：我種汝二十餘年，汝以汗為人所惡，來歲若復有汗，我必斫之。自是無汗。天王閣，長慶中造，本在春明門內，與南內連牆，其形高大，為天下之最。大和二年，敕移就此寺，拆時腹中得布五百端，漆數十箱。寺有左顧蛤像，子闍玉佛菩薩像，名畫記寺有劉焉尹琳吳道元畫。行香院堂後壁，有梁洽畫雙松，髮塔內有隋朝舍利旃檀像。

堂中有隋時
寫時非時經

次南蘭陵坊

東南隅。天官尚書韋待價宅。宅西工部尚書李珍宅。汝州魯山縣令皇甫枚宅。

三水小牘。咸通辛卯歲。皇甫元真來京師。寓於玉芝觀之上清院。皇

甫枚時居蘭陵里第。日與相從。

忠武軍節度使曲環家廟。太子賓客燕國公于頔家廟。

權德輿于公先廟碑。元和五年。相國司空燕國公立新廟於京師蘭陵里。

李舍人

宅。

楊巨源有送李舍人歸蘭陵里詩。

蕭氏池臺。

詳下永寧坊殷保晦宅下。

次南開明坊

自興善寺以南四坊。東西盡郭。率無第宅。雖時有居者。煙火不接。耕墾種植。阡陌相連。

光明寺。

次南保寧坊

昊天觀。盡一坊之地。

貞觀初。爲晉王宅。顯慶元年。爲太宗追福。立爲觀。高宗御書額。并製嘆道文。唐語林。京中昊天觀。廚後井。俗傳與惠山泉脈通。李衛公取諸流水。稱草。惟惠山與昊天等。獨孤及新平長公主。故李女姜氏墓。誌姜

氏卒於京師吳天觀。

次南安義坊。坊南抵京城之南面西南通明德門。

貞順武皇后廟。禮閣新儀曰開元二十五年立廟。乾元之後祠享遂絕。

右朱雀門街東第一街九坊。

朱雀門街東第二街。北當皇城南面之安上門。街東從北第一務本坊。景龍三年以騎馬都尉楊慎交父名嘉本改爲玉樓坊景雲元年復舊

半以西國子監。監東開街若兩坊街北抵皇城南盡一坊之地監中有孔子廟。貞觀四年立。按開成石經傳在務本坊監立於國子監也。領國子監太學四門律書算六學。唐語林天

寶中國學增置廣文館在國學西北隅。與安上門相對按國學之北即安上門。坊內南街之北先天觀。景龍三年唐庶人立爲翊聖女冠觀景雲元年改景雲觀天寶八載改爲龍興道士觀至德三載改先天觀本司空梁國公房元齡

宅。杜光庭歷代崇道記乾元二年於務本坊先天觀聖祖院獲黑髭老君之像。左龍武軍統軍歸誠郡王程懷直宅。德宗賜懷直務本里宅詳安樂里下河中節度使兼中

書令延德郡王張茂昭宅。權德輿張茂昭墓誌太尉兼中書令延德郡王自河中來朝發瘍覺於京師務本里第左散騎常侍于德晦宅嶺南節度判官宗

義仲宅。

豆盧誥宗義仲碑，捐館於上京務本里第。

檢校司徒同中書門下平章事盧鈞宅。

太平廣記引神仙感遇傳，盧公遷京，置鹽鐵判官，夏四月於務本東門道左見王山人至盧宅。西

川齊州進奏院。

通鑑朝集使京師無邸，率僦屋，與商賈雜居。貞觀十七年，始命有司爲之作邸。舊紀：大厯十二年五月甲寅，諸道邸務在上都，名曰留後，改爲進奏院。按進奏院有官居之，郭子儀祭貞懿皇后文：遣上都進奏院官傅濟是也。演繁

露引宋會要云：唐藩鎮皆置邸京師，謂之上都留候院，則留後當作留候。

旅舍。

羯鼓錄：廣德中，蜀客前雙流縣丞李琬調集至長安，僦居務本里。

鬼市。

蓋下歲時記曰：俗說務本坊西門是鬼市，或風雨曠晦，皆聞其喧聚之聲，秋冬夜多聞賣乾柴。

云是枯柴精也。又或月夜聞鬼吟，六街鼓絕行人歎。九衢茫茫空有月，有和者云：九衢生人何勞勞，長安土盡槐根高。

次南崇義坊。

按通鑑：甘露之變，右神策軍衛左金吾衛大將軍韓約於崇義坊斬之。

鹽鐵常平院。

按司空圖：避賊常平倉下，蓋卽此常平院也。詳下司空圖宅。

坊內橫街之北招福寺。

乾封二年，睿宗在藩所建。本隋正覺寺，寺南北門額，並睿宗所題。寺塔記：正覺寺，國初毀之，以其地立第。

賜諸王睿宗在藩居之。乾封二年，移長寧公主佛堂於此，重建此寺。長安二年，內出等身金銅像一鋪，並九部樂，南北兩門額，上與岐薛

二王親送至寺，乘象輿，羽衛四合，街中餘香數日不散。景龍二年，詔寺中別建聖容院，是睿宗在青宮真容也。先天二年，敕出內庫錢二千萬，巧匠一千人重修之。聖容院門外鬼神數壁，自內移來。畫跡甚異，鬼所執，野雞似覺毛起。庫院鬼子母，貞元中李真畫。

蜀王西閣祭酒蕭勝宅。

見勝墓誌

西南隅，太子左庶子駙馬

都尉蘇勛宅。

後爲英王圖，其地湫下，無人居，勛尙高祖女南昌公主。

南街之北，博陵郡王崔元暉宅。宅西祕書監馬懷素宅，刑部尙書韋

堅宅。贈太尉段秀實宅。

德宗所賜。宣宗大中十年。詔秀實崇義坊宅諸院。典在人上計錢三千四百七十五貫。宜賜莊宅錢收贖。仍令鴻臚少卿段又楚追貼舍人計會。

尚書左僕射竇易直宅。

明皇雜錄曰。本中書令崔圓宅。祿山盜國。王維鄭虔張通皆處于賊庭。洎尅復。俱囚於宣陽里楊國忠之舊宅。崔圓因召于私第。令畫。各有數壁。當時皆以圓勸貴無二。望其救解。故運思精巧。頗極能事。其後皆得寬典。至於貶謫。悉獲善地。其第竊於易直。大和中。畫尙存。

劍南東川節度使王承業宅。

武俊之孫。士貞子也。王楚材按舊書。王武俊四子。士真。士清。士平。士朗。然則士貞蓋即士真。士真五子。承宗。承元。承通。承迪。承榮。承宗。承元。惟爲成德軍節度使。未嘗節度劍南。承業蓋承榮傳寫之譌。

太常寺協律郎李賀宅。

見賀集。申胡子。甥。栗。獸。序。申胡子。朔客。李氏之蒼頭也。李氏亦世家子。吾與對舍於長安崇義里。

前進士司空圖宅。

司空圖。段章傳。廣明庚子歲。冬十二月。寇犯京。圖寓居崇

義里。九日。自里豪楊瓊所轉匿。常平倉下。

興元郵坊。易定進奏院。

次南長興坊。

隋有靈感觀。武德初廢。唐會昌五年。詔皇城兩六坊內不得置私廟。其朱雀街。綠是南郊御跡。至明德門夾街兩面坊及曲江側近。亦不得置。餘園外深僻坊。並無所禁。初。武宗行禮南郊。見天街左右諸坊有人家私廟。遂

令禁斷。中書門下奏。朱雀門至明德門。凡有九坊。其長興坊。是皇城南第三坊。便有朝官私廟。實則逼近宮闈。自威遠軍向南三坊。俗稱園外地。至閑僻。於此置廟。無所妨礙。從之。南部新書。貞元元年十一月。京兆奏。有人於長興坊得玉璽文曰。天子

信。璽。

禮賓院。

院在坊之北街。元和九年六月置。按院卽禮會院。自崇仁坊移此。敬宗初。又廢。以賜教場。

乾元觀。

代宗實錄曰。大曆十三年七月。以涇原節度使馬璘宅作乾元觀。道士四十九人。其地在皇城南長興里。璘初創是宅。重價募天下

巧工營繕屋宇宏麗冠絕當時。麟臨終獻之代宗以其當王城形勝之地牆宇新潔遂命爲觀以追遠之福上資肅宗加乾元觀之名乾元肅宗尊號也按代宗實錄以爲麟獻爲觀德宗實錄與德宗紀皆云帝命毀之未詳孰是左領軍府大將

軍房仁裕宅房仁裕母李夫人碑東北隅侍中駙馬都尉楊師道宅師道尙高祖第五女長廣公主宅地後分裂爲左監門大將軍韓琦尙書刑部侍郎崔元童荆府司

馬崔光坊內橫街之南中書令張嘉貞宅本太常少卿崔日知宅唐書曰貞元中裴延齡爲德陽郡主治第時將降郭縱延齡令嘉貞之子徙所置廟德宗不許長安志引韋述記云延齡所徙乃嘉貞家廟

嘉貞宅在思順里今無思順坊未詳宅西太子賓客元行沖宅次北隔街禮部尙書致仕王邱宅紀國大長公主宅肅宗第五女始封宜寧降

鄭沛呂溫公主墓誌肅宗第二女薨於長興里之私第漢陽大長公主宅順宗長女卽德陽郡主也降郭縱河南尹駙馬都尉鄭顥宅舊書鄭綱傳鄭顥嘗爲詩序曰去年壽昌節赴麟德

殿上壽回慈於長興里第按顥尙宣宗長女萬壽公主同平章事駙馬都尉于琮宅琮尙宣宗第四女廣德公主工部尙書致仕晉昌郡王辛京杲宅黃

門侍郎同中書門下平章事杜鴻漸宅鴻漸於長興第崇節門館賦詩曰常願追禪侶安能拙化源朝士多和之太子右庶子韋聿宅權德輿韋聿墓誌以宣壽發於長興

里國子祭酒鄭仲宅貞元時人禮部侍郎裴士淹宅西陽雜俎開元末裴士淹爲郎官奉使幽冀回至汾州崇香寺得白牡丹一窠植於長興私第當時公有裴給事宅看牡丹詩鎮海

軍節度使同中書門下平章事路隨宅河南節度使王璠宅舊書王璠傳李訓敗之日璠歸長興里第爲禁軍所捕左神武統軍史憲忠

宅。贈太原郡夫人王氏宅。王維工部楊尚書夫人王氏墓誌。奄歸大寂於長興里之私第。戶部尚書李暉宅。舊書李暉傳。暉為戶部尚書。暉為吏部尚書。知政事。暉為戶部侍郎。銀青光祿大夫。兄弟

同居長興里第。兩國公門十六載。一三品門十二載。榮耀冠時。鎮州進奏院。畢羅店。西陽雜俎。柳璟知舉年。有國子監明經。晝夢倚徙於監門。有一人。白衣囊。訪問經姓。氏明經語之。其人遂邀入長興里畢羅店。常所過處。夢忽覺。見長

興店子入門。曰。郎君與客食畢。羅計二斤。何不計直而去也。明經大駭。解衣質之。旅館。西陽雜俎。段成式。元和和中。假居在長興里。

次南永樂坊。按永樂舊書裴度傳。作平樂。

西南隅。廢明堂縣解。總章元年。分萬年縣置。其解地。本越王貞宅。長安三年。廢。還萬年後。以其解地。賜駙馬都尉裴巽。縣東宅都觀。隋開皇七年。道士孫昂為文帝所重。常自開道。特為立觀。本在永興坊。武德初。

徙於此地。本觀東永壽寺。景龍三年。中宗為永壽公主立。按光福坊有永壽公主廟。元稹答姨兄胡靈之詩。注。靈之寓居永樂南街。廟中疑即此寺也。名畫記。永壽寺有吳道元畫。坊內橫街之北。資

敬尼寺。隋開皇二年。大保薩國公長孫覽為其父立。按舊唐元載傳。載得罪。其女資敬寺尼真一。收入掖庭。又韓遊瓌傳。李廣宏者。落髮為僧。舍於資敬寺。尼智因之。室以酒食。結殿前射生。將韓欽緒等。同謀為逆。東南隅。左丞相

燕國公張說宅。本侍中王德貞宅。說大加修葺焉。常侍言旨曰。洪師與說置永樂東南第一宅。有永巷者。戒曰。此宅西北隅。最是王地。慎勿於此取土。越月。洪又至。謂燕公曰。此宅氣候。忽然素漠。恐必甚有取土於西北隅者。公與洪偕行至宅西北

隅。果有取土坑三數。坑皆深丈餘。洪大驚曰。禍事。令公富貴一身而已。更二十年外。諸郎君皆不得天年。燕公大駭曰。填之可乎。洪曰。客

土無氣。與地脈不相連。今欲填之。亦猶人有瘡疥。縱以他肉補之。終無益也。燕國公子均。皆為祿山委任。克復後。均賜死。均長流之。

東門之南夏官尙書王璿宅兵部尙書判戶部事王紹宅

李絳王紹碑終
永樂里私第

司徒中書令晉國公裴度宅

唐實錄曰

度自興元請朝觀宰相李逢吉之徒百計沮沮有張樞與者既為吠犬尤出死力乃上疏云度名應圖讖宅據岡原不召而來其意可見蓋常有人與度作讖詞云非衣小兒坦其腹天上有口被驅逐言度曾征討淮西平吳元濟也又帝城東西橫亘六岡符易象乾卦之數度永樂里第偶得第五岡故樞與以為詞盡欲成事然竟不能動搖

大理卿崔昇宅

崔昇妻鄭氏墓誌終於
京兆府永樂里之私第

左監門衛上將軍李思忠宅

武宗會昌三年
嗚沒斯內屬賜

李姓名思忠命為左監門衛上將軍兼撫王傅賜第永樂坊

尙書兵部侍郎同中書門下平章事蕭寘宅冀州刺史蘇遏宅

博學志天寶中長安
永樂第有一凶宅居

者皆破後復無人住其舍宇惟堂廳存有扶風蘇過苦貧窮乃以賤價與本主質之至夕自攜一榻當堂鋪設而寢忽見東牆下有赤物如人形而叫曰咄西牆下有物應曰諾過乃於西牆下掘入地三尺見一朽柱當心木如血色其堅如石又於東牆下掘近一丈見一方石闊一丈四寸長一丈八寸上以篆書曰夏天子紫金三十斤賜有德者又掘丈餘得一鐵甕開之得紫金三十斤送爛木於昆明池遂閉戶讀書三年為范陽請入幕七年內獲冀州刺史其宅更無事

前京兆尹楊憑別宅

詳下

侍中王珪家廟

南部新書貞觀六年文皇為
王珪置廟於永樂坊東北角

趙嘏宅

按趙嘏有下第後歸
永樂里自題二首

崔生宅

博物志博陵崔書
生住長安永樂里

古家

在坊內
橫街之

中李濟翁資暇集云永樂坊內古家今人皆呼為東王公墓有祠堂加其上俗以祈祀稱造化東王公大謬也案韋氏兩京新記云未知姓名時人誤為東方朔墓也當時人已誤今又轉東方朔為東王公後代必更轉為東里子產矣

次南靖安坊

按靖或作靜
羅隱陸生東遊序余窮棄長安中二
三年時時于遊騁閒面人一年遇生於靖安里中

樂府。隋置在崇西南隅崇敬尼寺。

本僧寺。隋文帝所立。大業中廢。龍朔二年。高宗爲高安長公主。立爲尼寺。高宗崩後。改爲宮。以爲別廟。後又爲寺。

咸宜公主宅。

元宗第二十二女。初嫁楊洵。又

高。嫁崔

太子賓客崔倫宅。殿中少監唐昭宅。

女端墓誌。女子字端。蓋殿中少監唐昭之第三女也。終於京兆靜安里之第。

門下侍郎同中書門下平章事

武元衡宅。

舊書武元衡傳。元衡宅在靜安里。元和十年六月三日。將朝。出里東門。賊射之中肩。又有障樹陰突出者。以楛擊元衡左股。乃持元衡馬東南行十餘步。害之。及衆呼借至。持火照之。見元衡已陪於血中。卽元衡宅東北隅牆之外。

尙書

吏部侍郎韓愈宅。

皇甫湜作神道碑。李翱作行狀。皆言愈薨靖安里第。昌黎集。息國夫人墓誌云。乞銘於其鄰韓愈。按夫人爲靈州節度使李襲妻。則襲宅亦當在此里。

刑部侍郎劉伯芻宅。

按劉伯芻

又有安邑坊宅。

郴州司馬李宗閔宅。

宣室志。唐丞相李宗閔嘗退朝於靖安里第。其榻前有鬘斗。忽跳擲久之。唐語。林元和已來。宰相有兩少師。故以所居別之。永寧少師固言。靖安少師宗閔也。

水部郎

中張籍宅。

張籍移居靖安坊。答元八郎中詩云。長安寺裏多時住。籍先居延康里。見白居易詩。後寓居寺中。又移居靖安也。

武昌軍節度使元稹宅。

白居易寄微之詩。樹依興善老草傍。靖安裏注云。微之宅

在靖安坊。西近興善寺。按興善寺在靖善坊。靖善東與靖安鄰。故元宅西與之接也。元集亦有靖安窮居詩。又蒼巖兄胡靈之詩注云。予宅在靖安北街。微之宅中有辛夷園。樹樂天與微之常遊息其下。亦見長慶集詩注。按微之有宅。已見安仁坊。蓋又移居安仁也。

檢校司空邠州刺史邠寧節度使程執恭宅。

舊書程懷直傳。子執恭至京師。表辭戎帥。以靖安里私第側狹。賜地二十畝。令廣其居。

給事中蕭直宅。

獨孤及蕭直墓誌終

於靖安

韓國貞穆公主廟。

禮閣新儀曰。德宗女自唐安公主。追冊貞元十七年。耐廟。

旅舍。

穆員河南少尹裴濟墓誌。卒於京師靖安里之旅舍。

次南安善坊。

盡一坊之地爲教弩場。

隋明堂在此坊。高宗時併此坊及大業坊之半立中市。署領口馬牛驢之肆。然已偏處京城之南。交易者不便。後但出文符於署司而已。貨鬻者並移於市。至武太后末年廢爲教弩場。其場隸威遠軍。按威遠

軍當即在此坊。元種

詩注予宅又南鄰弩營。

次南大業坊。

本名宏業。神龍中。避孝敬皇帝諱改。

東南隅。太平女冠觀。

本宋王元禮宅。儀鳳二年吐蕃入寇。求太平公主和親。不許。乃立此觀。公主出家爲女冠。初以頒政坊宅爲太平觀。尋徙於此。公主居之。其頒政坊觀改爲太清觀。公主後降薛紹。不復入觀。西有駙馬都尉楊愔。交山

池。本徐王

元禮之池。新昌觀。

次南昌樂坊。

行臺右僕射屈突通宅。

舊本作左僕射。

太子太師鄧國公魏徵家廟。

大中中來孫蒼爲相。再新舊廟。以元成爲封祖。華氏曰。山元成徵之字。崔瑗魏公先廟碑。立家廟於長安昌樂里。

南東道節度使蔣係家廟官園。

坊西官園。供進梨花蜜。

次南安德坊。

坊南抵京城之南面東卽啓夏門。

右武衛將軍蘇方宅。術士桑道茂宅。

右朱雀門街東第二街九坊

唐兩京城坊考卷之三

西京

朱雀門街東第三街

即皇城東之第一街北當大明宮之興安門南當啓夏門

街東從北第一翊善坊

保壽寺

西陽雜俎曰翊善坊保壽寺本高力士宅天寶九年捨爲寺初鑄鐘成力士設齋慶之舉朝畢至一擊百千有窺其意連擊二十杵經藏閣規模危巧二塔火珠受十餘斛河陽從事李珣性好奇古與僧善嘗俱至此寺觀庫中舊物於破甕中得物如被

幅裂汚釜觸而壓起珣徐視之乃畫也因以州縣圖三及縑三十換之令家人裝治大十餘幅訪于常侍柳公權方知張萱所畫石橋圖也元宗賜力士因留寺中後爲驚畫人宗教言於左軍尋有小使領軍卒數十人至宅宣敕取之即日進入張于雲韶院按唐書高力士於來庭坊造寶壽寺段成式謂在翊善坊者蓋二坊南北里連也高力士捨宅詳來庭坊下寺塔記寺有先天菩薩願本起成都妙積寺開元初有尼魏八師者常念大悲咒雙流縣民劉乙名意兒年十一自欲專魏尼遺之不去常于奧室立禪嘗白魏云先天菩薩見身此地歸歎于庭一夕有巨跡數尺轉理成窟因請畫工隨意設色悉不如意有僮楊法成自言能畫意兒常合掌瞻仰然後指授之近十稔工方就後望先天菩薩凡二百四十二首首如塔勢分臂如意曼其勝子有一百四十日烏樹一風四翅水肚樹所照深怪不可詳悉畫樓凡十五卷柳七師者復寧之甥分三卷往上都流行時魏益州温仁縣令任晃宅杜炯任晃碑夫人姚氏終奉古爲長史進之後因四月八日賜高力士今成都是其次本於西京翊善坊之私第驃騎大

將軍虢國公楊思勳宅

張說潁川郡太夫人陳氏碑太夫人羅州大首領楊麻之妻驃騎大將軍兼左驍騎大將軍虢國公思勳之母也薨於長安之翊善里

內侍護軍中尉彭獻忠宅

張仲素彭獻忠碑苑
於翊善里之私第

其西光宅坊

本翊善一坊之地。置大明宮後。開丹鳳門街。遂分爲二坊。大和元年。鳳翔獻鄭注首。詔懸于光宅坊西北角三日而去之。

待漏院

元和初置

右教坊

崔令欽教坊記。西京右教坊在光宅坊左。教坊在延政坊右。多善歌。左多工舞。按自大明宮觀之。則光宅在右。延政在左也。

橫街之北光宅寺

儀鳳二年。望氣者言此坊有異氣。敕

令掘得石函。函內有佛舍利骨萬餘粒。遂立光宅寺。武太后始置七寶臺。因改寺額焉。酉陽雜俎曰。七寶臺甚顯。登之四極眼界。其下層窗下有吳道元畫。丞相韋處厚自居內庭。至相位。每歸輒至此塔焚香。瞻禮普賢堂。本天后梳洗堂。寺塔記。光宅寺本官蒲萄園中。禪師影堂。師號惠中。肅宗上元二年。徵至京師。初居此寺。羯鼓錄。宋沈爲太常丞。一日早于光宅佛寺待漏。閣塔上風鐸聲。傾聽久之。朝回。復至寺舍。謂寺主僧曰。塔鈴有一是古製。此姑洗之。編鐘耳。

李揆宅

李揆謝賜光宅坊宅表云。中使至。奉宣聖旨。知臣無宅。以光宅坊去內最近。賜臣宅一道。

民家

酉陽雜俎。元和中。光宅坊民。其家有病者。將困。迎僧持念。妻兒環守之。一夕。見一人入戶。衆驚逐。乃投於甕間。其家以湯沃之。得一釜。蓋鬼。聞

取氣袋也。

次南永昌坊

舊本有坊東丹鳳門街

給事郎李伏奴宅

李府君夫人王氏墓誌。夫人諱璇。字令瓊。卒於萬年縣永昌里第。伏奴即王氏之子。

茶肆

舊書王涯傳。李訓事敗。涯與同列。歸中書會食。未下筯。吏報有兵自閣門出。逢人即殺。涯等倉皇步出。至永昌里茶肆。爲

禁兵
所擒。

次南來庭坊。

本永昌一坊之地，與翊善坊同分。隋末有仁法寺，大業七年廢。按翊善來庭皆逼近東內，故多闖人居之。

莊宅司。

坊西北。按大達法師塔碑陰，有大中五年敕，內莊宅使牒一通，載安國寺僧價買莊地之事。惟莊中使之名不見。唐志：宋史職官志云，唐設內諸司使，悉擬尙書省，如京倉部也。莊宅屯田也。皇城司門也。禮賓主客也。此坊所載，蓋其廢舍。特進

王仁祐宅。

永徽時人。薛稷鄭敵碑，終於萬年縣之來庭里第。內侍高延福宅。力士父孫翬作墓誌，張說作神道碑，並云延福終來庭里第。按高力士本遼衛之子，延福

以為假子，衡妻麥氏亦來依之，皆居來庭里。開元十四年，延福卒，十七年麥氏卒，至天寶九年，乃捨宅為保壽寺。右衛上將軍致仕梁守謙宅。內常侍孫志廉宅。中堂構孫志廉墓誌，終於咸寧

縣來庭里。左神策軍護軍中尉兼左街功德使知內侍省劉宏規宅。李德裕劉宏規碑，葬於長安來庭里第。又按周遇劉氏太原縣君霍夫人墓誌，劉瞻劉遵禮墓誌，皆

言卒於來庭里私第。蓋霍夫人當是宏規長子行立之妻，遵禮則行深之子也。李氏宅。廣異記：上部來庭里婦人李氏，晝坐家堂，忽見其夫亡姊，身衣白服，戴布幘巾，逕

頭巾，奄然至地，其下得一觸骸骨焉。丹鳳門街至此而絕。

次南永興坊。

隋有善果寺，大業中廢。隋右驍衛將軍長孫晟居於此。太宗文德順聖皇后長孫氏晟之女，大業中后常歸寧。

西南隅、左金吾衛。

神龍中自崇仁坊徙。

十字街西之北。

按十字街長安志發刪十字二字今從兩京記增後做此。

荷恩寺。

景雲元年睿宗立。

西門之北、太子太

師鄭國公魏徵宅。

本隋安平公宇文愷宅。封演見聞錄曰徵所居室屋卑陋太宗欲為營構徵謙讓不受洎徵寢疾太宗將營小殿遂撤其材為造正堂五日而就開元中此堂猶在家人不謹遣火燒之子孫哭臨三日朝士皆赴弔後裔孫蕃相

宣宗居舊第焉。按通鑑會要並云魏徵元孫稠貧甚以故第質錢于人平盧節度使李師道請以私財贖出之憲宗命出內庫錢二千緡贖賜魏稠仍禁質賣故舊之作相仍居舊第崔瓌魏公先廟碑舊宅永興里巖卜貞觀是也。

左龍武軍統軍

咸寧郡王戴休顏宅。

賜第畢氏曰唐書傳但言為左龍武將軍不及咸寧郡王。

右豹韜衛長史贈丹州刺史任丹宅。

王維任丹碑寢疾卒於永興里第。

雲麾將

軍左龍武將軍劉感宅。

李震劉感墓誌誌於永興里之第。

鳳翔陳許湖南進奏院太常樂工宅。

新書讓皇帝之子瑀知音嘗早朝過永興里聞笛音顧左右曰是太常工

乎曰然他日識之曰何故風吹笛工當識。

民家。

西陽雜俎唐開成末永興坊百姓王乙掘井過常井一丈餘無水忽聽向下有入語及雞聲其隔街司中金吾韋處仁將軍令塞之。

次南崇仁坊。

北街宮皇城之基風門與尚書省選院最相近又與京市相連選人京城無第宅者多停憩此因是一街輻輳遂傾兩市晝夜喧呼燈火不絕京中諸坊莫之與比大厰中魚朝恩於坊之南街設齋會奏內坊音樂長安

志載昌化坊而不知所在按坊內有禮賓院及岐陽公主宅禮賓院舊在崇仁坊岐陽宅內云疏龍首池為沼崇仁坊正龍首渠所經蓋昌化即崇仁之異名故以昌化各宅附此坊下。

坊南門之西禮會院。

本長寧公主宅主及駙馬楊慎交奏割宅向西一半官市為禮會院每公主郡縣主出降皆就此院成禮開元十九年四月置兵與以來廢而不修後移於長興坊舊紀至德元載逆胡害霍國長公主永王妃侯莫陳氏

義王妃閻氏陳王妃章氏信王妃任氏騎馬楊媼等八十餘人於崇仁之街疑因在院而被害也。

北門之東寶刹寺

本邑里佛堂院。隋開皇中立為寺。佛殿後。魏時造四面立柱。當中構虛起兩層閣。椽棟屈曲。為京城之奇妙。故天子以寶

刹為名。按名畫記。寶刹寺。有楊契丹陳靜眼楊廷光畫。

東南隅資聖寺

本太尉趙國公長孫无忌宅。龍朔三年。為文德皇后追福。立為尼寺。咸亨四年。改為僧。寺長安三年七月火焚之。灰中得經數部。不損一字。百姓施捨。數日之間。所獲鉅萬。遂

營造如故。寺額。申州刺史殷仲容所題。楷法端妙。京邑所稱。寺塔記。淨土院門外。相傳吳生一夕乘燭辭畫。就中戲手。視之惡駭。院門。門窗間吳畫高僧。草述贊。李殿書。中三門外兩面上層。不知何人畫。人物頗類閻令。寺西廊北隅楊坦畫。近塔。天女明眸將瞬。兩塔院北。堂有鐵觀音。高三丈餘。觀音院兩廊。四十二賢聖。韓幹畫。元載贊。東廊北頭散馬。不意見者。如將嘶蹀。聖僧中龍樹商那和修絕妙。圍塔。上菩薩。李真畫。四面花鳥。邊鸞畫。當藥師菩薩頂上。戎葵尤佳。塔中藏千。部妙法蓮花經。名畫記。資聖寺有吳道元檀章姚景仙楊廷光李琳畫。

西南隅元真觀

半以東。本尚書左僕射申國公高士廉宅。西北隅。本左金吾衛神龍元年。併為

長寧公主第。東有山池別院。即舊東陽公主亭子。韋庶人敗。公主隨夫為外官。遂奏請為景龍觀。仍以中宗年號為名。初欲。出賣官估木石。當二千萬山池。仍不為數。天寶十三載。改為元真觀。肅宗時。設百高座講。名畫記。元真觀有陳靜心程雅畫。

東門之北

尚書左僕射許國公蘇瓌宅

本中書令薛元超宅。蘇瓌。用蘇瓌碑。終崇仁里第。

右散騎常侍舒國公褚无量宅

賜第。蘇頌褚无量。碑。終崇仁里第。

餘干縣

尉王立傭居

集異記云。唐餘干縣尉王立。調選傭居大寧里。窮悴頗甚。每旬食於佛祠。徒行晚歸。偶與婦人同路立。因邀至其居。情。款甚洽。翌日。謂立曰。妾居崇仁里。資用稍備。儻能從居乎。立遂就焉。婦與立居二載。忽一日夜歸。意態遑遑。謂立曰。妾

有冤仇。為日深矣。伺便復仇。今乃得志。便須離京。此居處五百。縉自置契券。在屏風中。室內資儲。一以相奉。言訖收淚而別。

吐蕃內大相論莽熱宅

章舉傳。生擒論莽熱。遣使獻於朝。德宗數而釋之。賜第於崇仁里。

太華

公主宅。

明皇第二十女降楊錡。

義陽公主宅。

德宗第二女降王士平宅在昌化坊。

岐陽公主宅。

憲宗第六女舊書公主下嫁杜悰帝為御正殿臨道由西朝堂出復御延喜門止主車大賜寶從金錢開第疏

龍首池為沼杜牧有岐陽公主墓誌。

右散騎常侍輕車都尉柳渾宅。

柳宗元柳渾行狀薨於昌化里。

檢校尚書左僕射同中書門下平章事韓

浼宅。

顧況韓泚行狀薨於昌化里私第又權德輿韓泚行狀終昌化里私第按泚即浼之弟。

東都河南商汝汴淄青淮南兗州太原幽州鹽州豐州滄州天

德荆南宣歙江西福建廣桂安南邕州黔南進奏院造樂器趙家。

樂府雜錄文宗朝有內人鄭中丞善胡琴內庫二琵琶號大小忽雷鄭嘗彈小忽雷偶以匙頭脫送

崇仁坊南趙家修理大約造樂器悉在此坊其中二趙家最妙。

裴六娘宅。

通幽記哥舒翰少時有志氣長安交遊豪俠宅新昌坊有愛妾曰裴六娘者容範曠代宅於崇仁。

師婆阿來宅。

朝野僉載唐韋庶人之全盛日好厭禱並

將昏鏡以照人令其迷亂與崇仁坊邪俗師婆阿來專行厭魅平王誅之又云崇仁坊阿來婆彈琵琶下朱紫墀門。

次南平康坊。

南門之東菩提寺。

隋開皇二年隴西公李敏道及僧惠英所奏立寺西陽雜俎曰寺之制度鐘樓在東惟此寺綠李林甫宅在東故建鐘樓於西寺內有郭令玳瑁簪及郭令王夫人七寶帳大中六年改為保唐寺寺塔記佛殿東西障日及諸

柱上圖畫是東廊舊鄭法士畫開元中因屋壞移入大佛殿內槽北壁食堂前東壁上吳道元畫智度論色禍變偈是吳自題筆蹟道勁如猱鬼神毛髮次堵畫禮骨仙人天衣飛揚滿壁風動佛殿內槽後壁吳道元畫消災經事樹石古險元和中上欲令移之慮其摧壞乃

下詔擇畫手寫進佛殿內槽壁維摩變舍利弗角膝而轉元和末俗講僧文淑裝之筆蹟盡矣故興元鄭公尙書照此壁僧院詩曰但慮彩色汚無虞情脾肥置寺碑陰雕飾奇巧相傳鄭法士所起標也初會覺上人以利施起宅十餘畝工畢釀酒百石列餅饗於兩廊下引吳道元觀之因謂曰檀越爲我畫以是賞之吳生嗜酒且利賞欣然而許中三門內東門張希復云是吳生弟子王耐兒之手也名畫記菩提寺有吳道元楊廷光董諤歐昌言畫按祿山之亂王維禁在菩提寺顏魯公坐位帖言菩提寺行香當卽此寺

十字街
之北陽化寺 隋內史舍人于宣道爲父建 萬安觀 天寶七載永穆公主出家捨宅置觀其地西南隅本梁國公姚元崇宅次東卽太平公主宅其後敕賜安西都護郭虔瓘後悉併爲觀 名畫記觀內公

主影堂李昭 嘉猷觀 詳李林甫宅下明皇御書金字額以賜之林甫奏女爲觀主觀中有精思 西北隅隋太師中國公李穆

道畫山水 院王維鄭虔吳道子皆有畫壁林甫死後改爲道士觀擇道術者居之 萬年縣之平康里第按碑長公主爲太

宅 其地景龍中爲長寧公主府及鞠 西南隅國子祭酒韋澄宅 蘭陵長公主宅 李義府蘭陵長公主碑遺疾薨於雍州 萬年縣之平康里第按碑長公主爲太

宗第十九女 太子右庶子銀青光祿大夫國子祭酒上護軍孔穎達宅 于志寧孔穎達碑薨 西門之南尙書左 降寶懷慈 於萬年縣平康里第

僕射河南郡公褚遂良宅 自遂良父太 南門之西刑部尙書王志愔宅 次北戶部尙書崔泰之宅 侍中裴光 常卿亮居焉

庭宅 張九齡裴光庭碑薨於 左羽林大將軍臧懷亮宅 李胤臧懷亮碑薨於 東南隅右相李林甫宅 本尙書左僕 京師平康里之私第 京師平康里之私第

靖宅景龍中韋庶人妹夫陸頌所居韋氏敗靖姪孫散騎常侍令問居之後爲林甫宅有堂如偃月號月堂每欲排擠大臣卽處之思所 射衛國公李

以中傷者若喜而出卽其家碎矣又說其宅妖怪東北隅溝中至夜每火光大起有小兒持火出入林甫惡之奏分其宅東南隅立爲嘉

猷觀。宣室志。泓師者。以道術聞。常過李靖宅。謂人曰。後之人有居此者。貴不可言。其後久無居人。開元初。李林甫為奉御。居焉。泓師曰。果如是。十有九年。居相位。雖然。吾懼其易製中門。則禍及矣。林甫果相。元宗及末年。有人獻良馬。甚高。而其門稍庫。不可乘。以過。遂易舊製。既毀其簷。忽有蛇十數萬。在屋瓦中。林甫惡之。即罷而不復毀焉。未幾。林甫竟籍沒。開天傳信記。平康坊南街廢變院。即李林甫舊第。太子賓客分司東都張宏靖宅。本國子司業崔融。舊第有融題壁處。虔

州刺史王哲宅。

西陽雜俎。唐虔州刺史王哲。在平康。里治第。西偏。家人掘地。拾得一石子。

汧陽郡太守王備宅。

王維汧陽郡太守王公夫人安喜縣君成氏墓誌。薨於長安平康里之私第。安喜縣君乃王

濡之母。濡之父名備。官至定州刺史。備之祖。即石泉公方慶。

霍國夫人王氏宅。

楊綰汾陽王妻霍國夫人王氏碑。終於平康里之私第。

校書郎陳萇宅。

柳宗元伯祖妣李夫人墓誌。終於平康里。按詣於第

三。增校書郎渭南尉穎川陳萇家。又宗元亡姑陳夫人權厝誌。前渭南縣尉穎川陳音之夫人河東柳氏。終於平康里。

河南府錄事趙虔章宅。

孫溶趙虔章墓誌。告終於平康里私第。溶一作容。馮震宅。續元

扶風馬震。居長安平康里坊。正晝。聞叩門。往看。見一貨驢小兒云。適有一夫人。自東市買某驢。至此入宅。未還貨價。其家實無人來。且付錢遣之。經數日。父聞叩門。亦父如此。乃置人於門左右候之。是日。果有一婦人。從東乘驢來。漸近議之。乃是震母。亡十一年矣。葬於南山。

其衣服尚。邢鳳宅。沈亞之異夢錄。邢鳳帥家子寓居長安平康里南。以錢百萬。實是葬時者。得故豪洞門曲房之第。即其寢而蓋儼夢一美人自西櫺來。

同華河中河陽襄徐魏涇原靈武夏州

昭義浙西東容州進奏院三曲。

北里志云。平康里入北門東回三曲。即諸妓所居之聚也。妓中有錚錚者。多在兩曲中。其循牆一曲。卑屑妓所居。

次南宣陽坊。

東南隅、萬年縣廨。

去府七里。縣門屋宇文愷所造。太平公主降薛紹於縣廨設婚席。初以縣門隘窄欲毀之高宗敕宇文愷所造製作多奇不須毀拆也。

權鹽院坊西、南隅、淨域寺。

隋文帝開皇五

年立恭帝禪位止於此寺。堯西陽雜俎曰：本太宗皇后宅。寺僧云：三階院門外是神堯皇帝射孔雀處。佛殿內西座善神甚古質。貞元已前西蕃兩度盟誓載此神立于壇而誓。相傳當時頗有靈。寺塔記：王昭隱畫門西裏和修吉龍王有靈門外之西火目藥叉及北方天王。甚奇猛。門東裏面賢門野又部落鬼首。上蟠蛇汗煙。可懼。東廊樹石險怪。高僧亦怪。西廊萬菩薩院門裏南壁。皇甫軫畫鬼神及騶形勢若脫軫。與吳道元同時。吳以其藝逼已。募人殺之。萬菩薩堂內有寶塔。以小金銅塔數百飾之。大殿中將作劉監。有子合手。出胎七歲。念法華經。及卒。焚之。得舍利數十粒。分藏於金銅塔中。佛殿東廊有古佛堂。其地本雍村。堂中像設。悉是石作。相傳云：隋恭帝終此堂。名畫記：淨域寺三階院東壁。張孝師畫地獄變。杜懷亮畫勝子院門內外神鬼。王詔應畫王什書勝子。奉慈寺。本開元中

魏國夫人楊氏宅。魏國節貴妃之姊。其地本中書令馬周宅。津陽門詩曰：又媿新起合歡堂。注曰：魏國構一堂。價實萬金。堂成。工人償價之外。更邀賞技之直。復與絳羅五千段。丁者投而不顧。魏國問其由。曰：某平生之能。彈於此矣。苟不以信。願得蠶蟻蝨蝻蜂蟻之類。數其日而投於堂中。使有開隙。得亡一物。即不論功直也。於是又以給綵珍具與之。又明皇雜錄曰：貴妃姊魏國夫人。恩傾一時。大治第宅。棟宇之盛。世無與比。所居本草閣立舊宅。韋氏諸子亭。午方偃息于堂廡。忽見一婦人。衣黃岐衫。降自步雲。有侍婢數十。笑語自若。謂韋氏諸子曰：聞此宅欲貨。其價幾何。韋氏降階言曰：先人舊廬。所未忍捨。語未畢。有工人數百。登西廂。掘其瓦木。韋氏諸子既不能制。乃率家童。挈其琴書。委於衢路。而自嘆曰：不才無能。為勢家所奪。古人之戒。將見於今日乎。而與韋氏隙地十畝餘。其他一無所留。魏國中堂既成。召匠埽埽。以二百萬償其直。而復以金盆二。瑟瑟三斗為賞。後曾有暴風拔樹。委於堂上。已而視之。略無所傷。既徹瓦以觀。皆承以木瓦。其制精妙。皆此類也。寺塔記曰：安祿山僞命百官。以田畝寬為京兆。取魏國宅為府。後為駙馬都尉郭曖宅。今上即位之初。太皇太后為昇平公主。追福。奏立奉慈寺。賻錢二千萬。續頓三車。抽左街十寺僧四十人居之。

駙馬獨孤明宅。

寺塔記：淨域寺畫金剛有靈。天寶初。駙馬獨孤明宅。與寺相近。獨孤有婢名懷香。悅西隣一士人。宵期於寺門。有巨蛇束之。俱卒。

南門之西、杞國公竇毅宅。

毅即太穆皇后之父宅西有皇后歸寧院後施淨域寺宅南有杞公廟

十字街之西北、秋官尚書譙國公李誨宅。

後為韋溫宅

氏誅後賜恩國公主畢氏曰唐書有兩韋溫此乃韋庶人從父兄

西門之北、尚書左僕射舒國公章巨源宅宅東有陝州刺史劉希進少府監楊

務廉宅。

按新書長寧公主傳云擢務廉將作大匠又云務廉卒坐贓數十萬廢終身是務廉終於將作大匠也

次西北、隔巷有國子祭酒章叔夏宅光祿卿單思遠宅。

十字街東之北、刑部尚書李又宅。

畢氏曰蘇頲李又碑又終宣陽里第

次西有益州長史李袞太子賓客鄭惟忠宅東北隅兵

部尚書郭元振宅。

張說郭元振行狀舊於宣陽里居二十餘年不至諸院馬廄每朝回對二親言笑歸室儼如也杜甫過郭代公故宅詩注云郭元振宅在京師宣陽里

前司空兼右相楊國忠宅。

魏國夫人居坊之左國忠第在其南畢氏曰唐書云國忠第在宮東門之南與魏國相對韓國秦國叢棟相捷集異記天寶末魏山初墜西京王維鄭虔張通等皆處賊府泊就復俱因於宣陽里魏國忠第

西門之南、右羽林軍大

將軍高仙芝宅東門之北、京兆尹李齊物宅司徒致仕薛平宅右驍衛大將軍韓公武宅。

畢氏曰唐書傳公武居宣陽里之北門

麟臺正字陳子昂宅。

獨異記京師東市有賣胡琴者陳子昂千縵市之語衆曰余居宣陽里明日專候來晨集者凡百餘人

禮部員外郎常無名宅。

常袞叔父無名墓誌於西京宣陽里之私第

將作監章文恪宅。

文宗時人

右神武統軍張義潮宅。

咸通六年歸義軍節度使張義潮自沙州入覲詔除統軍賜第一區

邠寧東川振武鄂州進奏院。

柳宗元有邵寧奏院記。賈昌宅。門道見妻兒於招國里菜色黯焉。

陳鴻祖東城老父傳。老父姓賈名昌。長安宣陽里人。以鬪雞得幸元宗。祿山朝京師。識昌於橫門外。及亂二京。以千金購昌。長安洛陽市昌變姓名。依於佛舍。泊太上皇歸興慶宮。昌還舊里。居室為兵掠。明日復出長安。

次南親仁坊。

西南隅。咸宜女冠觀。

睿宗在藩之第。明皇升極於此。開元初。置昭成。肅明二皇后廟。謂之儀坤廟。睿宗升遐。昭成遷入太廟。而肅明留於此。開元二十一年。肅明皇后亦附入太廟。遂為肅明道士觀。寶應元年。咸宜公主入道。與大真觀換。

名焉。名畫記。咸宜觀。有吳道元。解倩。楊廷光。陳闕畫。南部新書。長安士大夫之家。入道盡在咸宜。按女道士魚元機。住咸宜觀。

回元觀。

即安祿山舊宅。祿山故事曰。舊宅在道政坊。元宗以其隘陋。更於親仁坊。選寬爽之地。出內庫錢。更造堂皇。

院宇。飾羅周巾。帷帳。幔幕。充物其中。天寶九載。祿山獻俘至京。命入新宅。譚賓錄曰。祿山入朝。救於親仁坊南街造宅。堂皇三重。皆象宮中小殿。房廊。飾綺綺。語畢。無不寫極精妙。什物充物。以金銀織。傍篋。箠。籬等。每欲賞賜之。明皇嘗謂左右曰。祿山眼孔大。勿令人。

西北隅。尚書右僕射燕國公于志寧宅。

後併入汾陽王宅。閑地置廟。後敕賜貴妃豆盧氏。後左金吾大將軍程伯獻黃門侍郎李潛等數家居焉。

十字街東之北。太子詹

事章瓊宅。次東。又有中書侍郎楊宏武。太僕卿王希雋一宅。

雋所居。即隋兵部尚書樊子蓋宅。

北門之東。駙馬都尉鄭萬鈞

宅。東門之北。滕王元嬰宅。尚父汾陽郡王郭子儀宅。

譚賓錄曰。宅居其地四分之一。通永巷。家人三千。相入出者。不知其居。又曰。親仁里大啓。其地里巷。負販之人。上至公子。簪纓之士。出入。

不聞。或云王夫人趙氏愛女。方妝梳對鏡。往往公廳下。將吏出鎮去。及郎吏皆被召。令汲水持。視之不異。僕隸他日子弟。集列啓諫。公三不應。于是繼之以泣。曰。大人功業已成。而不自崇重。以貴以賤。皆游臥內。某等以爲雖尹霍不當如此也。公笑謂曰。爾曹固非所料。且吾官馬食粟者五百匹。官餼者一千人。進無所往。退無所據。向使崇垣扃戶。不通內外。一怨將起。構以不臣。其有貪功害事之徒。成就其事。則九族盡粉。噬臍莫追。今蕩蕩無間。四門洞開。雖譴毀是興。無所加也。吾是以否。諸子皆伏。其西本于志靈宅。劉禹錫有酬令狐相公親仁郭家花下卽事見寄詩。
駙馬都尉太常卿兼戶部侍郎楊暄宅。
舊書楊國忠傳。國忠子暄兄弟。各立第於親仁里。窮極奢侈。

明皇第十八女降。西華公主宅。
宣宗第三女降。太子太師汧國公李勉宅。檢校司空平章事太原尹北都留守。工部尙書嚴郿。

李石宅。
舊書本傳。開成二年正月五日。石自親仁里將曙入朝。盜發於故郭尙父宅。引弓追及。矢機破。馬逸而回。盜已伏坊門。揮刀砍石。斷馬尾。竟以馬逸得還私第。兵部尙書致仕歸崇敬宅。劍南東

川節度使馮宿宅。
盧氏雜說曰。宿從子裘爲給事中。宅有山亭院。多養鷄鴨及雜禽之類。常遺一家人主之。謂之烏省。按馮裘玉泉子作馮裘。朝散大夫祕書省著作郎致仕韋端

宅。
華州下邽縣丞韋公夫人墓誌。遘疾終於長安親仁里之私第。按夫人王氏。韋端之妻。端時爲下邽令。宅在此里。端卒於元和十四年。其時宅在新昌里。見新昌里下。柳州刺史柳宗元宅。
柳宗元先侍御史府君神道表。終於

親仁里第。給事中陸質宅。
柳子厚居與陸質同巷。見子厚荅元饒州論春秋書。前進士許棠宅。
許棠親仁里雙鷺詩云。雙去雙來日。已頻只應知我是。江人是棠寓此里。唐彥謙宅。
唐彥謙親仁里

聞猿詩云。朱雀街東半。夜驚楚魂湘夢兩徒清。大同軍節度使李國昌宅。
咸通中。朱耶赤心徐州勳助以功。懿宗賜旅館。柳宗元虞鳴鶴誄。終於姓名編入屬籍。系鄭王平房。及賜第一區。長安親仁里。按誄曰。身

終逆旅。蓋旅館也。姚合親仁里居詩云：三年實舍親仁里。寂寞何曾似在城。又有街西居二首。蓋旅館在街之西也。

次南永寧坊

隋有明覺寺。大業七年廢。坊南門之東。隋蘇威宅。西門之北。隋田宏宅。宏子仁恭。德懋及孫元基。並以孝義旌表。時論美之。

東南隅京兆府籍坊

按此長安志文籍坊未詳。或徒坊病坊之類。俟考。

司天監

乾元元年。改太史監為司天監。於永寧坊張守珪宅。置官六十人。其地即安祿山所賜永寧園也。

永寧園

賜祿山。永寧園。

為邸。又賜永穆公。主池觀為游燕地。

南門之西。禮部尚書裴行儉宅。東門之北。贈太尉祁國公王仁皎宅。

本禮部尚書鄭善果宅。後臨江王鷲買之神龍初宗。

正卿李晉居焉。精造廊院。稱為甲第。晉誅後。敕賜仁皎。華氏曰。太宗第十一子江王鷲。非臨江王也。此誤。

吏部郎中楊仲宣宅

席豫楊仲宣碑。遵疾。終於萬年永寧里之私第。

右豹衛大將軍贈益州。

大都督汝陽公獨孤公宅

張說獨孤公燕郡夫人李氏墓誌。永寧里。先人之舊廬也。有通渠轉池。巨石欹曠。噴險淙澗。潭沈沈。殊聲異狀。而為形勝。遊行之處者。十四五。前夫人之孫蘇氏之婦。弱歲。嬉而墮焉。舉家環流。懼莫能救。

夫人投身赴水。或沈。或浮。久之。捉掣僅免。

西北隅中書令裴炎宅

炎死後。沒官。為徒坊。

開府儀同三司博陵郡王李輔國宅

按杜陽雜編。肅宗賜李輔國香玉辟邪。輔

國碎之為粉。所居安邑里。芬瓊。月是輔國宅。又在安邑矣。俟考。

贈太子少師彭王傅上柱國會稽郡公徐浩宅

張式徐浩碑。葬於長安永寧里。

尚書右僕射致仕。

高郢宅

白居易高相宅詩云。青苔故里懷恩地。白髮新生抱病身。涕淚雖多無哭處。永寧門館屬他人。謂高郢也。

河東節度使同中書門下平章事王鐔宅

鐔子禮。進永寧里第。宣義亭子。

時議以鏐因緣累居大鎮營第華侈既歿而入於官固其所也盧氏雜記載泓師云長安永寧坊東南是金蓮地安邑里西是玉蓮地後永寧爲王鏐宅安邑爲北平王馬燧宅後王馬皆進入官王宅累賜韓宏正史憲誠李載義等所謂金蓮破而成也馬燧宅爲奉誠園

所謂玉蓮破河東節度使兼侍中李載義宅太和五年載義自幽州入朝文宗賜以居第及米麩錢帛芻籍極厚前京兆尹楊憑宅憑治第功役叢興又幽妙妾于永樂

別舍誠讓頗讓坐是貶臨賀尉按柳宗元亡妻宏農楊氏誌以謁醫救藥之便來歸女氏永寧里之私第蓋楊氏卽禮部郎中楊凝之女凝卽憑之弟前司空兼門下侍郎同中書門下平章事王涯

宅乃楊憑故第家書與祕府侷名書畫以金玉爲匣軸鑿垣貯之重複祕固若不可窺者及被誅爲人破垣別取匣軸金玉而棄其書畫於道籍田宅入於官太傅致仕白敏中宅按李商隱白居易墓誌其會祖弟今右僕射平

章事敏中仲冬南至備宰相儀物擊跪齋栗給事寡嫂永寧里中蓋白公有楊憑舊宅敏中所居卽樂天第也太子太保涼國公李聽宅按李晟宅在永崇而聽在此坊者蓋其時各立第宅故李愬又宅於興寧衛尉

卿李有裕宅太子太傅分司東都李固言宅唐語林李固言宅在永寧按羅資州刺史羊士諤宅羊士諤有永寧小園卽事

詩永寧里園亭休沐愜然成詠詩酬盧司門晚夏過永寧里敝居林亭見寄詩又永寧里小園與沈校書接近愜然題寄詩御史中丞充武昌軍節度副使竇鞏宅鞏有永寧小園與校書接近因寄詩是宅

在此坊但不知校書爲誰疑金吾大將軍張直方宅自幽州入朝居此舊書黃巢傳宰相崔沆豆盧瑑扈從不及匿之別墅所即羊士諤詩所謂沈校書也由搜索嚴急乃微行入永寧里張直方之家朝貴怙直方之豪多依之既而

或告賊云直方謀反納亡命賊攻其第直方族誅沆瑑數百人皆遇害按北夢瑣言張直方好接賓客賦妓絲竹甲於他族與裴相國休相對是裴休宅亦在此坊也義成軍節度使兼中書令王鐸宅三水小牘

曰第中別立書齋退朝
猶處其中欣欣如也

校書郎殷保晦宅

三水小牘廣明庚子關輔烽飛邠人大潰故祕省校書殷保晦自永寧里所居盡室潛於蘭陵里蕭氏池壑地鄰五門以爲賊不復入明日羣兒霧合祕校遂爲所俘夫人封

氏諱詢字景天文官侍郎敷孫也賊會將叱後乘載之夫人奮袂罵賊遇害賊會既去祕校脫身來歸大慟良久長號而絕三婢子相攜投浚井而死

次南永崇坊

東南隅七太子廟

其地本萬籬六州之邸總章中以爲明堂縣後徙縣於永樂坊神龍初立懿德太子廟即中宗之長子禮閣新儀曰天寶六載詔章懷節愍惠莊惠宣惠文太子雖官爲立廟比來子孫自祭或時物有闕禮儀不備宜與隱太子

及懿德太子列次諸室同爲一廟遂於永崇坊東街就懿德太子同立廟呼爲七太子廟寶應三年停享大曆三年又加靖恭太子一室

廟西靈應觀

隋道士宋道標所立宗道觀本與信公主宅寶興劍南節度使郭英又其後入官

大曆十二年爲華陽公主追福立爲觀按觀爲華陽公主立故亦曰華陽觀歐陽詹玩月詩序貞元十二年甄固君子陳可封游在秦寓於永崇里華陽觀是也白居易華陽觀詩注觀即華陽公主故宅有舊內人存焉

龍興觀

坊有龍興觀見李商隱爲

馬懿公郡夫人王氏黃籙齋文

孝廉陳巖宅

宣室志穎川陳巖景龍末舉孝廉至京師居永崇里

瀘州都督王湛宅

楊炯王湛碑藁於京師永崇里

十字街西之南刑部尚

書韋抗宅諫議大夫呂崇粹宅

廣古今五行記唐開元中呂崇粹宅在京永崇坊

祕書監楊銛宅

明皇貴妃之兄舊書楊貴妃傳貴妃以徽譴送歸楊銛宅比至亭午上思之不食高力

士奏請迎貴妃歸院是夜開安興里門入內按明皇時在南內故永崇北行入自安興里門也

司徒兼中書令李晟宅

興元元年賜晟永崇里甲第詔宰臣諸節將會送是日特賜女樂八人錦綵銀器等令教坊太常備樂京兆府供具

鼓吹迎道集宴京師以為榮觀。乾廐子李晟太尉宅前有一小宅相傳凶甚直二百十千寶又買之築園打牆拆其瓦木各塚一處就耕之太尉宅中有小樓常下瞰焉晟欲併之為擊毬之所他日乃使人向又欲買之又確然不納云某自有所要候晟休沐日遂具宅契

書請見晟語晟曰某本置此宅欲與親戚居之恐俯逼太尉甲第貧賤之人固難安矣某見此地寬閒。驍衛將軍薛嬰宅。集異記。貞元末。其中可以為戲馬今獻元契伏惟俯賜照納晟大悅。杜牧有題永崇西平王宅太尉懋院六韻詩。

驍衛將軍薛嬰永崇龍興觀之北多妖狐或謂曰妖狐憚獵犬西鄰李太尉第中獵犬頗多何不假其駿異者向夕以待之。嬰即詣西鄰述其事李氏購三犬以付焉是夕月明。嬰縱犬與家人輩密覘之見三犬皆被羈約三狐跨之奔走庭中。及曉三犬困殆。餒而不食。纔頃復為乘跨犬稍留海。鞭策備至。變無奈何竟徙焉。

東都留守杜亞宅。吏部尚書充諸道鹽鐵轉運等使李巽宅。權德輿李巽墓誌。巽疾薨於永崇里。司徒兼

中書令韓宏宅。韓愈韓宏碑。薨於永崇里第。兵部尚書蕭昕宅。宣室志。唐故兵部尚書蕭昕為京兆尹京師大旱時天竺僧不空三藏居

小龍於其上而以鑪薰香水置於前轉呪食頃以鐵龍授昕曰可投此於曲江中。昕如言投之旋有白龍纒尺餘。自水出。而龍又銜忽見天。龍驅馬疾驅水及數十步雲物凝晦暴雨驟降。比至永崇道中之水已著決渠。庶子致仕沈君宅。集

記。貞元中庶子沈君致仕永崇里。溫縣主簿韓慎宅。柳宗元韓慎墓誌。前進士崔塗宅。崔塗有上巳日。旅館。類真卿元結表墓碑。大曆

之。旅館。宣室志。大曆中有呂生者。自曾稽上虞尉調集於京師。僑居永崇里。放生池。卒於長安永崇里。永崇里言懷詩。旅館。七年。朝京師。薨於永崇坊。

次南昭國坊。隋有香海寺。大業七年廢。此坊本犯中宗廟諱。長安中改昭。或作招誤。按章。應物有過昭國里第詩。又有昭國里第聽元老師彈琴詩。皆未知何人之第。

應物有過昭國里第詩。又有昭國里第聽元老師彈琴詩。皆未知何人之第。

應物有過昭國里第詩。又有昭國里第聽元老師彈琴詩。皆未知何人之第。

應物有過昭國里第詩。又有昭國里第聽元老師彈琴詩。皆未知何人之第。

應物有過昭國里第詩。又有昭國里第聽元老師彈琴詩。皆未知何人之第。

應物有過昭國里第詩。又有昭國里第聽元老師彈琴詩。皆未知何人之第。

應物有過昭國里第詩。又有昭國里第聽元老師彈琴詩。皆未知何人之第。

應物有過昭國里第詩。又有昭國里第聽元老師彈琴詩。皆未知何人之第。

應物有過昭國里第詩。又有昭國里第聽元老師彈琴詩。皆未知何人之第。

西南隅崇濟寺

本隋修慈寺開皇三年魯郡夫入孫氏立貞觀二十三年以尼寺與慈恩僧寺相鄰而勝業坊甘露尼寺又比于宏濟僧寺救換所居爲本宏寺神龍中改寺塔記寺內有天后織成蛟龍被覆子及繡衣六事東廊從南第二院有宣

律師製袈裟堂

太府少卿裴子餘宅

即廢香海寺之地

前進士李蒙宅

獨異志開元五年進士及第李蒙者貴主家增主居昭國里

南門內一作東門

太子太傅

致仕鄭綱宅

詳異集驗唐丞相鄭綱宅在昭國坊南門忽有物來投瓦礫五六夜不絕乃移於安仁西門宅避之瓦礫又隨而至久如物於窻中築之離窻尺餘連築不已其旁有鑑十餘所皆兩耳慢搖良久悉能行乃止窻上每三鑑負一釜而行出府東過水渠往少卿院堂前大小排列定乃問空中轟然如屋崩其鑑釜悉爲黃埃黑煤數日少卿卒相國相次而薨

檢校司徒兼

太子少師鄭餘慶宅

唐語林司徒鄭貞公與其宗叔太子太傅綱居昭國坊太傅第在南司徒第在北時人謂之南鄭相北鄭相

尚書右丞庾敬休宅

國史補曰敬休宅屋壁有畫奏樂圖王維嘗至

其處維熟視而笑或問其故維曰此霓裳羽衣曲第三疊第一拍好事者集樂工驗之無一差者

將軍韋青宅

樂府雜錄大厩中有才人張紅紅者本與其父歌於衢路旬食過刑將軍韋青所居在昭國坊南門裏青於街幃中聞其歌即納爲姬

部尚書白居易宅

白氏長慶集有昭國里開房詩時爲左贊善大夫居易與楊虞卿書云僕左降詔下明日而東足下從城西來抵昭國坊已不及矣按白居易始居常樂次居宣平又次居昭國又次居新昌今於各坊備載之

夏綏

宥等州節度使李寰宅

寰監守博野鎮穆宗賜其子方回宅

山南西道節度使崔瑄宅

柳批云崔氏居昭國宅子孫昌盛衣纓不絕

集賢直院官榮王

府長史程修己宅

溫憲程公墓誌避疾歿於昭國私第

涇原節度使段祐宅

西陽雜俎涇帥段祐宅在昭國坊

次南晉昌坊。

晉或作進。

半以東大慈恩寺。

隋無漏寺之地。武德初廢。貞觀二十二年十二月二十四日。高宗在春宮。為文德皇后立為寺。故以慈恩為名。仍選林泉形勝之所。寺成。高宗親幸。佛像燦華。並從宮中出。太常九部樂送額至寺。寺南臨黃渠。水竹森邃。為京都

之最。會昌五年。詔天下廢寺。上都每街各留寺兩所。僧各三十人。左街留慈恩。鷲福。右街留西明。莊嚴。六年。左街添置寺八所。興唐寺。保壽寺。兩所依舊額。六所改名。僧寺四所。寶應寺改為資聖寺。青龍寺改為護國寺。菩提寺改為保唐寺。清禪寺改為安國寺。尼寺二所。法雲寺改為唐安寺。崇敬寺改為唐昌寺。右街西明寺改為福壽寺。莊嚴寺改為聖壽寺。添置八所。二所依舊名。僧寺一所。千福寺。尼寺一所。興元寺。並依舊額。六所改名。僧寺五所。化度寺改為崇福寺。永泰寺改為萬壽寺。溫國寺改為崇聖寺。經行寺改為龍興寺。奉恩寺改為興福寺。尼寺一所。萬善寺改為延唐寺。寺塔記。慈恩寺本淨覺故伽藍。因而營建焉。凡十餘院。總一千八百九十七間。敕度三百僧。初三藏自西域東歸。詔太常卿江夏王道宗設九部樂迎。像入寺。綵車凡千餘兩。上御安福門觀之。太宗常賜三藏兩直百餘金。其工無錢絀之跡。寺有南池。草應物有慈恩寺南池秋荷詠。司空曙有早春遊慈恩南池詩。趙嘏有春盡獨遊慈恩寺南池詩。寺有牡丹。唐語林。慈恩浴室院有牡丹兩蓋。每開及五六百朵。唐詩紀事。長安三月十五日。兩街看牡丹。甚盛。慈恩寺元果院花最先開。太平院開最。後。裴諱作白牡丹詩題壁。開。又有浚香花。見李端懷舊詩序。

寺西院浮圖六級。崇三百尺。永徽三年。沙門元奘所立。初唯五層。崇一百九十九尺。磚表土心。做西域窰塔波制度。以置西域經像。後浮圖心內亦木鑽出。漸以頽毀。長安中。更拆改造。依東夏剎表舊式。特崇於前。有辟支佛牙。大如升。光彩煥爛。浮圖東有翻經院。即元奘為慈恩上座所居。按上官昭容宋之間。有九月九日。上幸慈恩寺登浮圖詩。自後。唐人詩甚多。又為進士題名之所。名畫記。慈恩寺塔院。有吳道元。尹琳。胡人尉遲乙僧。楊廷光。鄭虔。華宏。王維。李果。吳。張孝師。韋鑿畫。西南隅。楚國寺。本隋興道寺之地。大業七年。廢。高祖起義井州。第五子智雲。塔前壁有畫。溼耳。獅子。跋心花。為時所重。見唐語林。

水竹幽靜，類於慈恩。寺塔記：寺內有楚哀王等身金剛像，哀王繡襖半袖猶在。

十字街之西北淨住寺。

本隋吏部尚書裴宏齊宅，開皇七年立為

長慶中，賜織成雙鳳夾黃襖，子鎮在寺中，門內有放生池。太和中，賜白鬚黃勝衫。

寺有石塔，本

姚萇之浴室。十字街北之東，尚書左僕射郇國公韋安石宅。前進士陸賓虞宅。

前定錄：陸賓虞舉進士在京師，寓晉昌里。

叛臣朱泚

宅。建中中，羣盜夜分數百騎取泚于晉昌，先泚號其宅為潛龍宮。徙珍寶實之人，謂潛龍勿用亡兆也。寺塔記：楚國寺牆西朱泚宅。

若耶女子寓居。

若耶溪女子題三鄉詩序云：余家本若耶溪吏，不得已從良人西入函關，寓居晉昌里第。

其居迴絕塵囂，花木叢翠，東西

鄰二佛宮，皆上國勝遊之最。

次南通善坊。

杏園。為新進士宴遊之所。按貞元四年，以曲江亭望慈恩寺杏園，花發詩試進士。慈恩、杏園皆在曲江之西南也。

次南通濟坊。

坊南街，抵城之南面。

侍中扶陽郡王桓彥範宅。山南西道節度使令狐楚家廟。尚書右僕射盧鈞家廟。劉得仁宅。

劉得仁有夏日通濟里居，酬諸

先輩見訪詩。又通濟里居酬盧肇見尋不遇詩。

右皇城東第一街十五坊。

朱雀門街東第四街。

即皇城東第二街。

街東從北第一長樂坊。

後改延政坊。按坊之北，即延政門，故以門名坊。

大半以東、大安國寺。

睿宗在藩舊宅，景雲元年立爲寺。以本封安國爲名。憲宗時吐突承璀盛營安國寺，欲使李絳爲碑文，絳不肯撰。後浸摧圯，宣宗欲復修，未克而崩。咸通七年，以先帝舊服御及孝明太皇太后金帛，俾左神策軍再建之。寺

有紅樓。睿宗在藩時舞榭，元和中，廣宣上人住此院，有詩名，時號爲紅樓集。寺塔記：東禪院亦曰木塔院，院門西北廊五壁，吳道元弟子釋思畫釋梵八部，不（不）施彩色，尙有典型。名畫記：安國寺有吳道元、楊廷光、尉遲乙僧畫。南部新書：長安名德多聚安國寺。唐

語林：劉相國瞻任大理評事日，餽粥不給，嘗於安國寺相識僧處謁餐。段成式：寂照和尚碑，自長慶中，寶曆末，大和初，皆薦幸安國寺。

西、南隅、興唐觀。

本司農園地，開元十八年造觀，其時敕令速成。之遂拆興慶宮，通乾殿，造天尊殿，取大明宮乘

雲閣造門屋樓，拆白蓮花殿，造精思堂屋，拆甘泉殿，造老君殿。元和初年，命中尉彭忠獻帥徒三百人，修興唐觀，賜錢千萬，使壯其舊制。其觀北拒禁城，因是開複道爲行幸之所。以內庫絹千匹，茶千斤爲夫役之賜。又以莊宅錢五十萬，雜穀千石充修齋醮之費。按懋德

與有興唐觀新鐘銘。仗內教坊於此。

左教坊。

元和十四年徒置。

次南大寧坊。

東南隅、興唐寺。

神龍元年，太平公主爲武太后立爲閭極寺，窮極華麗，爲京都之名寺。開元二十年，改爲興唐寺。明皇御容在焉。酉陽雜俎：長安興唐寺有牡丹一棵，元和中著花二千一百朵。名畫記：興唐寺有吳道元、楊廷光、周昉、尉遲乙僧

董誥尹琳楊坦楊喬李生畫又有
韓幹畫一行大師真徐浩書讚

西南隅、太清宮

禮閣新儀曰開元二十九年始詔兩京及諸州各置元元皇帝廟一所俟道法議
天寶元年正月陳王府參軍田同秀上言元元皇帝降見於丹鳳門之通衢以天

下太平聖壽無疆之言傳於元宗仍告賜靈符尹喜之故宅上遣使就桃林縣函谷關令尹臺西得之於是置廟於大寧坊中東都於積
善坊九月改廟爲太上元元皇帝宮二年正月加號大聖祖三月敕西京改爲太清宮東都爲太微宮諸州爲紫極宮十二載二月加號
大聖祖高上大道金闕元元天皇大帝每歲四時及臘終行廟獻之禮初建廟取太白山白石爲眞像袞冕之服當辰南向元宗肅宗德
宗侍立于左右皆朱衣朝服宮垣之內連接松竹以像仙居殿十二間四柱前後各兩階東西各側階一其宮正門曰瓊華東門曰九靈
西門曰三清御齋院在宮之東公卿齋院在宮之西道士雜居其間天寶五載詔刻石爲李林甫陳希烈像列侍于聖容之側林甫犯事
又刻楊國忠之形而磨塵林甫之石及希烈國忠敗又盡毀之八載立文宣王像與四真人列左右殿內有吳道子畫元元眞見名畫
記常袞賀連理木表太清宮道士陳岳等狀稱聖祖殿院東
廊九靈門北有柰樹連理異枝還合按其地本臨淄舊邸

西門之南左侍極兼右相陸敦信宅次南大理卿孫伏伽

宅南門之東戶部尙書許圜師宅北門之南太子詹事陸餘慶宅前中書侍郎同中書門下平章事元載

別宅

舊書本紀焚元載私廟主於大寧里又本傳載
得罪以載大寧里安仁里二宅充修百司廨

右武衛將軍上柱國乙速孤行儼宅

劉憲乙速孤行儼
碑薨于大寧里第

行內侍省

內侍員外置同正員王庭瓌宅

扶風郡夫人馮氏墓誌終於京大
寧里之私第按夫人卽庭瓌之妻

河中節度使兼中書令渾瑊宅

興元元年賜兼賜
女樂五人錦綵銀

器等宰臣節將會送有司備饌次於李晟焉西陽雜俎上都渾瑊宅戟門外一小槐樹樹有穴大如錢每夏月霽後有蚋大如巨臂長
三尺餘白頸紅斑領蝟數百條如索綠樹枝幹及曉悉入穴白居易有看渾家牡丹花詩疑渾令之宅也路巖義昌軍節度使渾瑊

神道碑。葬於大寧里。義章公主宅。德宗第三女。降張茂宗。賜第。鳳閣侍郎李元素宅。李嶠爲李元素進冬栝表。京兆萬年縣大寧坊宅內有桑樹一株。暮秋生子。初冬栝熟。力者

張幹居。西陽雜俎。大寧坊力者張幹。割左臍曰。生不怕京兆尹。右臍曰。死不長閻羅王。

次南、安興坊。後改廣化坊。隋有總化寺。大業七年廢。舊書裴度傳。度出通化里。盜三以劍擊度。按度自永樂里入朝。必經安興之西。其曰通化者。安興東抵通化門也。

玉山營。見楊復。樂官院。樂府雜錄。廣化里太平里。各署樂官院一所。南門之東、申王搆宅。宅以東、岐王範宅。長安志。南門之東。寧王憲宅。按舊書。讓皇帝傳。憲于

勝業東南角。賜宅。申王搆。岐王範。于安興坊。東南賜宅。則寧王憲爲申王搆之訛。今正。太子少保戶部尚書韓良宅。于志寧。穎川定公碑。遺疾。薨于安興里第。西門之北、戶部尚書陸

象先宅。次北、開府儀同三司宋璟宅。譚寶錄曰。璟宅中造屋。悉東西正陽。河南府參軍贈祕書丞郭揆宅。顏真卿郭揆碑。終於安興之私第。曹州

司法參軍祕書省麗正殿二學士殷踐猷宅。顏真卿殷踐猷墓碣。終於京師通化坊之私第。恆安郡王宅。張說鄭國夫人神道碑。終于通化里。按夫人楊氏。開元皇帝惠妃之

母。恆安郡王之妻。尚書兵部侍郎李巖宅。天寶中人。亳州刺史致仕王同暉宅。同暉從父兄。孫遜。王同暉碑。終于京兆安興里之私第。左衛上將軍內

侍監致仕仇士良宅。鄭薰仇士良碑。終廣化里第。內侍省内常侍孫常楷宅。于邵孫常楷碑。卒於廣化里之私第。按權德輿孫榮義碑。云內省少監致仕孫公寢疾。薨於京師廣化里私

第榮義、卽第楷之猶子。

內侍省內給事員外同正員王文幹宅。

趙造王文幹墓誌終於京兆萬年縣廣化里私第。

六軍十二衛觀軍容使楊復恭宅。

舊書楊復恭傳第在昭化里。近玉山營。復恭假子守信爲玉山軍使。或告云謀亂。詔李順節率禁軍攻之。昭宗御延喜樓守信以兵拒之。際晚守信復恭挈其族出通化門。趨興元。長安志云昭化卽廣化之誤。新書作昌化里。

同昌公主宅。

懿宗長女。

降宰相韋保衡。杜陽編曰。其宅房櫺戶牖。以紫寶飾之。金銀爲井欄。又曰。大會韋氏一族于廣化里。暑氣特甚。公主命取澄水。帛以蘸之。挂于南軒。

行內侍省內僕局丞員外置同正員上柱國李

從証宅。

尹震錄李從証墓誌。終于廣化里私第。

次南、勝業坊。

本名宜仁。後改。朝野僉載。鄒駱駝長安人。先貧。嘗以小車推蒸餅賣之。每勝業坊角有伏導。車觸之卽翻。塵土流其餅。駱苦之。乃將鐵剛去十餘塽。下有資窰。容五斛許。開看有金數斗。于是巨富。劇譚錄。咸通中。

左軍張季宏。勇而多力。嘗雨中經勝業坊。過泥濘深險。有村人驅驢負薪。適當其道。季宏捉驢四足。擲過水渠數步。

西南隅、勝業寺。

武德初高祖爲沙門景暉立。景暉言事多中。高祖龍潛景暉夙啓先覺。旣立寺。其坊因此改名。寺東又爲立祠焉。

十字街北之西、修慈尼寺。

本安濟僧寺。隋開皇七年立。貞觀二十年。

以與甘露尼寺相近。初自昭國坊換居之。

寺西甘露尼寺。

隋開皇五年立。

楊去盈宅。

楊炯從弟去盈墓誌。歿於京師勝業里。

西北隅、薛王業宅。

本贈禮部尚書韋行傑宅。舊書讓皇帝

傳薛王業於勝業西北角賜宅。

東北隅、寧王憲山池院。十字街北之東、銀青光祿大夫薛繪宅。

繪兄弟子姪數十人同居一曲。姻左。黨清華冠冕茂盛。坊人謂之薛曲。

散騎常侍徐堅宅。太僕卿駙馬都尉豆盧建宅。

尙元宗建平公主。

禮部尙書席豫宅。中書舍人朱巨川宅。

李紆朱巨川碑終上

都勝業里私第。

特進行左金吾衛大將軍清河郡開國公康阿義屈達干宅。

顏真卿康公碑。葬於上都勝業坊之私第。

朝散大夫守司農

少卿隴西縣開國男李絛宅。

櫛德與李絛墓誌。疾終於勝業里私第。

宣州司功參軍魏邈宅。

邈居於勝業里。見子匡贊所作墓誌。

奉義郎試洋王府

長史吳達宅。

寇同滎陽吳達墓誌。達疾終于勝業里之私第。

檢校司徒同中書門下平章事王處存宅。

舊書本傳。處存京兆萬年縣勝業里人。劇談錄。勝業坊富人王氏。隸左

軍。性儉約。所費未嘗過分。一日與賓朋過鳴珂曲。有婦人靚妝立於門首。王生駐馬遲留。喜動顏色。因召同列者置酒爲歡。歌數曲。悉以金綵贈之。衆皆訝其廣費。自此輿釐資貨。日輸其門。未經數年。遂至貧乏。按處存世隸神策軍。爲京師富族。則富人王氏亦其族也。

霍小玉宅。

蔣防霍小玉傳。鮑十一娘謂李益曰。霍王小女。字小玉。住在勝業坊。古寺鋪上車門宅是也。明日午時。但至曲頭覓桂子。卽得矣。

陝府鄭滑進奏院。狗脊嶺。

通監。武宗斬太原將楊弁及其黨五十四

人于狗脊嶺。舊書黃巢傳。高仙芝令尙君長。蔡溫璋楚彥威詣朝請罪。敕於狗脊嶺斬之。

次南東市。

隋曰都會市。舊書回紇傳。大厯十年。回紇白晝刺人于東市。市人執之。拘于萬年縣。

南北居二坊之地。

東西南北各六百步。四面各開二門。定四面街。各廣百步。北街當皇城南之大街。東出春明門。廣狹不易于舊。東西及南面三街向內開。壯廣于舊街。市內貨財二百二十行。四面立邸。四方珍奇。皆所積集。萬年縣戶口減于長

安又公卿以下居止多在朱雀街東第宅所占勤貴由是商賈所湊多歸西市

當中東市局次東平准局
並隸天府寺
鐵行
乾腰子唐市鐵行有范生卜舉人連中成敗每卦一繅
資聖寺
唐書蔣鎮傳斬于東市西北街蓋刑人之所通
鑿隆基將捕諸韋親黨斬韋溫于東市之北
東北隅有

放生池
分澆水渠自道政坊東入城
西流注此池俗號爲海池

次南安邑坊
隋有右武衛大將軍
宋國公賀若弼宅

奉誠園

本司徒兼侍中馬燧宅燧子少府監暢以貴甲天下貞元末神策中尉申志廉諷使納田產遂獻舊第國史補曰暢以第中大

予初冠應進士貢在京師窮不自存以故人稚弟拜北平王於馬前王問而憐之因得見於安邑里第北平王即燧也寶平奉誠園聞
香饋寶文場以進德宗德宗嘗見頗怪之令中使就封杏樹暢懼進宅廢爲奉誠園屋木皆拆入內韓愈馬燧祖業誌始
簡詩注因馬侍中故宅元稹詩法同杜牧過因家宅詩安邑南門外誰家飯菜高奉誠園裏地牆缺見蓬蒿博異志元和中鳳翔節度
李聽從子瑄任金吾參軍自永寧里出及安化門外過一車子通以銀裝頗極鮮麗從二女奴皆乘白馬瑄隨之日暮及奉誠園二女奴
曰娘子住此之東耶君且此回翔某即出奉迎耳良久見一婢出門招手瑄乃下馬入坐于廳中令人馬入安邑里寄宿黃昏後方見一
女子素衣姿豔若神仙瑄自喜心所不能論及別而歸纔及家便覺膈疼斯須益甚膈裂而卒家人於昨夜所止之處覆驗之但見枯槐
樹下有大蛇蟠屈之跡乃伐其樹發掘已失大蛇但有小蛇數條盡白皆殺之而歸按自永寧至安邑甚近無由至安化門其時李聽
宅與寧永寧或與寧之訛自興寧
至安邑先經通化門訛爲安化耳

十字街之北元法寺

本隋禮部尚書張穎宅開皇六年立爲寺寺塔記張穎嘗供養一僧僧
念法華經爲業積十餘年張門人謂僧通其侍婢因以他事殺之僧死後

園宅嘗聞經聲不絕。張尋知其寃，慙悔不及，因捨宅爲寺。東廊南觀音院，盧耆那堂，內槽北面壁畫維摩變，屏風上有虞世南書。西北角院內有懷素書顏魯公序。張謂侍郎錢起，郎中讀曼殊院東廊大廡中畫人陳子昂畫簷前額，上有相觀法。西廊壁有劉整畫雙松。太

真觀。天寶五載，貴妃姊裴氏請捨宅置太真女冠觀，寶應元年與肅明觀換名焉。

西南隅，左衛大將軍范陽公張延師宅。延師兄太師銀青光祿大夫華州刺史況，兄植金紫光祿大夫營州都督

兄弟三人，同時二品。甲第宏敞，高門洞開，一宅之中，榮戟齊列，時人榮之。號三戟張宅。其地景龍中司農卿趙履溫居焉。華氏曰履溫，安樂公主駙馬。按延師兄弟皆不載於世系表，而張嘉祐墓誌云終於安邑里私第，則延師蓋亦河東房也。次東金吾

大將軍楊執一宅，中書侍郎同中書門下平章事趙國公李吉甫宅。

盧氏雜說曰：李吉甫宅，泓師謂其地形爲玉杯，牛僧孺宅爲金杯云。玉杯一破，無復全。金杯或

傷重可完，僧孺宅在新昌里。本天寶中將作大匠康誓宅，誓自辨圖卓，以其地當出宰相，每命相，誓必引頸望之。宅卒爲僧孺所得。吉甫宅至德裕貶其家滅矣。劇談錄：李德裕宅在安邑坊東南隅。

太子賓客盧貞白宅。因語錄：盧貞白

父曰老彭，有道術，號知人。元和初，宗人宏宣餽辭安正，餽來俱候焉，留坐，日之甚久，命貞白亦序坐。又日之曰：一行五箇度使，可謂盛矣。族子錯初舉進士，亦就安邑所居謁之。

利部侍郎劉伯芻宅。按嘉話錄載：從伯伯芻居安邑巷里

口，與饜餅者萬錢事。是伯芻宅在此坊也。

戶部尚書封敖宅。

唐語林：封侍郎知舉首，訪能賦人，盧駢駢告羅邵與羅曰：主司安邑住，邵與居宣平，彼處愛賦，無由得知。

司農卿常偕宅。

柳宗元故祿書少監陳京

行狀：終于安邑里，妻黨之宰，韓注京娶常袞兒女，按常袞之兄名偕，爲司農卿。

饒州刺史吳丹宅。

白氏長慶集：酬吳七見寄詩云：君居安邑里，左右車徒喧。竹葉閉深院，琴尊開小軒。誰知市南地，轉作壺中天。按安邑坊正在東市之南，其時

樂天住昭國里，故又曰：陸氏宅。

陸氏宅。

河東記：上都安邑坊十字街東有陸氏宅，製度古醜，人常謂凶宅。後有進士臧夏，傲居其中，與其兄咸嘗畫寢夢覺，良久方寤。

李娃宅。

李娃傳：鄭生巡于里間，以乞食爲事，一旦

大雪至安邑東門循里垣北轉第七
入有一門獨啓左扉卽娃之第也

次南宣平坊

平或作政。西陽雜俎京宣平坊有官人夜歸入曲有賣油者張帽默桶不避道導者搏之頭隨而落遂連入
一大宅門官人隨入至一大槐樹下遂滅。張嬪有和許棠題宣平里古藤詩。南部新書寶曆二年六月京

兆府奏法曹參軍獨孤謂蹤跡得去年十月於宣
平坊北門外殺人并剝人面皮賊熊元果等三人

東南隅舊諸王府

唐會要寶曆三年六月瓊王府長史裴簡求狀云伏見諸王府本在宣平坊東南角摧毀多年因
循不修至元和十三年七月十三日莊宅使收管其年八月二十五日實與郊寧節度使高霞寓

宣慈寺西

南隅法雲尼寺

隋開皇三年鄧國公韋孝寬所立初名法輪寺睿宗在儲改法雲寺景龍
二年韋庶人改翊聖寺景雲元年復舊寺本隋太保薛國公長孫覽宅

寺東義陽府

貞觀中置華氏曰唐
書志京兆下無義陽

府此可以
補史之缺

十字街南之西鼓吹局教坊

按左右教坊已見光宅長樂二坊
或元和前未徙在此也俟考

十字街東宗正卿李琇宅

又有琇弟左監
門將軍琇宅二

人居

尙書左僕射嚴綬宅

見乾
牘子

太子賓客羅珣宅

權德輿羅珣墓誌啓手
足於宣平里之私第

太子少師鄭朗宅

東觀奏記宰臣鄭朗
自中書歸宣平私第

內閣使李敬
實衡路衡之

大理卿劉遵古宅尙書右僕射盧鈞宅

尙書故實載宣平太傅相國盧公應
舉事按盧公謂鈞也其宅當在宣平

劉太白宅

白居易過劉三十
二故宅詩朝來惆

悵宣平過柳巷當頭第一
家按劉三十二卽太白

刑部尙書白居易宅

白居易襄州別駕府君事狀夫人穎川陳氏歿於長安宣平里第按夫人卽居
易之母舊書白居易傳居易奏曰臣聞姜公輔爲內職求爲京府判司爲奉親也

臣有老母。家貧養薄。乞如公輔例。于是除京兆府戶曹參軍。元和六年。丁母陳夫人之喪。長慶集有初除戶曹喜而言志詩。是陳夫人就養于居易之第。

御史中丞晉州刺史高武光宅。盧虔高武光碑。選

平私。贈太子太保姚南仲宅。權德輿姚南仲碑。感疾薨于宣平里第。國子祭酒竇牟宅。竇藏言竇牟傳。告終于宣平里之私第。著作郎顧況宅。劉太真

作宣平里賦詩。序云。宣平里環堵之宅。嘉木垂陰。疏篁孕清。友生顧君宮之所也。戶部侍郎判度支劉瑑宅。東觀奏記。高湜自集賢校理為蔣係風翔從

李郴宅。郴。擢其妻宇文氏墓誌。夫人得疾長安宣平里。王生宅。前定錄。京師宣平坊王生善易筮。相者宅。定命錄。開元中有相者不知姓名。自言衡山來人。謂之衡相。在京舍宣平里。旅館。前定錄。京兆尹

趙郡李敏求。應進士。入就禮部試。不利。旅居宣平里。

次南昇平坊。

東北隅。漢樂遊園。漢宣帝所立。因樂遊苑為名。在高原上。餘陞尚存。長安中。太平公主於原上置亭。遊賞後。賜寧申岐薛王。其地居京城之最高。四望寬敞。京城之內。俯視指掌。每正月晦日。三月三日。九月九日。京城士女。咸就此登賞祓禊。按

白居易登樂遊園望詩云。東北何靄靄。宮闕入煙雲。蓋言南內之宮闕也。沈既濟任氏傳。天寶九年六月。韋峯與鄭子偕行於長安陌中。將會飲於新昌里。至宣平之南。鄭子辭有故。請閒去。遂乘白馬而東。鄭子乘驢而南。入昇平之北門。偶值三婦人。行于道中。鄭子隨之。

東至樂遊園。西北隅。有東宮樂園。尚書右僕射裴遵慶宅。國史補曰。遵慶罷相。知選。朝廷優其年德。令就第注官。自宣平坊。勝引士子。以及東市兩街時人。以為盛事。楊綰裴遵慶碑。

已昏黑矣。

甕子萬年縣昇平里之私第。

洪州刺史趙國公魏少遊宅。左散騎常侍潘孟陽宅。

孟陽盛莊第舍，妓媵用度過侈，憲宗微行至樂遊原，望見之，以問左右，孟陽懼不敢治。

兵部

尚書柳公綽宅。

公綽子仲郢，自拜諫議大夫後，每遷官，擊烏大集于第之庭，木戟架皆滿，比五日而散，家人以為候，除天平軍節度，烏不復集，遂卒於鎮。

檢校司空同中書門下平章事崔

寧宅。

唐語林：茶拓子始建中蜀相崔寧之女，注云蜀相即昇平崔家。

京兆府少尹元崇簡宅。

白居易集：有和元八侍御昇平新居四絕句。元八，即宗簡。元簡集所謂居敬兄也。楊巨源亦有和元員外題昇平里新齋詩。按白

居易詩：每言興元入卜鄰，其後哭元升詩云：水竹鄰居竟不成，是終未結鄰也。

太子太傅致仕劉沔宅。

按畢氏據唐書傳，謂當作太子太保，非也。今從石刻。

左羽林軍大將軍史用誠宅。

奚敬元史用誠碑，發于昇平里之私第。

萬年縣丞柳元方宅。

柳宗元柳元方墓誌：終于長安昇平里之私第。

同州司兵參軍上柱國杜行方宅。

杜府君墓誌：啓手足于上都昇

平里之私第。

進士張喬宅。

按許蒙有題張喬昇平里居詩。

前進士李曉宅。

據言李曉及第，在偏侍下，俯逼起居，寢霖雨不止，遺賃油幕，以張之。曉先人舊廬昇平里，凡用錢七百緡，自所居連亘逾衛，殆及一里餘，車輿

闐咽，門巷來往，無有霑濡者，而金碧照耀，頗有嘉致。

次南修行坊。

本名修華，武太后時，避諱，改修行坊。景雲元年，復舊，後又改之，隋有通法寺，大業七年廢。

贈太子少保鄭宜尊宅。蒲州刺史杜從則宅。工部尚書李建宅。

按白行簡三夢記云：元和四年，河南元微之為監察御史，奉使劍外，去踰旬，予與仲兄樂天隴西李杓直同游

曲江詣慈恩佛舍。徧歷僧院。淹留移時。日已晚。同詣約直修行里第。命酒對酬。甚愜暢。

嶺南節度使胡證宅。

證在鎮。好聚斂。自奉修行坊第。連亘閭巷。車器奢侈。議者非之。季訓敗衛軍利其財。聲言買餼。匿其家。爭入剽劫。執其子。潑內

左軍。

端州司馬楊收宅。

收兄發。假弟嚴。皆顯貴。號修行楊家。與靖恭諸楊相比。

太常少卿段成式宅。

西陽雜俎。段成式修行里私第。大堂前有五鬣松兩株。又云。開成元年。段成式修行里私第。齋齋前

有枯紫荆數株。伐之餘尺許。至三年秋。枯根上生一菌。大如斗。下布五足。又云。段成式修行里私第。果園數畝。壬戌年。有蜂如麻。子蜂膠土為巢於庭前簷。劉得仁有初夏題段郎中修行里南園詩。顯非熊有夏日會修行段將軍宅詩。未知誰宅。俟考。

刑部

員外馬氏宅。

姚合有題刑部員外修行里南街新居詩。

張氏宅。

白居易松聲詩注。修行里張家宅南亭作。

次南修政坊。

按文安縣志。作循政里。循修雙聲。古通用。

尚書省亭子宗正寺亭子。

葦下歲時記曰。新進士牡丹宴。或在亭此。

文安縣主宅。

巢刺玉女降段儼。

尚書右丞相張九齡宅。

次南青龍坊。

東南隅。廢普耀寺。

隋開皇三年。獨孤皇后為外祖崔彥珍所立。開元二年廢。

西南隅。廢日嚴寺。

隋煬帝為晉王仁壽元年。施營第材木所造。因廣招名僧以居之。貞觀六年廢。

次南曲池坊。

坊南街抵京城之南面。以近芙蓉園。因以名。

東北隅廢建福寺

龍朔三年爲新成公主所立其地本隋天寶寺寺內隋彌勒閣崇一百五十尺開元二年廢

坊北有殯宮

秦州都督府士曹參軍口瑤墓誌殯於雍州萬年縣曲池坊之北一百步

右皇城東第二街十一坊及東市

朱雀門街東第五街 卽皇城東之第三街 街東從北第一坊

盡坊之地築入苑十六宅

政要先天之後皇子幼則居內東封後以年漸成長乃於安國寺東附苑城同爲大宅分院居之名爲十王宅令中官押之於夾城中起居每日家令進膳十王謂慶忠棣鄂榮光儀穎永濟也其後盛壽陳

豐恆涼六王又就封入內宅天寶中惟十四王居內而府蕃列于外坊歲時通名起居而已外諸孫成長又於十宅外置百孫院十王宮入每院四百餘人百孫院三四百人又於宮中置雜城庫諸王月俸物納之給用諸孫嫁亦就十宮中太子不居東宮但居于乘輿所幸別院太子之子亦分院而居婚嫁則同親王公於崇仁坊之禮會院也華氏曰唐書及新唐書但云慶忠棣鄂榮光儀穎永延盛濟十二王言十王舉全數也後壽信義豐恆涼七王亦居之鄂榮光廢死忠王爲太子慶棣繼繼唯榮儀十四王居院與此不同 宅又名睦親院院有親親樓大中元年改親親樓爲寧和殿

次南與寧坊

南街東出通化門

大中報聖寺

東觀奏記宣宗出內藏縵帛建大中報聖寺奉獻皇后容曰介福殿又以休懸之所爲虔思殿由寢道出造于寺 按獻皇后容唐語林作憲宗御容當從之

南門之東清禪寺

隋開皇三年文帝爲沙門

盛崇所立大中六年改爲安國寺。
名畫記清禪寺有鄭法士畫。
華封觀。天寶六載驃騎將軍高力士捨宅置觀。
西南隅開府儀同三司姚元崇宅。屋宇連官所造。
安西都護郭

虔瓘宅。在姚元崇宅東本太平公主宅後賜虔瓘。
宅北特進王毛仲宅東南隅左衛大將軍泉男生宅太子少保崔琳宅。琳祖義元父神慶伯。

父神基皆爲相其從父昆弟之子泊其自出參朝宴者數十人鳴玉啓道自興寧里謁大明宮冠蓋相望一時矚目。
贈安州都督王仁忠宅。李崑王仁忠碑捐館宇于京兆興寧里之私第。
淄青節度使同

中書門下平章事李愬宅。賜第。

次南永嘉坊。此坊隋末有方士云貴氣特盛自武德貞觀之後公卿王主居之多於衆坊。

東北隅太子少師李綱宅。綱子孫茂盛四代總廣服同居朝廷美之。
東門之南侍中張文瓘宅。後併入興慶宮。
宅東兗州都督韋元發宅。

薛王妃父西南隅中王撝宅。本中書令許敬宗宅後爲無量壽寺寺廢賜中王撝宅。按中王宅已見安興坊蓋永嘉之西南即安興之東南宅昆連二坊也。又按太宗有許敬宗家小池賦云引涇渭之餘潤榮咫尺之方塘蓋引龍首渠

水爲之也。
宅南贈禮部尚書永興公虞世南廟。廟北近于興慶宮及廣宮地明皇以世南盛德之祠特敕不許毀廢。
十字街南之西成王千里宅南門之

東蔡國公主宅。睿宗女降王守一後降裴巽。
次東禮部尚書竇希玠宅。李义和幸禮部尚書竇希玠宅應制詩曰家住千門側亭臨二水傍。
西北隅涼國公主宅。

睿宗第六女降薛伯陽後降嫁溫彥博孫麟蘇頌作碑云公主終永嘉里第

開府儀同三司行右領軍衛上將軍馬存亮宅

李德裕馬存亮碑
薨於永嘉里第

次南興慶坊

本名隆慶明
皇即位改

東南隅禪林寺

隋時
所立

中書令馬周宅

許敬宗馬周碑薨於
萬年縣之隆慶里第

尚書左僕射溫國公蘇良嗣宅五王宅

舊書讓皇帝
傳元宗兄弟

大足元年從幸西京賜宅於興慶坊亦號五王宅及先天之後與慶是龍潛舊邸因以為宮

開元閒為南內

見
上

次南道政坊

隋有護持寺
大業七年廢

寶應寺

代宗寶錄與會要曰本王繡宅繡為相溺於釋教妻李氏實妾也大厯四年以疾請捨宅為寺代宗嘉之賜以題號每有節度使至輒勸令出錢助之寺塔記韓幹藍田人少時常為貰酒家送酒王右丞兄弟未遇每貰酒漫遊幹嘗徵質于王家戲畫

地為人馬右丞精思丹青奇其意趣乃歲與錢二萬令學畫十餘年今寶應寺中有韓幹畫又有釋梵天女悉齊公妓小小等寫真也彌勒殿即齊公廳堂東廊北面有楊岫之畫鬼神名畫記寶應寺又有張操邊鸞畫

北門之西吏部尚書

侯君集宅

後為中
王府

南門之西尚書左僕射張行成宅宅西羅國公張平高宅東門之北工部尚書劉知柔

宅隰川縣令李嘉宅

楊炯李嘉墓誌終于
京師道政里之私第

鎮國大將軍王榮宅

戴少平王榮碑墓
於道政里之私第

東平進奏院

奇鬼傳道政里十
字街東貞元中有

小宅怪異日見後爲東平節度使李師古買爲進奏院。
羅隱用崔縣令文丁亥年夏前晉陽崔縣令死于通政里客舍呼也通政蓋道政之訛。

旅館

曲中出美酒京都稱之。寺塔記言大同坊靈化寺疑此坊亦名大同。册府元龜貞元四年四月韋士元與盧寧等四人白畫挾弓操劍於萬年縣常樂坊盜縣吏捕之士元等突殺吏步相自延興門逸焉。

次南常樂坊

隋開皇三年獨孤皇后爲父趙景武公獨孤信所立西陽雜俎曰隋本曰宏善寺至開皇十八年改名畫記景公寺西門內西壁有吳畫帝釋其南廊亦吳畫東廊南開東門南壁有畫行僧轉日視人。寺塔記景公寺三階

西南隅趙景公寺

隋開皇三年獨孤皇后爲父趙景武公獨孤信所立西陽雜俎曰隋本曰宏善寺至開皇十八年改名畫記景公寺西門內西壁有吳畫帝釋其南廊亦吳畫東廊南開東門南壁有畫行僧轉日視人。寺塔記景公寺三階

院西廊下范長壽畫西方變及十六對事觀寶池尤妙絕諦視之覺水入深壁院門上白畫樹石頗似閻立德西中三門奕門南吳生畫龍及刷天王鬚筆畫如鐵有執鑊天女竊眸欲語。

南門之西靈花寺

本隋大司馬竇毅宅開皇六年

捨宅爲寺西陽雜俎曰本曰大慈大厥初僧儼講經天雨花至地咫尺而滅夜有光燭室敕改爲靈花寺儼卽康藏之師也。寺塔記佛殿西廊立高僧一十六身天寶初自南內移來聖畫堂中有子闍籟石立像甚古。名畫記靈花寺有趙武端王知慎畫。

洞靈

觀十字街之東中書令來濟宅豆盧遜宅

故駙馬都尉衛尉少卿息豆盧君墓誌銘君諱遜字貞順衛尉少卿第三子以顯慶四年卒於瑯州萬年縣之常樂里第。兖州都督于知

微宅

姚崇于知微碑墓于長安常樂里第。按知微雍州明堂縣令于大猷碑亦言終於萬年縣常樂里之私第大猷卽知微之弟也。

殿中監張九皋宅

九齡之弟肅所張九皋碑。墓于西京常樂里之私第。和政公

宅

肅宗第三女降柳潭顏真卿和政公主碑墓于常樂坊之私第。

壽州刺史郭敬之宅

子儀父畢氏曰苗晉卿郭敬之碑敬之終常樂里第。

贈太子太師渾釋之廟

城之吏父也。

部尙書致仕錢徵宅

按續元怪錄殿中侍御史錢方義故華州刺史吏部尙書徵之子寶厥初獨居常樂第。

輔國大將軍兼左驍衛將軍御史中丞馬實宅

歐陽詹馬實墓誌銘終
於京師常樂里之私第

中書侍郎同門下平章事關播宅

見白氏
長慶集

刑部尚書白居易宅

白居易有常樂里閒居詩又
有養竹記云貞元十九年春

居易以拔萃選及第授校書郎始於長安求假居處得常樂里故開相國私第之東亭而處之明日履及于亭之東南隅
見叢竹於斯按樂天始至長安與周諒等同居永崇里之華陽觀至選授校書郎乃居常樂里蓋此爲卜宅之始也

渭南縣丞盧

佩宅

河東記貞元末渭南縣丞盧佩性篤孝其母先病腰佩佩棄官奉母歸長安寓于長樂里之別第竭產以求國醫王彥伯治之候
望於門忽見一白衣婦人乘一駿馬從一女僮自曲之西疾馳東過有頃復自東來至佩處駐馬曰觀顏色憂沮又似有所候待

請問之具以情告婦人曰妾有薄技請一見太夫人必取平差佩引婦人至母前婦人纔舉手候之其母已能自動矣於是一家歡躍婦
人曰但不棄細微許奉九郎巾櫛當得在太夫人左右安敢論功乎即具六禮納爲妻然每十日即請一歸本家佩頗以爲異潛往窺之

見乘馬出延興門馬行空
中佩驚問行者皆不見

蝦蟆陵

坊內街之東有大家俗誤以爲董仲舒墓李肇國史補曰漢帝幸芙蓉園每于此墓下馬時人謂之下馬陵歲月深遠誤傳爲蝦蟆陵

次南靖恭坊

靖一作靜 寶曆二年渭南縣靖恭坊南街柳樹上降甘露有賀表

十字街南之西祆祠

通典唐有符祆正

西北隅駙馬都尉楊慎交宅

中宗第四女長寧公主下嫁楊慎交新晉長寧公主傳取西京高士廉第左金吾衛故宮合爲宅右屬都城左類大

道作三重樓以憑觀築山浚池帝及后
數臨幸置酒賦詩又並坊西隙廣鞠場

司農卿韋玢宅

在楊慎交宅南隔街

中書舍人王敬從宅

開元中爲給事申中書舍人畢氏曰孫遜神道碑敬從官終太子右

庶子忠武將軍行薛王府典軍上柱國平棘縣開國男李無慮宅

賈彥璿李無慮墓誌終于靜恭私第

輔國大將軍符璘宅

璘爲昭義

軍節度使薛嵩軍副嵩卒田承嗣盜其地承嗣子悅與鄰封李納謀不軌遣璿將三百騎送納會馬燧討悅璿以衆降燧賜靜恭里第一區藍田田四十頃李宗閔符璿碑終于靖恭里賜第 祕書監致仕韋建宅 太常卿韋

渠牟宅 權德輿韋渠牟墓誌啓手足于靖恭里 按孟 獨孤及韋元魯墓誌終于京師靜恭里之故宅 吏部郎中韋元魯宅 翰林學士吳通微

宅 舊本長安志作吳 通徵集書院未詳 刑部尚書楊汝士宅 與其弟虞卿漢公魯士同居號靖恭楊家爲冠蓋盛游 南部新書大和中人指楊虞卿宅南亭子爲行中書蓋朋黨聚議於此爾 驃騎大將軍

論惟賢宅 呂元膺論惟賢碑寢疾 魏博節度使史憲誠宅 劉禹錫史孝章碑墓于靖恭里之私第 孝章即憲誠之子 太子太保崔彥昭宅 秦中

恭崔公尙書爲樂卿自靖恭宅露冕從板輿入 太常觀者樂之畢氏曰唐書傳無爲太常卿事 尚書司門員外郎仲子陵宅 權德輿仲子陵墓誌歿于靖恭里第 開州司馬宋申錫宅 按

渾有靜恭里感事詩注宋相申錫也舊書宋申錫傳王守澄將以二百騎就靖恭里唐申錫之家 太子賓客盧攜宅 黃滔集有代鄭郎中上 靖恭盧相書蓋摠也 陸氏宅 前定錄陸賓虞于靖恭

客遂回憩於從 孫聞禮之舍 夜來宅 西陽雜俎靖恭有姬字夜來稚齒 巧笑歌舞絕倫貴公子破產迎之 金州進奏院 莊曲 寺塔記僧康誠本住靖恭坊莊曲忽觀光如輪尋光至靈花寺蓋靈花寺在常樂即此坊之北也

次南新昌坊 南街東出 延興門

南門之東青龍寺 本隋靈感寺開皇二年立文帝移都徙邨城中陵墓葬之郊野因置此寺故以靈感爲名至武德四年廢龍朔二年城陽公主復奏立爲觀音寺初公主疾甚有蘇州僧法朗誦觀音經乞願得愈因名焉景雲二年改爲青龍寺

北枕高原，南望爽塏，爲登眺之美。名畫記：青龍寺中有王韶隱書。東觀奏記：宣宗動還元和故事，以憲宗曾幸青龍寺，命復道門，便門至青龍佛宮。太平廣記引逸史：江陵副使李君下第，困迫於青龍寺門前坐，又唐語林：趙復閒居，慕靜深巷，杜門不出，李元素訪之，環引元素同訪青龍寺，日者。崇真觀。本李齊古宅。禮部尚書蘇頲宅。蘇頲詩序：先是，新昌小園，期京兆尹一訪，饒白居易有青龍寺早夏詩。開元初立。那官數子自頃沈痾，年復一年，茲願不果。魯郡任

城縣尉裴回宅。

王維裴回募誌，卒于西京新昌坊私第。

御史中丞判刑部侍郎同平章事舒元與宅。

舒元與養狸，述予愛其能息鼠竊，歸致新昌里客舍，舍之初未爲某

居時，曾爲富家廩，又長安雪下望月記：予與友生，自所居南行百許步，登崇岡，上青龍寺門，門高出絕竇，埃是元與宅在青龍寺北也。

中書舍人路羣宅。

唐闕史：中書舍人路羣，與給事中盧宏正相善，一日都下大雪，路在假，盧將晏入道

過新昌第，路方于南垣茅亭肆目，山雪，鹿巾鶴氅，篝火命鶴，以賞嘉致，聞盧至，大喜，亟命迎入。

檢校左僕射兼吏部尚書崔羣宅。

唐語林：崔相羣，于新昌宅小廳中見門生。禮部尚書李益

宅。蔣防雀小玉傳：李益至長安，舍于新昌里。

考功郎中錢起宅。

錢起有新昌里言懷詩。

侍郎侯劍宅。

盧綸有同柳侍郎題侯劍侍郎新昌里詩。

京兆府咸陽縣丞權

達宅。

權德輿再從叔故咸陽縣丞達墓誌：終于新昌里，又有咸陽縣丞權公故夫人張氏墓誌：終於京師新昌里。

尚書左僕射致仕楊於陵宅。

於陵子嗣復，文宗時，嗣復官平盧軍節度使，其弟損與宰相路巖居

相接，巖以狹，欲易損馬廐廣之，損兄弟在朝者且十數，曰：時相可拒之耶？損曰：凡尺寸地，非吾等所有，先人舊業，安可以奉權。臣殿不悅，自殿中侍御史，命鞠獄，黔中。李翱楊於陵墓誌：斃于新昌第，又據言楊嗣復，具慶中繼，放兩膀大宴於新昌里第。

儋州流

人路巖宅。檢校司空鳳翔尹鳳翔節度使竇易直宅。

白居易惜牡丹花二首注云：一首新昌竇給事宅，南亭花下作，按易直時官給事中。

吏部尚書裴向宅。

唐書本傳向以吏部尚書致仕于新昌里第。內外支屬百餘人。向所得俸祿必同其費。按裴遵慶宅在昇平里向復移于新昌也。宅有竹園。元和中宰相武元衡遇害。或告賊匿於新昌坊向之竹林者。太子少師牛僧孺宅。秘書

監張仲方宅。仲方九齡弟九皋之孫。白居易作墓誌云。仲方終新昌里第。刑部尚書白居易宅。居易為主客司郎中。知制誥時居新昌里。有題新昌所居詩云。街東閒處住。又新昌新居書事四十韻云。丹鳳樓當

後。青龍寺在前。又自題新昌里止詩云。最近東頭是白家。其時有和元微之詩。序云。微之轉為江陵士曹掾。會予下內直歸。而微之已即

路邂逅相過於街衢中。自永壽寺南抵新昌里北。得馬上話別。按微之宅在靖安里。永壽寺在永樂里。永壽之南。即靖安北街。樂天下直。每自朱雀街經靖安之北。集中有靖安北街贈李二十詩是也。微之蓋東出延興門。或春明門。故經新昌之北。又按居易宅有松數株。其新昌閒居詩云。但有雙松當砌下。又寄崔十八詩云。新昌七株松。

守右僕射門下侍郎李紳宅。唐語林。李相紳居新昌。紳有詩。序云。新昌宅書堂前有藥樹一株。今已斃。洪前長慶中。於翰林院內西軒藥樹下移得纔長一寸。僕夫封一丸泥以歸。植今則長成名之天上樹。太子右庶子王定宅。權德輿王定碑。王公艱貞

歸全於京師新昌里。朝散大夫秘書省著作郎致仕韋端宅。韋公元堂誌。公棄背於長安新昌里私第。按端先有宅在親仁里。國子司業嚴公宅。穆員嚴公墓誌。歸全于長

安新昌里。禮部尚書溫造宅。宣室志。新昌里尚書溫造宅。桑道茂常居之。庭有二柏樹甚高大。和九年溫造居其宅。秘書少監姚合宅。姚合新昌里詩。舊客常樂坊。井泉濁而鹹。新屋新昌里。井

泉清而甘。太子少傅致仕盧宏宣宅。進士盧燕宅。河東記。長慶四年冬。進士盧燕新昌里居。晨出坊北街。槐影扶疏。殘月猶在。見一婦人。長三丈許。衣服盡黑。驅一物狀若羝羊。亦高丈許。自東至西。處士

丁重宅。劇談錄。丁重善於相人。新昌私第車馬造門者甚衆。

次南昇道坊。

太子太保鄭敞宅。

見劇談錄

太原府司錄事參軍李雍宅。

櫛德輿李雍墓誌。致于長安昇道里。

進士張庚宅。

續元怪錄。張庚舉進士。居長安昇道里。南街盡是墟墓。絕

無人住。

進士謝翱宅。

宣室志。陳郡謝翱舉進士。寓居長安昇道里。所居庭中多牡丹。一日晚齋。出其居。南行百步。眺終南翠。佇立久之。見一騎自西馳來。雙鬢高髻。色甚殊麗。降拜曰。願郎歸所居。翱即回望其居。見青衣三四人。皆立其門外。頃之有

金車至門。見一美人。年十六七。風兒闌麗。入門。與翱相見於西軒。謂翱曰。聞此地有金花。故來與君一醉耳。

次南立政坊。

隋有宏化寺。大業七年廢。按長安圖。此坊亦為談寧坊。非是。

讓皇帝廟。

禮閣新修。開元二十九年。建廟于啓夏門內立政坊。上元二年。禮儀使杜鴻漸請停四時享獻。每至禘祫之月。則一祭焉。

河東節度使韋湊家廟。

大中五年。湊孫武昌軍節度使損請重修廟。

次南敦化坊。

一作敦教坊。太平御覽引作通化坊。按長安圖。分為長和坊。非是。酉陽雜俎曰。長安敦化坊。百姓家。唐大和中有木蘭一樹。花色深紅。後桂州觀察使李勃看宅人。以五千買之。宅在水北。經年花紫色。

東門之北、都亭驛、十字街之北、淨影寺。

隋文帝為沙門。惠遠立寺。額申州刺史殷仲容所題。

東南隅、行臺左僕射鄖國公殷開山宅。

本隋

智積宅。

西門之北、祕書監顏師古宅、太常少卿歐陽詢宅、著作郎沈越賓宅。

貞觀永徽間。顏師古、歐陽詢、沈越賓住此坊。顏即南朝舊族。歐陽與沈、又江左

士人時人呼 鄭國夫人楊氏宅。武惠妃之母。京兆尹韋武宅。元和

次南曲江。長安志以曲江在昇道坊。攷太平寰宇記曲江與芙蓉園相連則其中不容隔立政敦化二坊今移於此。

曲江。龍華寺之南有流水風曲謂之曲江其深處下不見底司馬相如賦曰臨曲江之隈洲蓋其所也。張揖曰隨長也苑中有曲江之象中有長洲也。師古曰曲岸頭曰隈。隨卽倚字耳。言臨曲江之洲今猶謂其處曰曲江。隨鉅依反。劇談錄曰曲江池本秦時隈洲。

唐開元中疏鑿爲勝障南卽紫雲樓芙蓉苑西卽杏園慈恩寺花卉周環煙水明媚都人遊賞盛于中和上巳節卽錫臣僚會于山亭賜太常教坊樂池備綵舟惟宰相三使北省官翰林學士登焉傾動皇州以爲盛觀。南部新書曲江池天祐初因大風雨波濤震盪累日不止一夕無故其水自竭自後宮闕成荆棘矣。龍華尼寺。在曲江之北高宗立尋廢景龍二年復置。白氏長慶集有龍華寺主家小尼詩注云郭代公愛姬薛氏幼嘗爲尼小名仙人子。貞元普濟寺。在曲江之南。

以彌勒紫雲樓探霞亭。玄宗太和九年發左右神策軍各一千五百人洶曲江池修紫雲樓探霞亭內出二額左軍仇士良以百戲開賜名。紫雲樓探霞亭。迎之帝御日當門觀之仍敕詩司如有力要創置亭館者宜給與閑地任營造先是鄭注言秦中有吳宜以

士工感之故潘昆明曲江二池帝又曾讀杜甫詩云江頭宮殿鎖千門遂思復昇平事而加修創焉。據言乾符二年李昭儀登宏詞科宴于曲江亭子飲與方醜俄觀一少年跨驢而至驕悍之狀旁若無人衆皆致怒瓦礫亂下當此之際紫雲樓門軋然而開有紫衣從人數輩馳馬來救左右從而俱入門亦隨開。侍中李日知宅。在龍華崖州司馬楊炎家廟。開元中蕭嵩將於曲江池側置廟或言近游幸之所嵩遂止後楊炎置之爲私廟俄有飛語言炎知此地


有王氣故取之。太保致仕岐國公杜佑家廟。石林燕語文潞公知長安得唐杜佑舊廟於曲江一堂四室旁爲兩翼。按杜牧上宰相書有歸于延福私廟之語是杜氏有廟在延福坊而長安志亦不載。

次南芙蓉園。

芙蓉園。

考太平寰宇記。曲江與芙蓉園相連。李肇國史補。謂芙蓉園卽秦之宜春苑。漢書元帝紀注。顏師古謂宜春下苑。卽今京城東南隅曲江池。是同爲苑地。不容中隔。立政敦化二坊。今移於此。大唐新語。貞觀末。房元齡避位歸第時。天旱。太宗將幸芙蓉園。以觀風俗。元齡聞之。戒其子弟曰。鑿輿必當見幸。亟使灑掃備饌。俄頃。太宗果先幸其第。便載入宮。按房元齡宅在務本坊。其時未築夾城。故幸芙蓉園自西而東也。通鑑。貞觀七年十二月。上幸芙蓉園。胡三省注。引景龍文館記。芙蓉園在京城羅城東南隅。本隋世之離宮也。青林重複。綠水瀾漫。帝城勝景也。舊唐書。穆宗紀。長慶二年。先有詔。廣芙蓉苑。南面。斥人。虛舍墳墓。並移之。羣情駭擾。降敕罷之。

右皇城東第三街十坊及內苑曲江芙蓉園。



唐兩京城坊考卷四

大興徐松星伯撰

西京

長安縣所領朱雀門街之西、從北第一光祿坊。

長安志于此處缺二坊，別無善本可證。李濟翁資暇集永樂坊古冢下注云：光祿坊內亦有古冢，新記不載，時以之與永樂者。

對、遂目爲王母台。張郎中諡云：常於雜鈔中見光祿者，是漢朝王陵母墓，以賢呼爲王母，所以東呼爲王公。按光祿坊之名，不見長安志，既云與永樂相對，又云東呼爲王公，是在永樂之西，恐兩缺坊內，有一名光祿者，今注於第一坊下以俟考。

次南□□坊。張元忠夫人令狐氏墓誌云：夫人卒於京兆府殖業里之私第，按以兩數坊多以業爲名，或此缺坊爲殖業歟，不言縣而獨言京兆府，以府廨在光德坊，與此坊相近也，存之附考。

次南豐樂坊。

西南隅、法界尼寺。

隋文獻皇后爲尼華暉舍容所，立有雙浮圖各崇一百三十丈。

橫街之北、大開業寺。

本隋勝光寺，文帝第二子蜀王秀所立。大業元年，徙光德坊於此，置仙都宮，卽文帝別廟。武德元年，高祖

爲尼明照，廢宮立爲證果尼寺。貞觀九年，徙崇德坊于此，置靜安宮，卽高祖別廟。儀鳳二年，廢宮復立爲開業寺。宣室志：至德二年十月二十三日，豐樂里開業寺有神人足跡甚長，自寺外門至佛殿，名畫記開業寺有曹仲達、李雅、楊契丹、鄭法士畫。魏博節度使田

季安進絹五千匹助
脩開業寺見崔羣傳
李昌符宅
許棠題李昌符豐樂幽居詩云詩家依闕下
野景似山中又云破門章曲對淺岸御溝通

次南安業坊

西南隅資善尼寺隋蘭陵公主捨宅立

東南隅濟度尼寺

隋太師申國公李穆之別宅穆妻元氏立爲脩善僧寺其濟度尼寺本在崇德坊貞觀二十三年徙于此武后爲尼卽此寺也其額殷令名所題通鑑作

感業寺
橫街之北鄜國公主宅

睿宗第八女降鄭孝義畢氏曰公主初嫁薛敞又嫁孝義

次南唐昌觀

劇談錄曰觀有玉蕊花花每發若瓊林玉樹元和中春物方盛車馬尋玩若相繼忽一日有女子年可十

七八衣綠繡衣垂髻雙環無髻爭之飾容色婉婉迴出于衆從以二女冠三小僕僕皆髻黃衫端麗無比既下馬以白角扇障面直造花所異香芬蕙聞於數十步之外觀者疑出自宮掖莫敢逼而視之佇立良久令小僕取花數枝而出將乘馬顧謂黃冠者曰曩有玉峯之期自此可以行矣時觀者如堵或覺煙飛鶴唳景物輝煥舉聲百餘步有輕風擁塵隨之而去須臾塵滅望之已在半天方悟神仙之遊餘香不散者經月餘時殿休復元稹劉禹錫白居易俱有詩休復曰終日齋心禱玉宸魂銷眼冷未逢真不如滿樹瓊蕊笑對藏花洞裏人又曰羽車潛下玉龜山照世何由覩薜蘿唯有無情枝上雪好風吹殺綠雲鬢元稹曰弄玉潛過玉樹時不教青鳥出花枝的應未有詩人覺只是殿耶下得知劉禹錫曰玉女來看玉樹花異香先引七香車攀枝弄雪時回首驚怪人閒日易斜又曰雪蕊瓊枝滿院春羽衣輕步不生塵君平簾下徒相問長伴吹簫別有人白居易曰羸女偷乘風下時洞中潛歇弄瓊枝不緣啼鳥春饒舌青瑣仙郎可得知

京兆尹張去奢宅

弟去逸去盈同時三品亦號三戟張家

左龍武軍統

軍歸誠郡王程懷直宅

貞元十年賜懷直甲第一區妓女一人令歸滄州初懷直自滄州歸朝德宗賜務本里宅又賜安業里別宅有池樹林木之勝

次南崇業坊。街前爲選場。按會要言移元都觀。至安善坊疑安善爲此坊之舊名。

元都觀。隋開皇二年自長安故城徙通道觀於此改名元都觀。東與大興善寺相比。初宇文愷置都。以朱雀街南北盡郭有六條高坡。象乾卦。故于九二置宮殿以當帝王之居。九三立百司以應君子之數。九五貴位不欲常人居之。故置此觀及興善寺以鎮之。

劉禹錫元和十年自朗州承召至京。戲贈看花諸君子詩曰。紫陌紅塵拂面來。無人不道看花回。元都觀裏桃千樹。盡是劉郎去後栽。又再遊元都觀絕句曰。余貞元二十一年爲屯田員外郎時。此觀未有花。是歲出牧連州。貶朗州司馬。居十年。召至京師。人人皆言有道士手植仙桃。滿觀如紅霞。有前篇以志一時之事。旋又出牧。今十有四年。復爲主客郎中。重遊元都。蕩然無復一樹。惟免葵燕麥。動搖於春風耳。岡再題二十八字。以俟後遊時。大和二年三月日。百畝庭中。半是苦桃。花淨盡。菜花開。種桃道士歸何處。前度劉郎今獨來。名畫記元都觀殿內。福唐觀。本新都公主宅。公主。中宗長女。嫁武延暉。景元元年。公主生子武仙。官出家爲道士。立爲觀。新昌觀。天寶六載。新昌公主因騎馬都尉蕭衡卒。奏請前

司空同中書門下平章事王涯家廟。按廟碑。劉檢校左僕射兼吏部尙書崔羣家廟。牛僧孺崔羣家廟碑。元和十四年。詔右相中書侍郎平章

事清河郡公立家廟於長安崇業里。

次南永達坊。

華陽池度支亭子。輦下歲時記。新進士牡丹宴。或在永達亭子。玉泉子。崔郾爲京兆尹日。左拾遺王龜宅。舊書王播傳。起子三司使在永達亭子宴丞郎。蓋爲度支遊憩之所。故三司使於此宴客也。龜少以詩酒琴書。

自適起兄弟同居光福里。龜意在人外，倦接朋游，乃於永達里園林深僻處創書齋，吟嘯其中，自爲半隱亭。

次南道德坊

階有澄虛觀。武德中廢。

開元觀

本隋秦王浩宅。武后朝置永昌縣神龍元年縣廢，遂爲長寧公主宅。景雲元年置道士觀。開元五年金仙公主居之，改爲女冠觀。十年改爲開元觀。名畫記開元觀有楊廷光楊仙喬畫。按白氏長慶集詩注云：開元觀西北院，卽隋時龍村佛堂有古

柏一株，至今存焉。

東南隅廢崇恩廟

神龍初立，以祀武氏祖禰。景雲元年廢。

成德軍節度使兼中書令王武俊家廟。

次南光行坊

行字本犯中宗諱，長安中改一作光仁。

東南隅華州刺史文經野宅觀軍容使魚朝恩宅。

次南延祚坊

坊南街抵京城之南面。

右朱雀門街西第一街九坊

宋張禮遊城南記云：入明德門，歷延祚光行道德永達四坊，至崇業坊，覽元都觀之遺基，過岡論唐昌觀故事，旣而北行數里，入含光門，卽此九坊地也。

朱雀門街西第二街

北當皇城南面之含光門。

街西從北第一太平坊

坊內有隋尙書左僕射趙士茂宅。

跡未嘗
達京師

次南通義坊。

西南隅、興聖尼寺。

高祖龍潛舊宅。武德元年，以爲通義宮。貞觀元年，立爲寺。舊書楊收傳：武德元年五月，備法駕于長安通義里。舊廟奉迎，宣節公懿王景皇帝神主升廟。太廟寺有高祖寢堂。景雲二年，寢堂前枯柿樹復生，有敕封植焉。按

彭王志曠，有興聖寺。主尼法澄塔銘。

西北隅、右羽林大將軍邢國公李思訓宅。

本左光祿大夫李安遠宅。武太后時，高平王武重規居焉。神龍中，又爲中宗女成安公主宅。又爲思訓所居。思訓善畫，開元中

睿宗女蔡國公主居之。十八年，捨宅立九華觀。

朔方節度使李進賢宅。

劇談錄：通義坊李進賢第，有牡丹數叢，覆以錦幃。厥後，進賢徙居長興，其宅互爲他人所有。咸通中，劉相國罷北京，亞尹復爲翰林學士，又自承旨入相，尚以十千

稅爲。東南隅、戶部尚書長平公楊纂宅。荆南節度使同中書門下平章事魏國公崔鉉宅。祕書正字徐彥宅。

按徐彥有通義里寓居，卽事詩云：家住寒梅翠嶺東，長安時節詠途窮。

次南興化坊。

隋有成道寺。大業七年廢。

西南隅、空觀寺。

寺本周時村佛堂，多當時名手畫。一日隋開皇七年，駱馬都尉元孝恭捨宅所立。名畫記：寺有袁子昂畫，又有三絕，是佛殿門扇孔雀及二龍。

寺東、尚書右僕射密國公封德

彝宅。中宗時嗣統。西門之北。邠王守禮宅。宅南隔街。東門之南。京兆尹孟溫禮宅。租庸使劉震宅。劉無雙傳。唐王

劉震之甥。涇原兵士反。天子出苑北門。百官奔赴行在。震裝金銀羅錦二十馱。謂仙客曰。汝押領此物。出關遠門。覓一深隙店安下。我與

汝舅母及無雙出啓夏門。遶城纒至。仙客依所教。至日落。待久不至。南望目斷。遂遶城至啓夏門。徐問守者曰。今日有何人出此門。門者

曰。午後有一人。領婦人四五輩。欲出此門。識是租庸使劉尙書門司。不敢放出。近夜。追騎至。一時驅向北去矣。仙客慟哭歸店。三更向盡。傳呼斬斫。使出城。拽城外朝官。仙客驚走。歸襄陽村居。後知尅復京師。乃入京訪舅氏消息。至新昌南街立馬。忽見蒼頭塞鴻。謂曰。阿舅

舅母安否。鴻云。並在興化宅。仙客喜極云。我便過街去。天門街也。鴻曰。今日已夜。耶君且就客戶一宿。來早同去。未晚。晉國公裴度池亭。白氏長慶集。有宿裴相興化池亭。兼借船舫遊泛

園。令家僮舁至藥欄。蓋即此池亭。自永樂里視之。在南。故曰南園。太平廣記引逸史。太府卿崔公名潔。在長安。與進士陳彤同往街西

尋親。故過天門街。偶逢鱖魚甚鮮。曰。何處去得。左右曰。裴令公亭子甚近。乃舁亭下馬。俄頃。紫衣三四人至。亭子遊看。一人見魚。曰。極是

珍鮮。二君莫欲作鱖否。詰之。乃梨園第一。部樂徒。此人遂解衣操刀。既畢。忽有使人呼曰。駕幸龍首池。喚第一部音聲。切者。摺衫帶望門而走。都官郎中竇泉宅。盧元卿二王書錄跋尾記。貞元十一年正

書鍾會書。長安主簿李少安宅。懷德與李少安墓誌。感疾。職方郎中蕭徹宅。河東記志。大和八年。職方郎中蕭徹卒。於興化

氏之廬。觀足下詠。懷五篇。疑即此宅。不起于長安興化里第。按柳子厚答貢士沈起書。聞歲興化里蕭

西南隅崇聖寺

寺有東門西門本濟度尼寺隋秦孝王俊捨宅所立東門本道德尼寺隋時立至貞觀二十三年徙濟度寺于安業坊之修善寺以其所為靈寶寺盡度太宗贖御為尼以處之徙道德寺額於嘉祥坊之太原寺以其所為崇聖宮以

為太宗別廟儀鳳二年併為崇聖僧寺輦下歲時記進士櫻桃宴在崇聖寺佛牙閣上唐詩紀東北隅證果尼寺本隋月愛僧寺事崇聖寺有徐賢妃妝殿名畫記崇聖寺西殿有董伯仁畫東殿有展子虔畫又有鄭德文畫貞觀九年徙豐

樂之證果寺于此改為尼寺西北隅廢報恩寺嗣魏王邕景龍中娶章庶人鑄錢院特進芮國公豆盧寬宅芮定公碑葬於京城之宏德里第按寬之孫欽望移

宅於頡朝散大夫守秘書少監周渭宅權德輿周渭墓誌君已感疾拜章請老先築室於崇德里有嘉樹修竹休沐吟詠以文自娛司勳員外郎竇鞏宅劉禹錫秋日題寶員外崇

德里新居詩云長愛街西風景閒到君居處暫開顏清光門外一渠水秋色牆頭數點山疎種碧松通月朗多栽紅藥待春還羅隱宅莫言堆案無餘地認得詩人在此閒褚藏言寶鞏傳公北歸道途遺疾迫至輦下告終于崇德里之私第望又有宅在永寧坊

隱有西京崇德里居詩

次南懷貞坊

武太后以母號太真夫人諱貞字改為懷賢坊神龍元年復舊按許棠有冬夜懷貞里友人會宿詩

東北隅廢乾封縣廡

本施巫等八州邸按乾封縣戶部尚書畢構宅即乾封縣廡西南隅介公廟本御史大夫樂思晦宅後為廟懿宗咸通詔增

修橫街之北尚書右僕射唐休璟宅

蘇頲唐碑延和元年薨於長安懷貞里第第字休璟惠昭太子廟禮閣新儀曰義成軍節度使駙馬都

元和八年置

尉章讓宅。大中三年，侵街造舍，爲有司舉劾。王郎中宅。劉禹錫有題王郎中宣義里新居詩云：愛君新買街西宅。

次南宣義坊。隋有應法寶積二寺，並廢。

東門之北，燕國公張說宅。按說宅在永樂坊，此乃別宅。叛臣安祿山池亭。司徒致仕李逢吉宅。園林甚盛。前司空兼右相楊國

忠宅。舊書楊國忠傳：貴妃姊虢國夫人國忠與之私，於宣義里構連甲第，土木被綿繡，棟宇之盛，兩都莫比。王郎中宅。劉禹錫有題王郎中宣義里新居詩云：愛君新買街西宅。

次南豐安坊。隋有宣化尼寺，武德中，徙永平坊。按俗本作安豐。

戶部尚書裴寬宅。蘇郎中宅。劉禹錫有和蘇郎中尋豐安里舊居，寄主客張郎中詩。王相宅。溫庭均有題豐安里王相林亭詩。

次南昌明坊。全一坊，隋漢王諒宅，諒敗後，賜伶官屬家令寺。

家令寺園。貞觀中，日南王入朝，詔於此營第，尋還國，宅遂廢，復爲園。

次南安樂坊。坊南街抵京城之南面，西卽安化門。

叛臣李希烈宅。戶部侍郎兼殿中監王鉞舊宅。

王鉞請捨宅爲觀表。臣舊宅在城南安化門內道東第一家。祖父相傳。竹樹猶茂。已更數代。垂向百年。同蕭何之買田。誠爲偏僻。異晏嬰之近市。稍

遠。驚塵。臣于此中。選其勝處。減兼官之祿。俸。回累賜之金帛。盡除遺堵。創建遵堂。

右朱雀門街西第二街九坊。

按此數坊。每有池亭。蓋清明渠水所經也。

朱雀門街西第三街。卽皇城西之第一街。

南出安化門北。出芳林門入苑。

街西從北第一修德坊。

本貞安坊。武太后改坊。內有韋庶人父鄴王元

真廟。章氏

敗後毀。

右神策軍營。

昭宗自華還京。以輔興修德二坊別設右神策軍營。

夾城。憲宗元和十二年。中尉第五守進。以衆二千。築夾城。自雲韶門過芳林門。西至修德里。以達興福寺。又詔所築夾城。別開門曰光化。造樓曰晨暉。

德明興聖

廟。禮閣新儀曰。天寶二載。建在安化門內道。西貞元十九年。耐獻祖懿祖神主于廟。

西北隅。興福寺。

本右領軍大將軍彭國公王君廓宅。貞觀八年。太宗爲太程皇后追福。立爲宏福寺。神龍元年。改爲興福寺。寺北有果園。復有藕花池二所。太

宗時。廣召天下名僧居之。沙門元奘。于西城回。居此寺。西北禪院。翻譯寺。內有碑。面文。賀蘭敏之。寫金剛經。陰文。寺僧懷仁。集王羲之。寫太宗聖教序。及高宗述聖記。爲時所重。宣室志。長安興福寺。有十光佛院。其院宇極壯麗。云是隋所制。裴休圭峯禪師碑。會昌元年

坐滅于興

福塔院。河西隴右副元帥同中書門下平章事李抱玉宅。朝議郎行宮闈令充威遠軍監軍上柱國西門

珍宅。西門大夫墓誌。遷疾。軍器使內寺伯袁公宅。王孟諸故軍器使內寺伯袁公夫人太原郡夫人王氏墓誌。終于長安縣修德里。

次南輔興坊。

東南隅。金仙女冠觀。景雲元年。睿宗第九女西城公主。第十女昌隆公主。並出家為女冠。因立二觀。二年。西城改封金仙公主。昌隆改封玉真公主。所造觀。便以金仙玉真為名。武宗會昌中。建御容殿於金仙觀。宰相李德裕為贊。西

南隅。玉真女冠觀。本工部尚書華國公寶誕宅。武太后時。以其地為崇先府。景雲二年。為玉真公主作觀。此二觀南街。東當皇城之安福門。西出外郭城之開遠門。車馬往來。實為繁會。長安志。安國觀在正平坊。不知其坊所在。按安國觀為玉

真公主所居。疑輔興即正平改名也。宏道觀道士蔡璋撰玉真公主受道靈壇碑。應記云。公主又居王屋山靈都觀。按玉真張觀主下小女冠阿容見白氏長慶集。朝議郎行內侍省內寺伯上柱國劉奉

芝宅。趙昂劉府君墓誌。大漸於輔興里之寢居。宮闈局令充閣門使朱朝政宅。崔鏐朱公故夫人趙氏墓誌。終于長安輔興里之私第。按朝政。即夫人子。左神策軍護軍中尉副

使劉淇潤宅。淇潤妻楊氏墓誌。卒於輔興里之私第。又劉仕備墓誌。終于輔興里。仕備即淇潤次子。淇潤。劉仕備墓誌作英閨。內侍陳忠盛宅。裴士淹陳忠盛碑。薨於輔興里之私第。

次南頌政坊。隋有惠雲澄覺二寺。大業七年並廢。

右軍巡院。舊南門之東。龍興寺。本善光寺。貞觀五年。太子承乾所立。神龍元年。兩京及天下諸州。並置中興寺。遂改此寺為中興寺。又改為龍興寺。西北隅。本隋之惠雲寺。有舊佛殿。寺內有鄭法輪畫。殿挺之大智禪師

碑開元廿一年恩旨復令入都至南十字街東之北建法尼寺隋開皇三年坊人田通捨宅所立文帝初移都便出寺額一百二十枚於朝堂下制云有能修造便任取之通孤貧子然唯有壞堵

龍興寺曰此人境之靜也遂留憩焉

之室乃發憤詣謁請額而還置於所居柴門齋牖上穿下漏時陳臨賀王叔敷母與之鄰居又捨宅以足之其寺方漸修建

西北隅昭成觀本楊士達宅咸亨元年太平公主立為太平觀尋移于大業坊改此觀為太清觀高宗御書飛白額至垂拱三年改為魏國觀載初元年改為大崇福觀武太后又御書飛白額開元十七年為昭成太后追福改立此名西

南隅尚書左僕射芮國公豆盧欽望宅崇明觀舊東南隅右散騎常侍徐堅宅張九齡徐堅碑薨于長安頌政里之私第護國天

王院天寶二年建顯聖天王寺咸通七年改左衛翊衛武騎尉王行威宅王行威墓誌行威字國寶遷疾終頌政里第恆州長史張承休宅張說張承休墓誌終於頌政里朝

議郎行鳳州司倉參軍上柱國司馬宗宅司馬君夫人孫氏墓誌夫人字堅靜建業人適于司馬司倉宗終于長安頌政里第

次南布政坊隋有明法道覺二寺大業武德中並廢本名隆政避明皇名改

東北隅右金吾衛隋曰右武侯府西南隅胡祆祠武德四年立西域胡祆神佛經所謂摩醯首羅也祠內有薩寶府官主祠祆神亦以胡祝充其職華氏曰胡祆神始末見北魏書靈太后時立此寺善果寺

舊圖西東南隅廢鎮國大波若寺本蔣王憚園地景龍三年立為寺景雲中廢西門之南法海寺本隋江陵總管清水公賀拔華宅開皇九年為沙門法海捨宅立寺因以法海為名北

之東濟法寺

隋開皇二年沙門法藏所立。地本梁村之佛堂。及隋武侯將軍韋和業宅。其佛殿。隋光德太子之寢堂。太子薨後。捨施於此。造西禪院。房國公蘇威所立。

十字街東之北明覺尼寺

本隋御史

大夫裴蘊宅。開皇中大保河間王宏立爲寺。本名顯。避中宗諱改。

福祥觀。本畢國公寶瑰宅。天寶十三載立爲觀。

東門之北侍中魏知古宅。中書令蕭嵩宅。

張說贈吏部尚書蕭濯碑。夫人

京兆章氏。逝于京師布政里。按即蕭嵩之父母。

左神武大將軍河間郡王舍利澄宅。功曹參軍梁君宅。

梁君故夫人成氏墓誌。夫人諱淑。雍州渭南縣主簿第三女。成肅公之後也。卒

於降政里第。

朝議郎行尚書倉部員外郎集賢院待制權自挹宅。

權德輿權自挹墓誌。終于布政里私第。

尚書都官令史王璿宅。

冥報記。永徽二

年六月九日。尚書都官令史王璿暴死。吏驅行出金光門。令入坑。璿拜謝。放歸乃蘇。實白紙作錢。并酒食。自於所居降政坊西渠水上燒之。按渠謂永安渠。渠經布政坊之西。

旅館。

李娃傳。天寶中。鄭生自毘陵抵長安。居千布政里。嘗遊東市。還自平康東門入。

將訪友于西南。至鳴珂曲。見一宅。門庭不甚廣。而室宇嚴邃。有娃。方凭一雙鏡。背衣立。生停驂久之。密訊其友。友曰。此俠邪女李氏宅也。扣其門。一姥。延生。遲賓之館。命娃出烹茶。斟酒。久之。日暮。鼓動。姥訪其居。遠近。生始曰。在延平門外數里。冀其遠而見留也。俄徒坐西堂。飲酣而散。及旦。盡徙其囊。盡家于李之第。歲餘。資財僕馬蕩然。娃謂生曰。與郎相知一年。尙無孕嗣。聞竹林神者。報應如響。將致薦耐求之。可乎。生與娃同謁祠宇。信宿而返。策驢而後。至里北門。娃謂生曰。此東轉小曲中。某之姨宅也。將恐而觀之。生如言。前行不踰百步。果見一車門。曰。至矣。娃引生。偕入西戟門。偏院中。食頃。有一人馳至。曰。姥遇暴疾。頗甚。宜速歸。娃前往。其姨留生。議喪事。日晚。生往之。舊宅門。屬鑰甚密。生詰其鄰。曰。姥徙居。且再宿矣。生將馳赴。宣陽以詰其姨。日已晚矣。賃榻而寢。實明乃去。既至。連扣其扉。有宦者徐出。生遽訪之。曰。此崔尙書宅。昨者有一人稅此院云。逸中表之遠至者。未暮去矣。生問知所措。因返訪布政舊邸。邸主哀而進膳。三日。遽疾甚篤。邸主懼其不起。徙之于凶肆之中。

次南延壽坊

隋有惠覺寺。大業七年廢。杜陽雜編。咸通十四年四月八日。佛骨入長安。自開遠門安福樓夾道佛聲振地。上御安福寺親自頂禮坊市豪家。相與為無遮齋大會。競聚僧徒。廣設佛像。吹螺擊鈸。燈燭相繼。而延壽里推

為繁華之取。

南門之西、懿德寺。

本慈門寺。隋開皇六年。刑部尚書萬安公李圓通所立。神龍元年。中宗為懿德太子追福。改名加飾焉。禪院內有大石曰重五百斤。名畫記。懿德寺西廊東靜眼畫山水。

東南隅。駙馬都尉

裴巽宅。

其地本隋齊州刺史盧賁宅。高宗末。禮部尚書裴行儉居之。武太后時。河內王武懿宗居之。土地平敞。水木清茂。為京城之冠。華氏曰巽尚中宗女宣城公主。張說裴行儉碑。薨於京師延壽里。

成安公主宅。

中宗第八女降章捷。

寶應經坊。

大厯十二年。淮西節度兵馬使李重倩敗。汴州李靈輝請捨所居延壽里宅為佛經坊。許之。仍賜名寶應經坊。

贈太州刺史楊志誠宅。

張說楊志誠碑。夫人趙氏。終於長安之延壽里。賈島精舍。

賈島有延壽里精舍。寓居詩。又有延康吟詩云。寓居延壽里。為與延康鄰。不愛延康里。愛此里中人。延康在延壽之南。中隔光德一坊。故得言鄰也。

王薰宅。

宣室志。天寶初。有王薰者。居長安延壽里。里中常一夕有三四輩。挈食會薰所居。既飲食。燭前忽有巨臂

出燭影下。外有語曰。君有會。不能一見呼耶。願得少肉置掌中。薰莫測其由。即與之。其臂遂引去。少頃。又伸其臂。又置肉於掌中。已而又去。于是相與謀曰。此必怪也。俟其再來。當斷其臂。頃之。果來。拔劍斬之。臂既墮。乃一臚足。血流滿地。

進士李員宅。

宣室志。李員。河東人。居長安延壽里。于堂北垣下。得一金缶。上有小篆。崔子玉座右銘。

趙某宅。

沈櫓撰趙夫人張氏墓誌。夫人雲陽人。歸于天水趙公。終於長安延壽坊之私第。

李處士宅。

唐闕史。延壽里有水。墨李處士以精別畫品。遊公廡

門。古池。

吳融有題延壽坊東南角古池詩。按池蓋永安渠漕渠所匯也。

次南光德坊。隋有常法寺。
大業七年廢。

東南隅京兆府解。

府解先為雍州解舍。見雍錄。府內解字。並隋開皇中制度。其後隨事改作。開元元年孟溫禮為京兆尹。因奏請以誠贖錢修繕。宣宗時章澳為尹。又賜錢加葺之。東觀奏記故事。京兆尹在私第。但奇日入府。偶日入遞院。崔郾

為京兆尹。因徙逸獄。始命造京兆尹解宅。京兆尹不得離府。

京兆府有東西士曹。東士曹號念珠。西南隅勝光寺。

本隋幽州總管。燕榮宅。大業元

年自豐樂坊徙勝光寺於此。寺西院有畫行僧及鬪花。貞觀初中。書令王定所寫。為京城所重。名畫記。

十字街東之北。慈悲寺。

勝光寺有王定楊仙喬尹琳畫塔。東南院有周昉畫水月觀。自在菩薩。又劉整畫掩障菩薩圓光及竹。

武德元年高祖為沙門曇獻立。屬隋末饑饉。常賑給貧乏。為事故寺以慈悲為名。

南門之東。尚書左僕射劉仁軌宅。

仁軌薨後。尚宮柴氏居之。後立為光德寺。柴便度為尼。景雲初。追柴氏入宮。寺遂廢。

鄆陽

公主邑司。

孫思邈常居于是。庭前有病梨木。盧照鄰為賦紀之。

太子賓客裴瑒宅。

按裴光庭亦居此坊。光庭為中書。裴瑒為東春。裴自別為宅也。

朝議郎行尚書祠部員外郎裴

禳宅。

裴翺裴植裴誌。終於長安光德里私第。按禳。即光庭子。權德輿裴情神道碑。考終命于長安光德里第。情即光庭孫。柳宗元梓人傳云。裴封叔之第。在光德里。封叔名墀。子厚。姊夫。即禳之從孫。宗元亡姊裴君夫人墓誌。終于光德里。

吏部尚書

崔邠宅。

邠與弟浙西觀察使邠。金吾大將軍邠。及宰相淮南節度使邠。皆貴顯。同居光德舊第。邠嘗構便齋。宣宗聞而嘆曰。崔氏一門孝友。可謂士族之法。因題曰德星堂。後京兆民即其里為德星社云。

兵部尚書劉崇望宅。

唐語林。稱劉崇望為光德劉相。按李洞有題劉相公光德里新構茅亭詩。蓋即崇望宅也。又按仁軌為尉氏房崇望為河南劉氏。故別為宅。

司空兼門下侍郎同平章事贈太尉孔緯宅。

舊書本傳

緯從駕至莎城，疾漸危篤，先遷京城，卒於光德里第。緯又有賜宅在善和里。舊書朱攻傳，攻有第在善和里，新書作攻居孔緯第，按緯之賜宅在平朱攻之後，言攻居孔緯宅，誤也。蓋善和里本朱攻宅，平攻後即以攻宅賜孔緯耳。潘將軍宅，劇談

錄京國豪士潘將軍，住光德坊，常寶玉念珠一串，貯之以繡囊，玉合一旦開合，啓囊已亡珠矣。主藏者常識京兆府停解所由王超，年且八十，因密語其事，超他日過勝業坊北街，有三鬟女子穿木屐，於道側槐樹下值軍中少年蹴鞠，接而送之，直高數丈，超獨異焉而止於勝業坊北門，短曲有母同房，超因以他事熟之，從容徐謂曰：潘將軍失卻玉念珠，不知知否？女子曰：偶遇朋儕爲戲，終卻送還。來日詰旦，於慈恩寺塔院相候，如期而往，寺門始開，塔戶猶鎖，忽於相輪上舉手示超，欬然攜念珠而下，明日訪之，已空室矣。張氏宅，白行簡紀夢云：長安市百肆，有販粥求利而爲之平者，姓張，不得名家，富于財，居光德里。

次南延康坊。隋有明輪寺。大業七年廢。

諸王府。竇歷三年，以延康坊官宅一區爲諸王府。唐朝故事，王府在京師，即合有曹局，自天寶以後，王不出閣，所置寮案，過于閑冗，其

良娣張氏碑，良娣張氏，遷埃，葬于京，延康第之寢，蓋即居于諸王府也。西南隅，西明寺。本隋尚書令越國公楊素宅，大業中，素子元感謀反，誅，後沒官，武德中，爲萬春

立寺，大中六年，改爲福壽寺，寺內僧廡院有楊素舊井，元感被誅，家人以金投井，後人窺見，鈎汲無所獲，寺衆謂之靈井。名畫記，西明寺，額唐元宗朝南薰殿學士劉子昂書，入西門南壁，楊廷光畫神兩鋪，東廊東面第一間，傳法者圖讚，褚遂良書，第三間，利防等，第四間，曇柯迦羅，並歐陽通書。盧氏小說，德宗徵行西明寺，宋濟在僧院過夏，上忽入濟院，方在窗下，特鼻葛巾鈔書，上曰：茶請一碗，濟曰：鼎水中煎此有茶味，請自澆之上，又問曰：作何事業，兼問姓行，濟云：姓宋，第五廡進士舉，又曰：所業何？曰：作詩，又曰：聞今上好作詩，何如？宋

濟云聖意不測。語未竟。忽從轅轡。到日官家官家。濟惶懼待罪。上曰。宋五大坦率。後禮部放勝。上命內臣看有濟名。使回奏。無名。上曰。宋五又坦率也。章懷太子有西明寺鐘銘。陳元奘曾居此寺。寺有牡丹。見白氏長慶集。東南隅。靜法寺。開

皇十年。左武侯大將軍陳國公寶抗所立。寺門拆。抗宅。築戟門。所造。西院有木浮圖。抗弟。璉。為母成安公主建。重疊綺麗。崇一百五十尺。皆伐抗園梨木。充用。其園本西魏大統寺。周武帝廢。佛教以其寺。賜抗為宅。焉靜。一作淨。名畫記。淨法寺。有張孝師。范長壽畫。北

門之西。中書令閣立本宅。後申王傳符。太原居之。水部郎中張籍宅。白居易酬張十八訪宿見贈詩。遠從延康里。來訪曲江濱。按籍有宅在靖安。已見。馬鎮西

宅。元怪錄。太常協律韋生。有兄。自云平生無懼。聞延康東北角有馬鐘。西宅。常多怪物。具酒肉。夜獨于大池之西。孤亭中。宿。夜半。見一小兒。長尺餘。自池中出。循階而上。韋生以手摸之。則一古鐵鼎。子已欠一脚。明且杵碎。其鼎染之。有血色。王靜信

宅。唐故義興周夫人墓誌。夫人。義興人也。為。邠寧節度使馬璘池亭。璘卒。池亭入官。貞元太原王府君靜信之妻。終于延康之私第。後驛臣多賜宴于中。

次南崇賢坊。隋有綠琉璃殿。覺三寺。並大業武德中廢。

南門之西。海覺寺。隋開皇四年。淮南公元偉。捨宅為沙門法聰所立。名畫記。十字街北之西。大覺寺。隋開皇二年。文帝為醫海覺寺。額歐陽詢題。寺又有王潤。應。展子虔。鄭法士畫。人周子錄所立。其地本

錄之佛。西門之南。法明尼寺。隋開皇八年。長安富商王道寶。捨宅所立。又有慈仁尼寺。本在法明寺西。開皇三年。隋大興公主有女。出家為尼。號曰女郎師。隋帝為立此寺。至開元二年。敕併入法明尼寺。十字街東

之南。崇業尼寺。本宏業寺。隋開皇十年。尼法覺立。于法界之西。其地湫隘。西南隅。祕書監嗣號王邕宅。西門之北。黃

業三年。合州刺史崔鳳捨宅。移于此。置神龍元。年改為崇業。

門監盧懷慎宅

懷慎居官清儉宅在陋巷屋宇殆不蔽風雨

光祿少卿竇瑗宅

昭成太后之從父弟咸通中河中節度使竇瑒與弟河東節度使薛同居崇賢第家富于貲考世系表不載疑亦瑗之族

太子

少師崔景旺宅

李華崔景旺碑夫人鄭氏終于京兆崇賢里按夫人即崔圓之母

進士獨孤遐叔宅

河東記貞元中進士獨孤遐叔家于長安崇賢里新娶白氏家貧下第至蜀羈栖不偶逾二年乃歸至郿縣西去城

尙百里歸心迫速取是夕及家趨斜徑疾行人畜既殆至金光門五六里天已曠絕無逆旅惟路隅有佛堂遐叔止焉

中郎將曹遂與宅

乾隲子崇賢里有中郎將曹遂與宅堂下生一大樹遂與每患其經年枝葉有礙庭宇伐之又恐損堂室

賢父請買之仍與中郎除之不令有損乃出錢五十文以納中郎與斧斤匠人議伐其樹自梢及根令各長二尺餘斷之因遷就柴材及陸博局數百器于本行計利百餘倍

集州司馬裴通遠宅

集異記唐憲宗葬景陵都城人士畢至前

集州司馬裴通遠家在崇賢里妻女輩亦以車輿雜觀通化門及歸日晚馳馬驟至平康北街有白頭嫗步走隨車而來至天門街夜鼓時動車馬轉速嫗亦忙遽車中有老青衣從四小女其中有哀其奔迫者問其所居對曰崇賢即謂曰與嫗同里可同載至里門嫗荷媿

及至下車遺一小錦囊諸女共開之中有白羅製爲逝者面衣四焉諸女驚駭棄于路不旬日四女相次而卒按白通化至崇賢里必先經平康後經天門街

羅鄰宅

羅鄰有春日宿崇賢里詩

陳朴宅

西陽雜俎陳朴元和中住崇賢里北街大

門外有楓樹嘗黃昏徒倚見若婦人及老狐異鳥之類飛入樹中遂伐視之樹凡三椽一椽空中一椽中有獨頭栗一百二十一椽中羅一死兒長尺餘

崔生宅

西陽雜俎崔汾仲兄居長安崇賢里

曹郎中宅

李涪有贈曹郎中崇賢所

居詩云閑坊宅枕穿宮水按穿宮水即永安渠水也

胡人米亮宅

乾隲子寶父合小兒拾破麻鞋每三輛以新麻鞋一輛換之遠近知之遂破麻鞋者雲集數日獲千餘量備人於崇賢西門水澗從水洗其破麻鞋曝乾貯廟院中又胡人米亮謂父曰

崇賢里有小宅出賣直二百千文大郎速買之又西市橫坊鐵錢盈餘即依直出錢市之書契日亮與父曰亮工於覽玉嘗見宅內有異石人罕知之是搗衣砧真子闔玉大郎且立致富矣又未之信亮曰延壽坊召玉工觀之玉工大驚曰此奇貨也攻之當得腰帶鈔二十

副每副實錢三千貫，父遂令琢成，果得數百千價，又得合子執帶頭尾諸色，雜類鷲之，父計獲錢數十萬貫，其宅并元契，父遂與米亮使居之，以酬焉。
就舍。杜寶符杜夫人墓志，歿于崇賢里，就宅，按夫人杜黃裳之女，寶符之姊，裴澹之妻。

次南延福坊。隋有神通寺。大業七年廢。

真化府。長安志引舊圖，按十字街東之北，宣平府。按地理志不載。西南隅，紀國寺。隋開皇六年，獻皇后獨孤氏為母紀國夫人，崔氏所立。名畫記，紀國寺有鄭法輪畫。東

南隅，玉芝觀。本越王貞宅，後乾封縣權治于此，又為新都公主宅，施為新都寺，寺廢，乃為郡王府，天寶二年，立為玉芝觀。西北隅，瓊山縣主宅。縣主，開元中，適慕容氏，即吐谷渾之苗裔，富于財產，宅內有山池院，溪磴

自然，林木蔥鬱，京城稱之。御史黃滔宅。黃御史集，有延福里居和林寬何紹餘酬寄詩，附載從弟蟾和從兄御史延福里居詩。進士何氏宅。趙緞有宿何書記先輩延福新居詩。進士張喬宅。張喬有

秋懷詩。進士孫秦宅。鄭谷有訪題進士孫秦延福南街居詩。沈氏家廟。河東記，大和四年十二月九日，邊上從事魏式恭卒于長安延福里沈氏私廟，中前二日之夕，勝業里有司門令史辛察者，忽患頭痛而絕，初見有黃衫人就

其牀，以手相就而出，良久，謂察曰：但致錢二千緡，便當相捨，因令達語求錢，於是其家果取紙錢焚之，察見紙燒訖，皆化為銅錢，又謂察曰：請兼致腳直，察悟其所居之西百餘步，有一力車，隨載者，遂與黃衫俱詣其門，察曰：有客要相顧，載錢至延平門外，車曰：諾，即來裝其錢訖，黃衫曰：請相送，至城門，三人相引，部領歷城西街，抵長興西南而行，時鐘鼓將動，黃衫曰：天方曙，不可往矣，當且止，延福沈氏廟，遂巡至焉。按城西街，西字疑誤。旅邸。宣室志，元和中，博陵崔數自汝鄭來，僑居長安延福里。

次南永安坊。

永壽寺。寺塔記。寺三門。東吳道子畫佛殿。名會仙。本是內中梳洗殿。右衛將軍淄川縣公李孝同宅。李孝同碑。薨于京師。永安之里第。右羽林大將軍高仙芝宅。

浙江西道都團練觀察使薛萃家廟水亭。白居易有和楊尙書罷相後。夏日遊永安水亭詩。

次南敦義坊。

東北隅廢福田寺。本隋靈覺寺。開皇六年。親王楊雄所立。武德初廢。乾封二年。武后為其姊賀蘭氏復立為崇福寺。儀鳳二年。改福田寺。開元二年廢。東南隅廢法覺尼寺。隋置。開元二年。太

尉中書令臨淮郡王李光弼宅。山南西道節度使鄭餘慶家廟。

次南大通坊。

東南隅左羽林將軍竇連山宅。尙父汾陽郡王郭子儀園。後為岐陽公主別館。

次南大安坊。坊南街抵京城之南面。

大安亭。通鑑吐蕃劫盟。李晟大安園多竹。有為飛語者云。晟伏兵大安亭。謀因倉猝為變。晟遂伐其竹。按晟蓋有園在此坊。呂溫有春日遊郭附馬大安亭子詩。按汾陽王園在大通坊。兩坊相連。故園地得至大安。詩有借賞彩船輕之句。蓋引永安渠水為池。

南康郡王章臯家廟。權德輿南康郡王章公先廟碑。作新廟于京師大安里。

右皇城西第一街十三坊。

朱雀門西第四街。即皇城西之第二街。街西從北第一安定坊。

東南隅千福寺。

本章懷太子宅。咸亨四年捨宅立爲寺。大中六年改與元寺。按唐畫斷。千福寺西塔院。有王維掩障一畫。楓樹一

李綸尹琳畫。又置太宗聖教序碑。楚金和尚碑。顏魯公張芬吳邁徵韓擇木所書諸碑。魯公所書。即多寶塔碑也。塔在寺中。造塔人木匠李伏。橫石作張愛兒。塔院有石井。閣上有李陽冰篆書。西南隅福林寺。其地本隋律藏寺。

寺于永興坊。以義師初起太原。因以名。寺後移于此。咸亨三年改爲福林寺。

東北隅五通觀。

隋開皇八年爲道士焦子順所立。子順能驅役鬼神。傳符籙。預告隋文。齊命之。應及即位拜爲開府永安公。立觀以五通爲名。旌其神術。

神策軍護軍中尉第五守進宅。

次南休祥坊。

大和二年。休祥坊百姓三百。接宰相訴。當坊右龍武軍地。賜百姓。經四十餘年。不納稅。今被辟仗使田全操。並卻徵索。時全操令角觚者五十人。分捕所訴者。遂闕于通衢。久之。方散。文宗以地爲百姓業。久矣。不欲收。

奪。因賜左右三軍錢各一千五百貫。其休祥地盡歸百姓。

坊內有漢顧成廟餘趾。廟北漢奉明園。

宣帝父悼皇考墓園也。

園北漢奉明縣。東北隅崇福寺。

本侍中觀國公楊恭仁宅。咸亨元年以武后外氏故宅立。

為太原寺。垂拱三年改為魏國寺。載初元年又改為崇福寺。寺額武太后飛白書。名畫記崇福寺有吳道元劉整牛昭王陀子畫。裴休元祕塔碑銘大達法師十歲依崇福寺道悟禪師為沙彌。又曰稟持犯于崇福寺昇律師。

東南隅萬善尼寺。

本在故城中。周宣帝大象二年置。開皇三年移于此。盡度周氏皇后贖御以下千餘人為尼以處之。

寺西昭成尼寺。

隋大業元年元德太子為尼善惠元懿立為慈和寺。永徽元年廢崇德坊之道德寺乃移額及尼於此。先天二年又為昭成皇后

道福改為南門之西武三思宅。

本尉馬都尉周道務宅。神龍中三思以子崇訓尚安樂公主。大加雕飾。三思誅後主移于金城坊。開元中道務子勵言復居之。

延唐觀京苑總監上柱國

茹守福宅。茹守福墓誌卒於長安休祥里第。

次南金城坊。

本漢博望苑之地。初移都百姓分地版築。土中見金聚。欲取便沒。隋文帝曰此收金城之兆。因以金城為坊。名隋有釋梵法衆二寺。大業七年廢。大唐新語貞觀中金城坊有人家為胡所劫。司法參軍尹伊請追禁。

西市胡餽泉淺賤。蓋金城近于西市也。

西南隅匡道府。即漢思后園。

漢武帝衛皇后墓園也。宣帝追諡改葬于此。地本長安故城之杜門外大道東也。按匡道府見地理志。

北門有漢戾園。

戾太子史良娣墓。宣帝改葬于此。其地本曰亭。

園東南漢博望苑。

本在門外道之東。

東南隅開善尼寺。

隋開皇中宮人陳宣華蔡容華二人所立。

寺北廢太清觀。

本悖逆庶人宅。初封安樂公主。出降武三思子崇訓。崇訓誅後自休祥坊。

移宅於此。改適武承嗣之子延秀。及誅後。敕太清觀道。西南隅、會昌寺。本隋海陵公賀若誼宅。義寧元年。義師入關。太宗頓兵于此。武德元年。立爲寺。十字街南之東。

樂善尼寺。本名舍衛寺。隋開皇六年。尉遲迥孫太師爲其祖。瑞聖寺。舊冠軍大將軍代州都督上柱國許洛仁宅。許洛仁妻。

襄邑縣君宋氏墓誌。夫人諱善主。字令儀。定州安喜人。薨於金城坊里第。雲麾將軍劉元尙宅。劉元尙墓誌。薨于金城里之私第。昭武校尉守左驍衛將軍上柱國陳義宅。

侯銘陳公墓版文。卒於華州參軍柳生宅。乾隰子華州柳參軍。於長安閒游。上巳日。曲江見一車子。後藤徐攀女子。容色絕代。柳生上。都金城里之私第。鞭馬從之。卽見車子入永崇里。柳生知其大姓。崔氏女有母。有育衣字輕紅。柳生多方賂。

輕紅。竟不之受。他日。崔氏女有疾。其舅執金吾王請爲子納焉。崔氏女不允。其母乃命輕紅于薦福寺僧道省院。達意。柳生。令兩三日。就禮。柳生自備財禮。期內結婚。後五日。柳挈妻與輕紅于金城里。居無何。王氏死。柳生挈妻與輕紅赴喪。金吾之子告父。擒柳生。王氏旣歿。無所明。遂訟於官。公斷。王家先下財禮。合歸王氏。經數年。金吾又亡。移其宅于崇義里。崔氏不樂事外兄。時柳生尙居金城。

里。崔氏乃與輕紅同詣柳生。柳生驚喜。又不出城。只遷家賢里。後本夫終。尋崔氏女。知羣賢里住。輿訟奪之。柳生長流江陵。邢緯宅。通。

王鉄弟戶部郎中錫。所善邢緯。謀作亂。鉄命買季鄰捕緯。緯居金城坊。季鄰等空宅。朝野僉載。中書舍人郭正一。失一。至門。緯帥其黨突出。闕且走。至皇城西南隅。會高力士引飛龍禁軍至。擊斬緯。高麗婢于金城坊中。空宅搜得之。

次南醴泉坊。本名承明坊。開皇二年。繕築此坊。忽聞金石之聲。因掘得甘泉。浪。井七所。飲者疾愈。因以名坊。隋有光寶救度二寺。大業武德中廢。

西南隅、三洞女冠觀。本靈應道士觀。隋開皇七年。立貞觀。觀北妙勝尼寺。開皇二年。周靜帝皇。后平原公主所立。十字街北之西、醴泉寺。

隋文帝于此置醴泉監取甘泉水
供御廚開皇十二年廢監立寺

十字街南之東舊波斯胡寺

儀鳳二年波斯王畢路斯奏請于此置波斯寺景龍中宗楚
客築此寺地入其宅遂移寺于布政坊之西南隅祿祠之西

西

門之南祿祠東南隅太平公主宅

公主死後沒官為陝王府宅北有
異僧方回宅太平公主為造之

南門之東中書令宗楚客宅

楚客誅死其宅
後賜申王攝

烈

士臺世傳安金
藏之居

輔國大將軍右衛大將軍楊州都督襄國公段志元宅

段志元碑斃于京
師之醴泉里第

王安仁宅

文林郎王君夫
人墓誌上元元

年終于醴泉里
第安仁其子也

孝子郭思訓宅

郭思訓墓誌終于長
安醴泉里之私第

遊擊將軍張希古宅

張府君墓誌公字希
古終醴泉里之私第

次南西市

隋曰利人市 舊齊楊貴妃傳天寶十載正月望夜楊家五宅夜
游與廣寧公主騎從爭西市門楊氏怒揮鞭及公主衣公主墮馬

南北盡兩坊之地市內有西市局

隸大佛寺市內店肆如東市之制長安縣所領
四萬餘戶比萬年為多浮寄流寓不可勝計

市署

署前有市令載敏碑蒲州
司兵徐彥伯為其文也

平準局

衣肆

沈既濟任氏傳鄭子游入西市衣肆見任氏
按章述記云市署前有大衣行當即此衣肆也

鞦韆行

逸史載江陵副使李
君事有西市鞦韆行

秤行

乾廐子寶父西市買油錠數石雇
庖人執囊傭人到破麻鞋制為法

獨嚮之獲無窮之利先是西市秤行之南有十餘畝坳下潛污之地目曰小海也為旗亭之內衆穢所聚寶父遂求買之其主不測又酬
錢三萬既獲之于其中立標懸幡子繞池設六七鋪制造煎餅及糰子召小兒擲瓦礫擊其幡標中者以煎餅糰啗不踰月兩街小兒競
往計萬萬所擲瓦礫已滿池矣遂經度造店二十間當 張家樓 會昌解頤錄西市 景先宅 霍小玉傳小玉往往私令侍婢潛賣陵中
其要害日收利數千甚獲其要店今存焉號為寶家店 有食店張家樓

寶放生池。市西北有溝池。長安中沙門法成所穿。支分永安渠。以注之。以爲放生池。池側有佛堂。沙門法成所造。獨柳。刑人之所。按西市刑人。唐初卽然。貞觀二十年。斬張亮程公。穎于西市。舊書肅宗紀。王涯傳。又言子城西南隅。獨柳樹。蓋西市在宮城之西。南子城。謂宮城。

次南懷遠坊。隋有法寶寺。大業七年廢。劉禹錫傷秦姝。行序河南房開土。得善筆人于長安懷遠里。

東南隅。大雲經寺。

本名光明寺。隋開皇四年。文帝爲沙門法經所立。時有延興寺僧曇延。因隋文賜以蠟燭。自然發焰。隋文奇之。將改所作寺爲光明寺。曇延更請立寺。以廣其教。時此寺未制名。因以名焉。武太后初。此寺沙門宣政進大雲經。

中有女主之符。因改爲大雲經寺。遂令天下每州置一。大雲經寺。此寺當中寶閣。崇百尺。時人謂之七寶臺。

寺內有浮圖。東西相值。

東浮圖之北。佛塔名三絕塔。隋文帝所立。塔內有鄭法輪田僧亮楊契丹畫跡。又巧工韓伯通塑作。

佛像。故以三絕爲名。按名畫記。隋田楊與鄭法士同于光明寺畫小塔。鄭圖東壁。北壁田圖。西壁南圖。楊畫外邊。四面又有馮提伽畫瘦馬。

十字街東之北。功德尼寺。

本在安定坊。開皇五年。周宣帝女細腰公主所立。武德中。移于

此。左監門大將軍襄城郡公樊興宅。

按碑。終于雍州長安縣懷遠里第。

戴夫人宅。

丹元一薛府君墓誌。公諱剛。終于龍首里第。夫人戴氏。終于懷遠里第。

盧氏宅。

前定錄。李揆寓宿于

懷遠坊盧氏姑之舍。

次南長壽坊。

隋曰廣恩坊。避煬帝諱。改。有願力寺。大業七年廢。

西南隅、長安縣廨。

去府六里。按縣治隋開皇三年所立。見長安志。

南門之東、永泰寺。

本梁太尉吳王蕭岑宅。隋開皇四年帝為沙門曇延立。為延興寺。寺東院。宮公蕭察宅。當隋亡。捨入寺。神龍中。中宗為永泰公主追

福。改為永泰寺。寺內東精舍。有隋中大夫鄭法士畫釋迦滅度之變。左廊有滕王庫直李雅畫聖僧之跡。又有楊契丹畫。

北門之東、大法寺。

本安法寺。武德中。光祿大夫李遠所立。神龍元年改。

十字街西之北、崇

義寺。

本隋延陵公子銓宅。武德二年。桂陽公主為駙馬都尉趙慈景所立。

十字街北之西、鄴國公楊溫宅。開府儀同三司尉遲敬德宅。朝議郎行澤

王府主簿梁寺宅。

詳懷德坊下。

中書令閻立本宅。

按閻令宅在延康坊。太平御覽引作延壽。謾長安志載在此。恐又因延壽而誤也。

前中書侍郎同中書門下平

章事元載家廟。

大曆四年。有虎止于載之私廟。命將軍薛岷周皓發弩手射殺之。

次南嘉會坊。

西南隅、褒義寺。

本隋太保吳武公尉遲邈宅。初。邈兄邈。置妙象寺于故都城中。移都後。剛捨宅。立寺名褒義。材木皆舊寺者。名畫記。褒義寺有盧梭迦杜景祥王元之畫。

十字街西之北、靈安寺。

武德三年。

高祖為衛懷

王元霸立。盱眙尉顧非熊宅。

顧非熊有關試嘉會里。聞蟬感懷。呈主司詩。

起居舍人章莊宅。

按章莊有嘉會里。開居詩。

鄭國莊穆公主廟。

禮閣新儀曰。德宗女曰義

章公主。追冊貞

竇氏家廟。

乾隰子扶風竇父諸姑。累朝國戚。其伯檢校工部尚書交閉。廢使宮苑。使于嘉會坊。有廟院。五月初。長安盛飛榆莢。父埽聚得斛餘。往詣伯所。借廟院習樂。父夜則潛寄褒義寺。法安上人院止。齋。則往廟中。以二餅開

元十七年。祔廟。

隙地廣五寸深五寸幕布四十五條皆長二十餘步汲水濱之布榆于其中比及秋森然已及尺餘千萬餘株矣

次南永平坊 本名永隆明皇即位改

東門之北宣化尼寺

隋開皇五年周昌樂公主及駙馬都尉尉遲安捨宅所立寺門金剛上人雅法雅所制頗有靈跡有一尼常傾心供養

東南隅宣城公主宅

公主薨後太子太師寶希球居之 高

安長公主宅

高宗女降潁州刺史王勣安長公主碑斃于長安永平里第

日者寇鄜宅

乾驪子元和十二年上都永平里西南隅有一小宅懸勝云但有人敢居即傳元契奉贈及奉其初價大厯年安太清始用二百千

買得後實與王媪傳受凡十七主皆喪長布施與羅漢寺寺家實之悉無人敢入有日者寇鄜詣寺求買因送四十千與寺家寺家乃傳契付之有堂屋三間甚庠東西廂共五間地約三畝榆楮數百株門有崇屏高八尺基厚一尺皆炭灰泥焉廡又與崇賢里法明寺僧普照爲徒其夜墻堂獨止至四更聞一人哭聲至曙遂絕廡乃命照公與作道場滿七日崇屏之下四尺開土忽頽圯中有一女人廡送葬渭水之沙洲自後更無恐懼郭汾陽有堂妹出家永平里宣化寺汾陽王夫人之「謁其姑從人頗多從實此宅往來安置或聞有青衣不謹遂誅青衣夫人令高築崇屏此宅或因是崔氏宅紀聞鄜城尉范季輔未娶有美人崔氏宅在永平里常依之開元二十八年二月崔氏晨起下堂有物死在階下身如狗頭九頭皆如人面形狀不一有怒者喜者妍者醜者老者少者變者夷者皆大如拳尾甚長五色崔氏恐以告季輔問諸巫巫言焚之五道災則消矣乃於四達路積薪焚之後數日崔氏母殞又數日崔氏死又數日季輔亡

天平軍節度使殷侗家廟

按碑廟在永平

里之東
北隅

次南通軌坊。

酈公廟。文敬太子廟。

禮閣新儀曰：貞元十七年，置在長安坊，後徙于此。

次南歸義坊。

全一坊。隋蜀王秀宅。

隋文帝以京城南面闊遠，恐竟虛耗，乃使諸子並於南郭立第。時秀有寵，封土殷富，起第最華。秀死後，沒官爲家令寺園。

次南昭行坊。

本名顯行，犯中宗諱。長安中，改坊南街抵京城之南面。

十字街之南。汝州刺史王昕園。

引永安渠爲池，彌亘頃畝，竹木環布，荷荇叢秀。

右皇城西第二街十一坊及西市。

朱雀門街西第五街。

卽皇城西之第三街。

街西從北第一修真坊。

韋述曰：今坊之南門門扉，卽周之太廟門板也。隋有積善寺，武德中徙義寧坊。

坊有漢靈臺餘址。

崇五尺，周一百二十步。述征記曰：長安宮南靈臺，上有相風銅鳥，或曰：此鳥遇千里風乃動。

郎將葛威德宅。

張說葛威德墓誌：夫人郭氏，薨于京兆之修真里。

次南普寧坊。南街西出。通開遠門。

坊西街有漢太學餘址。其地本長安故城南安門之外。次東漢辟雍。漢元始四年所立。次東漢明堂。二所並廢。無復餘址。十字街東之北靈化寺。

隋開皇二年沙門善吉所立。其地本吉之宅。講堂有古冢。崇五丈。不詳姓名。東南隅東明觀。顯慶元年。孝敬升儲後所立。規模仿西明之制。長廊廣殿。圖畫彫刻。道家館舍。無以爲比。觀內有道士馮黃庭碑。又有道士巴西李榮碑。永樂李正己爲

其文也。唐語林。明皇所幸美人。忽中夜夢見人召去。縱酒密會。醉厭而歸。覺來。流汗倦怠。因言於上。上曰。此術人所爲也。汝若復往。但隨時以物記之。其夕熟寐。飄然又往。美人半醉。見石硯在前。席密以手文印于曲房屏風上。寤而具啓。上乃潛令人詣宮觀求之。果于東

明觀中得其屏風手文。所居道流。已潛遁矣。張西南隅太尉英國公李勣宅。北門之西。司農卿韋機宅。西北隅祔

祠。因爲道士居東明觀。柳宗元有東明張先生墓誌。

次南義寧坊。本名熙光坊。義寧元年改。冥報記。蘇州別駕沈裕。于貞觀八年八月。夢其身行于京師義寧坊西南街。

南門之東化度寺。本真寂寺。隋尙書左僕射齊國公高穎宅。開皇三年。穎捨宅奏立爲寺。武德二年。改化度寺。寺中有無盡藏院。敬宗賜化度經院金字額。御樓以觀之。大中六年。改爲崇福寺。名畫記。化度寺額。殷仲容題。寺有楊廷光楊仙喬

畫。按武后移此寺無盡藏于東都福先寺。日久漸耗。尋移歸本院。至開元九年。以所餘散京師諸寺。遂絕焉。西北隅積善尼寺。隋開皇十二年。高穎妻賀跋氏所立。其地本賀跋氏之別第。十字街東之北。波

斯胡寺。貞觀十二年太宗爲大秦國胡僧阿羅斯立。東南隅、尙書右僕射戴至德宅。青城縣令達奚思敬宅。貞牛千達奚思敬碑。終于長安義寧坊之私第。右龍

武軍宿衛閭庭萼宅。清河張夫人墓誌。夫人號威德。清河之族。隨于閭氏。終于京長安縣義寧里之私第。又云。嗣子庭萼。右龍武軍宿衛。次子庭珍。右羽林軍宿衛。

次南居德坊。南街西出通金光門坊內。隋有依法寶岸凝觀三寺並大業廢。

漢圓正餘阯。東南隅、先天寺。本寶國寺。隋開皇三年。敕大興長安兩縣各置一寺。因立寶昌禪林二寺。東西相對。時人謂之縣寺。其地本漢之圓正。先天元年改爲先天寺。西北隅、普集寺。隋開皇七年突

厥開府儀同三司鮮于遵義捨宅所立。南門之西、奉恩寺。本將軍尉遲樂宅。神龍二年。立爲寺。大中六年改興福寺。南門之東、司禮太常伯劉祥道宅。宅接先天寺。兼據漢圓正舊阯。因基

高樂房州刺史杜元徽宅。劉太真杜元徽碑。終于長安居德里私第。左驍衛將軍折氏宅。曹夫人墓誌。夫人曹氏。諱明照。年十有八。適左驍衛將軍折府君爲命婦。終于房德里之私第。

次南羣賢坊。隋有監門大將軍黃城公元瓚。上柱國鄜城公梁軌二宅。又有法身寶王二寺。大業七年廢。

東門之南、真心尼寺。隋開皇八年。宣者儀同三司宋祥捨宅所立。十字街東之北、眞化尼寺。開皇十年。冀州刺史馮臘捨宅所立。武太后改爲光化寺。神龍元年復舊。東南隅、中

宗昭容上官氏宅。後爲南陽縣主所居。處士程元景宅。程處士墓誌。先生諱元景。字師朗。京兆長安人。遘疾。終于羣賢里。內供奉強瓊宅。故瑯琊王氏夫人墓誌。夫人即故玉册官內供奉賜

耕魚袋強瓊之妻。乾符元年終。聚賢里第。

次南懷德坊。

西南隅羅漢寺。

隋開皇六年雍州牧楚公豆盧勳所立。

十字街西之北辨才寺。

本鄧孝王亮隋代舊宅。亮子司空淮安王神通。以開皇十年爲沙門智凝立此寺於聚賢坊。以智凝辨才不滯。因名寺焉。武德

二年徒于此。

東門之北慧日寺。

開皇六年所立。本富商張通宅。捨而立寺。通妻陶氏。常于西市鬻飯。精而價賤。時人呼爲陶寺。寺內有九層浮圖。一百五十尺。貞觀三年沙門道□所立。李儼道因法師碑。法師終于長安慧日之寺。宏

光寺天官侍郎李至遠宅。

畢氏曰唐書本傳。至遠爲天官郎中。

朝議郎行澤王府簿簿梁寺宅。

梁府君並夫人唐氏墓誌。梁君諱寺。字師陳。雍州藍田人。終于長安懷德里第。按

梁君之卒在垂拱四年七月五日。又云其夫人唐氏以垂拱四年九月二十七日終于長壽里第。蓋梁君卒後又徙居長壽里也。

韓寶才宅。

韓君墓誌。君諱寶才。長安人也。卒于京城懷德之第。

右賢王墨特勒宅。

賢力昆伽

公主阿那氏墓誌。三十姓可汗愛女。建册賢力昆伽公主家。墮犯法。身入宮闈。特許歸親。兄右賢王墨特勒私第。開元十一年六月十一日。薨于右賢王京師懷德坊之第。

楚州兵曹參軍劉盛宅。

劉盛墓誌。逝懷德私第。

鄒鳳

熾宅。

坊南門之東。有富商鄒鳳熾。肩高背曲。有似駱駝。時人號爲鄒駱駝。其家巨富。金寶不可勝計。

次南崇化坊。

本名宏化。避孝敬皇帝諱改。

東門之北、經行寺

本隋長安令屈突蓋宅。開皇十年邑人張緒市之立爲寺。大中六年改龍興寺。

西南隅、靜樂尼寺

隋開皇六年所立。

東南隅、龍興觀

本名西華觀。貞觀五年太子承乾有

疾。敕道士秦英祈禱獲愈。遂立此觀。垂拱三年以犯武太后祖諱。改爲金臺觀。其時道士成元英住此觀內。神龍元年又改爲中興觀。三年改爲龍興觀。名畫記觀有吳道元董壽畫。

朝議郎行長安縣丞蕭思亮宅。

蕭思

亮墓誌終于

河陽節度使烏重允廟

韓愈烏氏廟碑。營廟于京師崇化里。

次南豐邑坊

南街西出通延平門。此坊多假貨。方相輻車送喪之具。按李娃傳。凶肆有東肆西肆。傳言各閱所備之器于天門街。則西肆在街西。東肆在街東。西肆當即豐邑。未知東肆是何坊。俟攷。

東北隅、清虛觀

隋開皇七年文帝爲道士呂師元所立。師元辟穀鍊氣。故以清虛名之。

司徒兼中書令李晟林園

舊書李晟傳。賜永崇里第。及涇陽上田。延平門之林園。

次南待賢坊

此坊隋初立。天下諸州朝集使邸。故以待賢爲名。隋又有左鎮軍大將軍史萬歲宅。按兩京記。史萬歲宅。初常有鬼怪。居者輒死。萬歲不信。因即居之。夜見人衣冠甚偉。來就萬歲。萬歲問其由。鬼曰。我漢將軍樊噲。墓近

君園。幸移他所。必當厚報。萬歲許諾。掘得骸骨。因爲改葬。後萬歲爲隋將。每遇賊。便覺鬼兵助己。戰必大捷。

東北隅、天長觀

本名會聖觀。隋開皇七年文帝爲秦孝王俊所立。開元二十八年改千秋觀。天寶七載又改天長觀。

節愍太子廟

次南永和坊

本名淳和。元和初避憲宗名改。

東北隅、隱太子廟。

次南常安坊。

東北按兩京記、隅、章懷太子廟。神龍中、立。

次南和平坊。

坊內、南北街之東、築入莊嚴寺、街之西、築入總持寺。

次南永陽坊。坊之西南、即京城之西南隅。

半以東、大莊嚴寺。

隋初置、宇文改別館于此坊。仁壽三年、文帝爲獻后立爲禪定寺。宇文愷以京城之西有昆明池、池勢微下、乃奏于此寺、建木浮圖、崇三百三十尺、周圍一百二十步。大業七年、成。武德元年、改爲莊嚴寺。天下伽藍之盛、莫與于

此寺內有佛牙、長三寸、沙門法獻、從烏踵國取以歸、豫章王陳自揚州持入。京隋文帝改置此寺。大中六年、改聖壽寺。名畫記、寺有盧梭伽尹琳畫。

西大總持寺。

隋大業三年、煬帝爲文帝所立、初名大禪定寺。內制度與莊嚴寺正同、亦有木浮圖。

高下與西浮圖不異。武德元年、改爲總持寺。莊嚴總持、即隋文獻后宮中之號也。二寺門額、並少詹事殷令名所書。寺中常買梨花蟹、景龍文館記曰、隋主自立法號、稱總持、呼廂后爲莊嚴、因以名寺。名畫記、寺有孫尚子吳道元尹琳李昌畫。

恭僖貞獻

二太后廟。

右皇城西第三街十三坊。

龍首渠。

龍首渠，一名澹水渠。隋開皇三年，開自東南龍首堰下支，分澹水，北流至長樂坡。

坡在通化門東七里，臨澹水。自坡之北，可望漢長樂宮，故

名長樂坡。

西北分爲二渠。東渠北流，經通化門外，至京城東北隅，折而西流，入東內苑，爲龍首池。餘水，經大明

宮前下馬橋下，西渠曲而西南流，經通化門南，西流入城，經永嘉坊南，又西南入興慶宮垣，注龍池。又出

而西流，經勝業坊崇仁坊景龍觀，又西入皇城，經少府監南，屈而北流，又經都水監東宮僕寺。

長安志作太僕寺，誤。內

坊之西，又北流，入宮城長樂門，又北注爲山水池。又北注爲東海。貞元十三年，又自永嘉之西北，分支至

大寧坊太清宮前。

黃渠。

黃渠自義谷口澗分水入此渠。北流十里，分兩渠。一渠西流，經樊川，合丈八溝。一渠東北流，經少陵原而北流，入自京城之東南隅，注爲曲江。

永安渠。

永安渠，隋開皇三年開，亦謂之交渠。唐會要元和八年修城南交渠。引交水西北流入京城之南，經大安坊之西街，又北流。

經大通敦義永安延福崇賢延康六坊之西，又經西市之東，又北流，經布政頒政輔興修德四坊，及興福寺之西，又北流入芳林園，又北流入苑，又北注於渭。明皇自蜀還京，肅宗至開遠門外望賢宮迎明皇，帝親籠馬行數十步，執鞭引道過渠入宮，即過此永安渠。王建早春五門西望詩云：

松葉葉牆頭出，渠柳條條水面齊。蓋渠水皆在城西。

清明渠。

清明渠在永安渠東。亦隋開皇初開。引汝水自丈八溝分支。經杜城之北。屈而東北流。入京城之南。經大安坊之東街。又屈而東。經安樂坊之西南隅。屈而北流。經安樂昌明豐安宣義懷貞崇德興化通義太平九坊之西。又北經布政坊之東。右金吾衛之東南。屈而東南流。入皇城。經大社北。又東至含光門西。又屈而北流。經尙舍局東。又北經將作監內侍省東。又北入宮城廣運門。注爲南海。又北注爲西海。又北注爲北海。

漕渠。

漕渠。天寶元年開。京兆尹韓朝宗分滴水。按渠蓋滲交之水。舊書作分溜水。非是。入自金光門。置潭於西市之街。以貯材木。永泰

二年。京兆尹黎幹以京城薪炭不給。又自西市引渠。經光德坊京兆府。東至開化坊薦福寺東街。北至務

本坊國子監東。由子城東街。踰景風延喜門入苑。渠闊八尺。深一丈。舊紀渠成。上御安福門觀之。

唐兩京城坊考圖


東都外郭城圖


東都苑圖


東都宮城皇城圖

東都上陽宮圖


東都外郭城圖








東都苑圖




東都宮城 皇城圖

唐兩京城坊考 卷五 圖



東都上陽宮圖



唐兩京城坊考卷之五

大興徐松星伯讓

東京

東京一名東都始築於隋大業元年

周武王克殷定鼎郊鄆書云我乃卜澗水東澗水西惟洛食所謂王城卽郊鄆也又云我

以虞殷頑民兩城相去四十里平王東遷居王城敬王避王子朝之亂乃遷成周城小不能受王都故晉合諸侯以

謂之新都唐武

城之戰國時之東周後漢魏晉元魏之都城皆成周也隋煬帝始於舊成周之西十八里舊王城之東五里築京城

德四年廢貞觀六年號洛陽宮顯慶二年曰東都光宅元年曰神都神龍元年復曰東都天寶元年曰東京上元二年罷京次年復爲東都

宮城

宮城在皇城北因隋名曰紫微城貞觀六年號爲洛陽宮武后光宅元年號太初宮東西四里一百八十

八步。南北二里八十五步。新書地理志長千六百二十步廣八百有五步。周一十三里二百四十一步。新書地理志周四千九百二十一步。其崇四丈八尺。

以象北辰。藩衛城中隔城二。在東南隅者。太子居之。在西北隅者。皇子公主居之。城北隔城二。最北者圓

壁城。次南曜儀城。南面四門。河南志作六門。蓋千應天明德長樂之外。增重光門太和門。維城南門爲六也。然志言明德之東爲重光。又東爲太和。太和門內爲左藏庫。志又於莊敬殿條下云。莊敬殿東有鹿宮院。次東即隔城之

東。接左藏庫。按重光爲東宮正門。東宮已極城之東南隅。不容其東尙有隙地。置左藏庫與太和門。疑太和門與武成門崇賢門同在乾元殿之傍。故六典不之載也。重光屬東宮。亦從六典刪。中應天門。門上飛觀相夾。門外即朝堂。武德四年以其太奢。令

行臺僕射屈突通焚之。顯慶初。司農少卿田仁汪。竊事修葺。後又命司農少卿韋機更加營造。初因隋之名曰則天門。神龍元年。避武后尊號。改應天門。又避中宗尊號。改神龍門。尋復爲應天。東明德門。初名興教。後改明德。東城。屈向北五十步。有門東

啓。曰宣政門。卽西長樂門。初名光政。後改長樂。按六典作興教。光政則明德。長樂之改。在開元後也。昭宗遷東都。復名長樂。爲光政。通隋之永康門。鐵車駕入宮。御正殿受朝。賀御光政。赦天下。西城。屈向北五十步。有門西啓。曰隆慶。避明皇名。改崇慶。

西南隅。維城南門。乾封中開。舊書楊嗣傳。如意元年七月。望日。宮中出孟。爾益分送佛寺。則天御維南門與百寮觀之。卽維城南門。東面一門。重光北門。隋名門內。卽東宮。西面二門。北

嘉豫門。隋曰寶城門。南維城西門。通鑑。秦王世民移軍青城宮。王世充自方諸門出。臨穀水。以拒唐兵。胡身之注。方諸門。蓋自都城出禁苑之門。松按王世充時。據宮城。則方諸門當是宮城西面之門。不知卽維城西門否也。北面

二門。中元武門。隋名南當應天門。通鑑。中宗改元武門爲神武門。樓爲制勝樓。按唐兩京。大內皆有元武門。中宗之所改。則此處之元武門。蓋以誅張易之等兵。從此門入耳。禁扁屬之興慶宮。非也。東安寧門。元武

門北則曜儀城。城二門。東面曰曜儀東門。西面曰曜儀西門。並顯慶中開。按曜儀城亦隋時舊城。通鑑王世充使魯王道洵守曜儀城是也。蓋東西二門。則顯慶中開耳。

儀城北則圓壁城。城三門。南面曰圓壁南門。隋曰曜儀門。顯慶中改。北面曰龍光門。東面曰圓壁門。門外即外郭之外。

宮之正牙曰含元殿。隋曰乾陽殿。通鑑秦王破王世充焚乾陽殿是也。麟德二年。命司農少卿田仁汪因舊址造乾元殿。高一百二十尺。東西三百四十五尺。南北一百七十六尺。武后長壽三年。改造明堂。上圓下方。八窗四闔。高三丈。號萬象

神宮。去都百餘里。外遙望見之。其北造天堂。以貯佛像。證聖元年。明堂天堂同焚。更造明堂。侔前制。其上初置寶鳳。後以金珠代之。號通天宮。其中號端辰殿。不復造天堂於其所。為佛光寺。明皇開元五年。幸東都。改為乾元殿。十年。復為明堂。二十七年。毀明堂之上層。改修

下層。為新殿。二十八年。佛光寺火。延燒廊舍。改新殿為含元殿。殿下有九州鼎。武后所鑄。按殿四門。南曰乾元。隋曰永泰門。武后改乾元門。南直應天門。唐詩紀事。東京乾元門。舊章武軍鼓角樓也。節度使王彥威有詩。刻石在其上。北曰燭龍。東曰春暉。西曰秋景。六典作秋澄。今從河南志。乾元門外有橫街。街

東曰華門。西曰華門。隋曰東華西華。唐初改左右延福。後改日華月華。按舊紀天寶二年六月。應天門觀災。延燒至左右延福門。是天寶時猶名延福。通鑑注云。大明宮朝堂外有側門。洛陽宮亦有側門。疑在乾元門內之左右。乾

元門左右有萬春門。千秋門。萬春左。千秋右。含元殿北曰貞觀殿。隋煬帝造。以下殿閣。皆唐永淳年製名。又北徽猷殿。殿前有石池。東西五十步。南北四十步。池中有

金花草。紫碧葉。丹花綠實。味酸可食。通鑑帝宴朱全忠及百官於崇勳殿。胡注。時以洛陽宮前殿為貞觀殿。內朝為崇勳殿。則貞觀殿北當有崇勳殿。又北陶光園。園在徽猷宏徽之北。東西數里。南面有長廊。即宮殿之北面也。園中有東西渠。

唐兩京城坊考 卷五

四通園北則元武門其天子常朝之所曰宣政殿在含元殿西初名武成後改宣政殿門曰光範門河南志云宣政殿南有武成門又南千福門又南敷政門千福後改

乾化敷政後改光範殿之東門曰東明門按宣政疑當如舍元有四門今惟有東門南門名也宣政之北曰仁壽殿河南志作長壽今從六典又北觀文殿又北同心閣又北麗

日臺又北臨波閣閣北臨池池有二洲東洲有登春閣其下為澄華殿西洲有麗綺閣其下為凝華殿池

北曰安福門北院雕飾最華隋煬帝寢御焉當明德門內為會昌門隋名又北章善門門內門下省宏文館在焉章善之東為

太和門玉海引河南志太作泰門內左藏庫在焉自此而西有文思殿在舊東華門之東北其北莊敬殿殿東有鹿宮院次東即隔城又北飛香殿

又北襲芳院又北上清觀則達安寧門門在觀東莊敬之西為大儀殿其北麗春臺又北流杯殿殿上漆渠九曲從陶光園引水注莊

敬院隋煬帝與宮人為曲水之飲又北宏徽殿則達陶光園當長樂門內為廣運門隋名大唐新語神龍初桓彥範與張柬之等發北

兵景運門舊書元宗紀新造銅儀成置于景運門內景運疑即廣運門又河南志以廣運為隋名按煬帝時斷無以廣為門名者疑隋曰景運唐則改為廣運耳又北明福門本名顯福避中宗名改通鑑王世充使其黨張續董潛守章善顯福二門

門內中書省史館在中書省西內醫局史館南尙食廚史館北命婦院中書省北修書院命婦院北本太平公主內宅在焉明福之西為集賢

門內集賢殿在焉。舊書開元十三年四月丁巳改集仙殿爲集賢殿。麗正殿書院改集賢殿書院。胡文修洛陽宮記云開元之

六年改爲麗正修書院。十二年移置明福門外名麗正殿書院。十三年改集賢殿書院。張說恩制賜食於麗正殿。隆即明福門外置集賢書院。置學士員校讐其閒。按開元五年于東都乾元殿東廊寫四部書因號乾元院。書院宴賦詩。東壁圖書府。西垣翰墨林。俗本作西園。誤。舊書馬懷素傳論亦以西垣東壁言麗正殿。見潛邱劄記。

居殿。在集賢殿北。其東有億歲殿。在仙居殿東。舊書崔義元傳。集仙殿。在宣政殿西北。武后造。前有迎仙門。亦謂之迎仙宮。舊書桓

殿。斬易之昌宗于廊下。迎仙宮。張易之傳作迎仙院。按五王誅二張。進至太后所寢。長生殿。閻氏若璩曰。唐寢殿皆謂之長生殿。通鑑二百七有長生院。胡注院即長生殿。將門使攝左武威衛將軍安東道經略

臨行於同明殿召見。其北則達九洲池。在仁智殿南。歸義門西。其池屈曲。象東海之九洲。居地十頃。水深丈餘。鳥魚翔泳。花卉羅植。池之洲殿曰瑤光。隋造。武后殺僧懷義。亭曰琉

璃。隋造。在瑤光殿南。觀曰一柱。隋造。在琉璃亭南。環池者曰花光院。曰山齋院。在池東。河南志圖云二院並

院。在翔龍院北。曰仙居院。在安福殿西。曰仁智院。在仙居院西。殿西有千步。曰望景臺。在池北。高四十尺。方二十五步。大帝造。西則達于隔城。隔城

者。閭闔在其上。蔭殿在其下。隋城中。南有三堂。北有三堂。舊皆皇太子公主所居。隔城之上有閭闔閣。隔南北皆

有觀象臺。女使仰觀之所。下有蔭殿。東西二百五十尺。南北二百尺。壁前後三丈。隔城之西曰

映日臺。又南百戲堂。又有五明殿。又南儀鸞殿。劉軻陳元奘塔銘。法師謁文武聖皇帝于洛陽宮。二月己亥。對于儀鸞殿。殿有射棚殿。東即雉城四門。門外有給使坊及內教坊御馬坊。又南五殿。在

唐兩京城坊考 卷五

隔城西映日臺南。下有五殿。上合爲一。亦蔭殿也。壁厚五丈。高九十二尺。東西房廊皆五十間。西院有廚。東院有教場。內庫大帝常御此殿。
又南德昌殿。在雒城西門內。殿南曰延慶門。又南曰昭暉門。又河南志圖作延慶殿。昭暉殿。據禁扁改正。

南飲羽殿。又南雒城殿。則達雒城南門。雒城南門之西有麗景門。夾城自此潛通上陽宮。

延祥殿、延壽殿、六合殿、北殿。武后宴于北殿。崇福殿。宏福殿。避孝敬皇帝諱改。含章殿、宜春院、迎祥院、六合院、觀禮門、收成門、光

慶門、瓔珞門。劉宏基從太宗經略東都。戰于瓔珞門外。左右銀臺門、金鑾門、廣達樓。開元二十四年。明皇在東都。千秋節。御廣達樓。宴羣臣。武宗時。雷震廣達樓。舊書。王君奭傳。上宴君奭及妻夏氏于廣達

樓。以上皆見河南志注。紫宸殿。通鑑。則天常御紫宸殿。胡身之注云。六典。洛陽宮。不載紫宸殿。以太后于積善宮。積善宮。通鑑。朱全忠害何太后于積善宮。不知其處。舊書地理志。太

初宮內。別殿臺館三十五所。

東宮。在宮城東南隅。正門曰重光門。東西各有小門。東曰賓善。西曰延義。一曰含清。門見禁扁。宮中有馬坊。通鑑。天后使薛元超等鞠

太子賢于東宮馬坊。搜得皂甲數百領。

皇城。

皇城。傅宮城南。因隋名。曰太微城。亦曰南城。又曰寶城。

通鑑大業十一年。有孔雀自西苑集寶城朝堂。胡身之注。即皇城。王世充命楚王世倬守寶城。按河南志。宣輝門次北舊有

寶城門。蓋即皇城之西門。因城爲名也。

東西五里一十七步。南北三里二百九十八步。

新書地理志。長千八百一十七步。廣千三百七十八步。

周一十三里二百

五十步。新書地理志。周四千九百三十步。

高三丈七尺。玉海引河南志。作二丈七尺。二字誤。

其城曲折。以象南宮垣。

按城形。正方形。而東西微長。其西連上陽宮。則缺西北隅。東接東城。則缺東南隅。有似

曲折也。

南面三門。正南曰端門。北當應天門。

通鑑。隋皇泰主戮于南。當定鼎門。

東曰左掖門。洪建於左掖門外。

西曰右掖門。

兩掖門各去端門一里。通鑑。王世充出右門。即右掖門。

面一門曰寶耀門。

隋曰東太陽門。武德中改東明門。顯慶五年。又改寶耀。按隋東太陽門出則天門。橫街直京七百步。李庚東都賦。異太和而聳觀。側寶耀而疏軒。太和與寶耀對舉。則太和之遺寶耀可知矣。

西面二門。

南曰麗景門。

西入苑。河南志。圖作麗正門。誤。隋亦曰麗景門。通鑑。武后置獄于麗景門。入是獄者。非死不出。王安義感呼曰例竟門。

北曰宣輝門。

隋曰西太陽門。武德中改西明門。顯慶五年。改宣輝。按隋西太陽門出則天

門。橫街直西七百步。宣輝。河南志。作宣耀。圖作宣輝。按文苑英華。有駕幸宣輝門。觀試舉人賦。則作耀者誤。宣輝次北舊有寶城門。門外苑。又有二門。南曰由儀門。北曰咸安門。見河南志。

城中南北四街。舊五街。

東西四街。

應天門外第一橫街之南。第二橫街之北。

東曰東朝堂。

通鑑。王世充令西朝堂納免押。東朝堂納直諫。當即此東西朝堂。

次東門下外省。次東殿中省。

隋曰殿中省。

次東左監門衛。

開元初。分左衛地造內省。

東左衛。隋曰左翊衛。次東左衛率府。開元初分左衛地造。次東尚輦局。與左衛率府隔左掖門街。隋少府監作坊之地。

東朝堂之南、三橫街之北。

從西第一右春坊。分左驍衛地造。次東左驍衛。次東左千牛衛。隋曰左備身府。次東家令寺。分左千牛衛造。初東都百司不備。武后時猶懷寓他所。開元初明皇幸洛陽分地營。

建乃備矣。次東左武衛。次東左威衛。次東左監門率府。河南志作左監門衛。誤今改正。次東左領軍衛。隋曰左御衛府。按此街應補左司禦率府。次東隔左掖門街應補。

左春坊。

東朝堂之南、第四橫街之北。

從西第一曰鴻臚寺。隋司隸臺及光祿寺之地。次東衛尉寺。據河南志圖補。次東大府寺。次東太廟。在左掖門街之東。隋少府監之地。武后造初以置武氏七廟。中宗因而正焉。安

祿山陷雒陽以太廟爲馬廐。棄其神主。收東京後寄主于太微宮。宣宗時以廢宏敬寺爲太廟。由太微宮迎主耐焉。次北中宗廟。隋東宮率府之地。

應天門外第一橫街之南、第二橫街之北。

西曰西朝堂。次西中書外省。隋曰內史省。次西四方館。隋曰講者廳。次西右衛率府。分右衛地造。次西右衛。次西舊有倉院。院西抵城之南北街。後併入太

社。按此則隔右掖門之西。應補大社。又按右衛率府之次。當補右監門衛。

西朝堂之南、第三橫街之北。

從東第一右司禦率府。分右驍衛地造。次西右驍衛。次西右千牛衛。次西右武衛。次西右監門率府。分右武衛地造。次西知

甌使。分右威衛地造。次西右威衛。次西內侍省。本右威衛地。武后移造于此。便以園地充衛。次西右領軍衛。次西內坊。分右領軍地造。

西朝堂之南、第四橫街之北。

從東第一御史臺。次西祕書省。省內有蔡邕石經數十段。後魏末自洛陽徙長安。周武帝時徙置鄴。隋煬帝為太子。撥殘缺者徙至東宮。又移將作內坊。貞觀四年。祕書監魏徵奏于京祕書內省置。武后復徙於此。次

西尚舍局。次西太僕寺。隋長秋監之地。武德初改名內侍省。武后曰司宮臺。尋徙于此街。于此置右肅政御史臺。景雲中臺廢。開元八年。王毛仲為太僕廩。奏自安業坊移寺于此。寺西即右掖門。門內道西舊有良醞署。後為瀉口禮坊。

賓耀門內道北。

詹事府。大帝末營于此。

東城。

東城亦隋時所築。唐因之。以在宮城皇城之東。故曰東城。通鑑。王世充使太子元暉守東城。東面四里一百九十七步。南北

面各一里二百三十步。西屬宮城。其南屈一百九十八步。屬宮城之東北隅。南面屈曲。逐雒水之勢。北即含嘉倉城。高三丈五

尺。正南門曰承福門。東面一門曰宣仁門。直東與外郭之上東門相直。通鑑。元文都等為李密飾賓館于宣仁門。東安祿山之陷東京。封常清退守宣仁門。又敗。乃自苑西壞牆西走。北面一

門曰含嘉門。南當承福門。含嘉門北。即含嘉倉。倉北曰德猷門。門出外郭。城中南北街二。東西街三。舊四街。後併曹司廢街。

承福門內南北街之東。從南第一橫街之北。

從東第一司農寺。舊鴻臚寺之地。乾封中徙。次東光祿寺。舊司農寺之地。乾封中徙。次東太常寺。

承福門內南北街之東。從南第二橫街之北。

東當宣仁門街。北尙書省。長壽中左丞李昭德奏加修繕甚爲壯麗。通鑑王世充殺元文都等自含嘉城移居尙書省。

承福門內南北街之西從南第一橫街之北。

從西第一少府監次西軍器監。本修甲弩坊開元初立爲監。次西大理寺。隋氏此街之北從東第一衛尉寺第二都水監第三大理寺更北又開東西一街街北從東第一宗正寺第二太僕寺第三將

作監乾封之後修繕東都始移併焉。

上陽宮。

上陽宮在禁苑之東。通鑑隋紀注云苑距上陽宮七里。東接皇城之西南隅南臨雒水。舊紀開元二十九年七月雒水汎漲毀天津橋及上陽宮仗舍。西距穀水。東

面卽皇城右掖門之南。北連禁苑。上元中置。上元中司農卿韋機造大帝末年常居此宮聽政初大帝登雒水高岸有臨眺之美詔機於其所營上陽宮宮成移御之尙書左僕射劉仁軌謂侍御史狄仁

傑曰古天子陂池壅樹皆深宮複禁不欲百姓見之恐傷其心而今列岸謬廊巨王城外豈愛君哉。東面二門。南曰提。禁扁作提。象門。即宮之正衙門司農卿韋機測造大典引洛陽志

山渡河賊大軍繼至常清退入上東門戰不利賊鼓譟于四城門入殺掠人北曰星躔門。門外有政事院南面二門。東曰仙雒門。通鑑

開元二十年宴百官于上陽東洲。胡注云：上陽宮南臨雒水，引雒水為中洲于宮之東。西曰通仙門。並在苑內。按舊書元宗紀：開元十三年五月，妖賊劉定高夜犯通雒門，疑通仙原作通雒，涉上仙雒誤耳。北面一門，芬

芳門，西面二門。六典不言西面有門。河南志畫圖有二門而無名。永樂大典引洛陽志：乾元元年，郭子儀於上陽西金華門外仗下獲信寶，按金華當是上陽西門。

宮之正殿曰觀風。殿東向。武后還朝政後居此殿，其內有麗春臺繡掌。前曰觀風門。東直提夾門者，南曰浴日樓。東臨雒水。

北曰七寶閣。觀風殿之北曰化城院。開元十年，御雒城門試文章及第。次曰仙居殿。武后崩于此。化城院之西南曰甘

露殿。殿東雙躍亭。雙禁扁亭西麟趾殿。殿之前東曰神和亭。西曰洞元堂。觀風殿之西曰本枝院。又西麗

春殿。河南志以麗春殿與麗春臺合為一疑誤。今從六典。殿東含蓮亭。西芙蓉亭。又西宜男亭。又西則上陽宮。芬芳門內曰芬芳殿。又有露

春妃嬪仙好冰井等院。六典好作杼。通仙門內曰甘湯院。

西上陽宮在上陽宮之西南。兩宮夾水，駕虹橋以通往來。

玉京門、金闕門、秦初門。六典通仙門次北東上曰玉京門。舍露門。六典上陽宮西曰舍露門。禁扁作舍桃。仙桃門、壽昌門。六典玉京西北出曰仙桃門。又西曰

門內北曰金闕門。南曰秦初門。

露門。禁扁作舍桃。

曰仙桃門。又西曰

壽昌元武門六典玉京北出曰元武門客省院、蔭殿、翰林院六典皆在玉京之西飛龍殿六典在元武門內之東上清觀河南志觀在宮西北內女道士所處不知其處河南

志上陽宮圖核以六典所載玉京以四門名皆不合禁扁以玉京以西諸門皆屬西上陽宮未知所據今闕疑俟

神都苑

唐之東都苑隋之會通苑也。又曰上林苑。武德初改芳華苑。武后曰神都苑。東抵宮城。按在宮城之西故亦曰西苑李希烈圍鄭州東

都留守鄭叔則入保西苑是也。西至孝水北背邙阜南拒非山。按水經注甘水與非山水會穀維二水會於其閒。周一百二十六里。東面十

七里。南面三十九里。一作二十九里西面五十里。北面二十四里。一作二十里隋舊苑方二百二十九里一百三十八步。太宗嫌其廣毀之以賜居人按苑缺東北隅蓋屬于周之王城也

據周書作雒解王城郭方七十二里當每面十八里垣高一丈九尺。東面四門。從北第一曰嘉豫門。門上有觀隋曰翔鳳觀次南曰上陽門。次南曰新

開門。最南曰望春門。南面三門。從東第一曰興善門。隋曰清夏門次西曰興安門。次西曰靈光門。隋曰昭仁門西面五

門。從南第一曰迎秋門。次北曰遊義門。次北曰籠烟門。次北曰靈溪門。次北曰風和門。北面五門。從西第

一日朝陽門。次東曰靈囿門。次東曰元圃門。次東曰禦冬門。最東曰膺福門。

顯慶三年。修建東都。始廢洛陽宮。總監。改青城宮。監為東都苑北面監。明

德宮監為東都苑南面監。洛陽宮農圃監為東都苑東面監。食貨監為東都苑西面監。凡四監。知苑中雜事。按通鑑。王世充自方諸門出。憑故馬坊垣。壅臨穀水以拒唐兵。胡注。方諸蓋自都城出禁苑之門。今未知所在。

苑內最西者合璧宮。

顯慶五年。命田仁汪徐感造八關涼宮。改名合璧宮。當中殿曰連璧殿。又有齊聖殿。北據山阜。甚為宏壯。孝敬皇帝薨。此宮之綺雲殿。

最東者凝碧池。

東西五里。南北三里。六典有凝碧亭。綠

山入東都。宴其羣臣于凝碧池。通鑑。大業元年。築西苑。周二百里。其內為海。周十餘里。為蓬萊方丈瀛洲諸山。高出水百餘尺。臺觀殿閣羅絡山上。蓋唐改海為凝碧池。隋煬帝之積翠池。蓋即凝碧池。水隨地易名耳。

當中央者龍鱗宮。大帝所造。

通鑑。海北有龍鱗渠。紫紆注海內。緣渠作十六院。門皆臨渠。則唐之龍鱗宮。仍以龍鱗渠名之也。十六院。皆當在海之北。

合璧之東南隔水者為明德宮。

隋曰顯仁宮。南逼南山。北臨雒水。宮北有射堂。官馬坊。按唐書魏

徵傳。太宗幸洛。次昭仁宮。貞觀政要及魏鄭公談錄。皆作顯仁宮。是昭仁宮即明德宮矣。

合璧之東為黃女宮。

宮三面臨雒水。水深潭處。號黃女灣。因為名。按太平寰宇記云。後魏移平陰縣。理于皇女壑。側疑黃女。即皇女而訛。其

正南而隔水者芳榭亭也。

在黃女宮南。大帝造。

苑之西北隅為高山宮。

司農卿韋機造。按貞觀十一年。以穀維溢。廢飛山宮之元圃院。賜遺水家。疑高山宮即飛山宮也。

東北隅

為宿羽宮。

韋機造。南臨大池。池流水盤風。厥使于宿羽臺。注云。高宗調露元年所起。舊書突厥傳。作宿羽亭。

按宮中有宿羽臺。通鑑。武后宴突

東南隅為望春宮。又有冷泉宮。

隋造。有泉極冷。因為名。

積翠宮。

隋造。六典作翠微宮。

按隋煬帝集四方散樂于東京。閱之于芳華苑。積翠池。則宮以池得名。通鑑。貞觀十一年。上宴洛陽宮。西苑。泛積翠池。注云。洛陽西苑。穀維二水會于其間。開元二十四年。慮其泛溢。為三陂以禦之。一日積翠。二曰月陂。三曰上陽。

顯慶二年，駕幸洛陽，館元炆法師于積翠宮。青城宮，隋造，在宿羽宮西。通鑑：王世充陳于青城宮，胡三省注：青城宮在洛城西北。金谷亭，大帝造。凌波宮，隋造。六典：穀籩二水會于苑中，中有十一宮。

隋及唐初，苑內又有朝陽宮、栖雲宮、景華宮、成務殿、大順殿、文華殿、春林殿、和春殿、華渚堂、翠阜堂、流芳

堂、清風堂、永樂大典引洛陽志：清風堂下有光風堂。崇蘭堂、麗景堂、鮮雲堂、迴流亭、流風亭、露華亭、飛香亭、芝田亭、長塘亭、永樂大典引洛陽志。

陽志作：草塘亭。芳洲亭、翠阜亭、芳林亭、永樂大典引洛陽志：芳林亭下有流芳亭。飛華亭、留春亭、激秋亭、洛浦亭、皆隋煬帝所造。武德貞觀

之後，多漸移毀。顯慶後，田仁汪、韋機等改拆營造，或取舊名，或因餘所，規制與此異矣。

外郭城。

東京城，隋大業元年築，曰羅郭城。唐長壽二年，李昭德增築，按：隋時外城僅有短垣，昭德始築之。改曰金城。按：會要：天寶二年正月二十八日，築神都羅城。

號曰金城，則金城之名，非始於武后矣。前直伊闕，後倚邙山，東出灤水之東，西出澗水之西，雒水貫都，有河漢之象焉。按：三輔黃圖云：始皇築咸

陽宮，端門四達，以象紫宮，引渭水貫都，以象天漢，則煬帝蓋放秦之爲也。周五十二里，韋述記曰：東面十五里二百一十步，南面十五里七十步，西面十二里一百二十步，北面七里二十步，周回六十九里二百十步。新書地理志曰：東西五千六百十

步南北五千四百七十步。西連苑。北自東城而東二千五百四十步。周二萬五千五十步。其崇丈有八尺六典。南面三門。正南曰定。注作西面連苑。距上陽宮七里。北面距徽安門七里。張鷟判有大匠吳淳掌造。東都羅城。牆高九仞。隍深五丈。

鼎門。南通伊闕。北對端門。隋曰建國。唐武德年。平王世充改。大唐新語。長壽三年。則天徵天下銅五十萬餘斤。鑄東曰長夏門。在鼎門。南三十餘萬錢。二萬七千貫。于定鼎門內鑄。入棧銅柱。高九十尺。徑一丈二尺。題曰大周萬國述德天樞。

鼎門東五里。廣明庚子。汝州召募軍李巡光等一千五百人。自廩。在定鼎門西二里。隋曰。東面三門。北曰上東。門回掠東都南市。焚長夏門而去。蓋南市與長夏門。惟隔四坊也。

西曰厚載門。白虎門。唐初避廟諱改。西對東城之宣仁門。隋曰建陽。唐初改。薛懷義於建春門內敬愛。寺別造殿宇。改名佛授記寺。見舊書外戚傳。

中曰建春門。南曰永通門。河南志作中曰羅門。南曰建春門。而無永通之名。惟于注。隋曰上春。唐初改。

中引韋述記曰。建春南曰永通。蓋永通後廢。作志時已無此門也。今從六典韋述記。續定命錄。樊。北面二門。東曰安喜門。隋曰。陽源有表兄任密縣令。使人招之。遂出永通門。宿許渾。有出永通門。經李氏莊。詩是唐時有此門也。

唐初改。按。西曰徽安門。南部新書。徽安門樓上元多雀。後絕無。清泰中。帝上此樓。自焚。俗謂之火燒門。杜鶚舉傳。喜或作善。非。西曰徽安門。鶚舉在洛城。舉卒而蘇云。見兩人持符來召。相引徽安門出。直北上邙山。蓋此門外即邙山。城內縱。

橫各十街。河南志引韋述記曰。定鼎門街。廣百步。上東建春二橫街。七十五步。長夏厚。凡坊一百十三。市三。隋曰里一百三。市。唐改曰坊。河南。載永通。徽安。安喜。及當左掖門等街。各廣六十二步。餘小街各廣三十一步。

志引韋述記曰。每坊東西南北各廣三百步。開十字街。四出。魏門。通鑑。魏景明二年。司州牧廣陽王嘉。請築洛陽三百二十三坊。各方。三百步。詔發畿內夫五萬人築之。四旬而罷。按唐時坊一百十三。則魏時坊或兼城外數之。或字誤也。又按唐之三市。皆非隋三市之。舊。隋無西市。當皇城端門之南。渡天津橋。至定鼎門。南北大街。曰定鼎街。

亦曰天門街。又曰天津街。或曰天街。河南志。引韋述記曰。自端門至定鼎門。七里一百三。唐無東市。

當皇城端門之南。渡天津橋。至定鼎門。南北大街。曰定鼎街。

亦曰天門街。又曰天津街。或曰天街。河南志。引韋述記曰。自端門至定鼎門。七里一百三。唐無東市。

十七步。隋時種櫻桃石榴榆柳中爲御道。通泉流渠。今雜植槐柳等樹兩行。積載定鼎門詩。郊郭城高門倚天。九重蹤跡尙依然。須知道德無關鎖。一閉乾坤一萬年。

定鼎門街東第一街、從南第一曰明教坊。

龍興觀西南隅。尙書右丞宋璟宅。

太平御覽。璟造宅。悉東西相對。不爲斜曲。以避惡名。顏魯公宋璟碑。薨于東都明教里第。

南門之東。清河縣子國子司業崔

融宅。

太平御覽。融爲則天哀冊。用思精苦。下直馬過其門。不覺文就而卒。

次北宜人坊。

本曰宜民。避唐太宗諱。改或作仁者非。

半坊太常寺藥園。

本隋齊王陳宅。

西南隅荷澤寺。

次北淳化坊。

祁國公贈太尉益州大都督王仁皎宅。

次北安業坊。

隋有薛道衡宅。廣異記。開元末。東京安業坊有書生。夜中魂書鬼遊之出坊。至寺門鋪。俄至定鼎門內。安業坊當即安業之觀。

太僕寺典廩署。霍王元軌宅。李懷遠宅。

次北修文坊。

隋立國子學于此。因曰修文。有麥鐵杖宅。

宏道觀。顯慶二年。肅併一坊之地。爲雍王宅。王升儲。立爲宏道觀。因改坊名曰宏道。按會要。章懷太子于咸亨三年。德封雍王。則顯慶時不得有雍王宅也。河南志原注誤。名畫記。宏道觀東封圖。是吳道元畫。兩京記乃云非名手。誤也。

次北尙善坊。

太史監。

本崇賢館。

宗正寺。內僕局。右驍衛大將軍阿史那忠宅。

阿史那忠碑。殘於洛陽尙善里之私第。

岐王範宅。

本武三思宅。宅有薛稷畫。舊書外戚傳。武崇訓尙安樂。

郡主。時三思用事于朝。欲寵其禮。中宗爲太子。在東宮。三思宅在天津橋南。自重光門內行。親迎禮。闕於其宅。

薛王業宅。

本太平公主宅。

坊北天津橋。

元和郡縣志。天津橋在河南縣北四里。隋煬帝大業元年。初造此橋。以架維水。用大

船維舟。皆以鐵鎖。鈎連之。南北兩路。對起四樓。其樓爲日月表勝之象。然維水溢。浮橋輒壞。貞觀十四年。更令石上累方石爲廊。爾雅。斗牛之閒。爲天漢之津。故名取焉。按唐人由西京至東都。皆由天津橋。高宗選東都百官。見于天津橋南是也。白居易詩。津橋東北斗亭。

西。到此令人詩思迷。

右定鼎門街東第一街六坊。

定鼎門街東第二街。北隔維水。當皇城之左掖門。從南第一曰樂和坊。

國子學。本韓王元嘉宅。同鳳閣鸞臺平章事建昌郡王武攸寧宅。齊景冑宅。工部侍郎李適宅。吏部尚書李景讓

宅。新書李景讓傳。景讓宅。東都樂和里。世稱清德者。號樂和李公云。

次北正平坊。正。或作政。非。

孔子廟。國子監。開元初。祕書監吳道師撰碑立廟前。舊書信學傳。尹知章卒。門人孫季良等立碑于東都國子監之門外。以頌其德。安國女道士觀。本太平公主宅。安慶緒因甄濟于安國觀。見舊書忠義傳。李商隱爲

馬懿公郡夫人王氏黃露齋文。姜某。住河南府河南縣正平坊安國觀內。常州刺史平貞存宅。張說平貞存碑。堯子河南之正平里第。兵部尚書李迥秀宅。舊書本傳。所居宅中生芝草數莖。又有熊爲犬

所乳。中宗以爲孝感。所致使旌其門闕。左散騎常侍襄陽郡王路應宅。韓愈路應碑。堯子東都正平里第。

次北修行坊。

奉國寺。本張易之宅。白居易有東都奉國寺禪德大師照公塔銘。豆盧欽望宅。銀青光祿大夫致仕李義琰宅。舊書本傳。義琰宅無正寢。弟義璉市堂材送焉。義琰竟不營構。及將歸東

都田里公卿已下相餞于通化門外時人以比漢之二疏。劉軻宅。劉軻陳元奘塔銘。歲丁巳開成紀年之明年有具壽沙門曰令檢。自上京抵洛師以經靈盛三藏遺文傳記訪余柴門于行修里行修即修行之訛。太常少卿杜氏宅。

溫庭筠有和太常杜少卿東都修行里嘉蓮詩。

次北崇業坊。

福唐觀。李邕有東京福唐觀鄧天師碣。申王攜宅。守司徒同平章事充東都留守裴度宅。

次北修業坊。

景雲女道士觀。鄜國公主宅。本許敬宗宅。張說鄜國長公主碑。薨于河南縣之修業里。按公主為睿宗第八女降薛敏。後降鄭孝義。代國公主宅。本陸頌宅。鄭萬鈞代國長公主碑。薨于河南修業里第。

按公主為睿宗第

五女降鄭萬鈞

次北旌善坊。北至維水。

崇化寺。特進尚書右僕射上柱國溫彥博宅。虞恭公碑。薨於旌善里第。寧王憲宅。本安樂公主宅。明威將軍梁待賓宅。楊炯梁待賓碑。終于東都旌善

虞恭公碑。薨於旌善里第。

本安樂公主宅。

楊炯梁待賓碑。終于東都旌善

里私第。李翱來南緣。元和四年正月。自旌善第。以妻子上船于漕。乙未。去東都。

右定鼎門街東第二街六坊。

定鼎門街東第三街。

北當雒水之中橋。又當東城之承福門。

從南第一曰尙賢坊。

天官侍郎張錫宅。

父子五人列戟。時號萬石張家。

建安王武攸宜宅。檢校納言兼肅政臺御史大夫狄仁傑宅。大理卿裴談

宅。崔明春宅。河東節度使韋湊宅。左衛將軍范陽郡公張知審宅。

次北敦行坊。

司農寺。司竹園。

本周思茂宅。

吏部尙書裴灌宅。鄴郡太守長垣縣子恆王傅吳兢宅。滄州刺史鄭孝本宅。

以敦仕終于此。

里見孫逖所作墓誌。

里肆。杜牧集。川守大夫劉公早歲寓居敦行里肆。有題壁十韻。

次北崇政坊。

秋官尚書杜景佺宅。刑部尚書王志愔宅。李伯潛宅。

按李伯潛未知何人。常袞有贊善大夫李君墓誌銘云。君諱某。天寶十四載。終于東京崇政里之私第。載此俟考。

太子賓

客贈禮部尚書崔沔宅。

顏魯公崔孝公宅陋室銘記。公既留司東都。遂鸞所乘馬。就故人監察御史張洙子深河南府崇政坊買宅。以製居。建宗廟于西南。維先太夫人安平郡夫人堂在宅之中。儉而不陋。淨而不華。六十餘年。榱棟如

故。堂東嫂盧夫人所居。堂之東北。鄭氏李氏姊歸寧所居。堂之北五步之外。建瓦堂三間以居之。

次北宣範坊。

半坊爲河南府解。

西北去宮城七里。古監洛城。即古之甘城也。隋置都平之。按禹貢豫州之域。秦始立三川郡。三川者。伊洛河也。漢改河南郡。曹魏時以司隸校尉所掌置司州。領河南等五郡。晉穆帝時。桓溫入雒陽。復置河南郡。宋武帝復置

司州。後魏都雒陽。爲河南尹。隋文帝置河南道行臺省。煬帝建新都。改雒州爲豫州。大業三年。罷州。爲河南郡。十四年。復置雒州。王世充又爲司州。武德四年。復爲雒州。開元元年。改雒州爲河南府。

太子賓客元行沖宅。

次北恭安坊。

隋有馮慈明宅。

太子僕寺右散騎常侍舒國公褚无量宅。禮部侍郎賈曾宅。魏奉古宅。王怡宅。

次北勸善坊。

隋有李圓通宅。

東北隅太子太師鄭公魏徵宅。太平御覽魏徵宅山池院有進士鄭光父畫山水爲時所重後王方慶居之開府儀同三司畢國公竇希瓘宅戶部尚

書畢構宅。

次北惠訓坊。北至雒水隋有翻經館

長寧公主宅。

按公主爲中宗第四女降楊愔交後降蘇彥伯新書長寧公主傳東都廢永昌縣主尙其治爲府以池瀕洛築郭之又曰魏王泰故第東西盡一坊瀘治三百畝泰薨以與民至是主尙得之按永昌縣廢在道德坊道德與惠訓相接故兩

坊皆有長寧公主宅而魏王池在旌善尙善之閒東與兩坊相屬長寧因尙得之也。岐王山亭院密堯二州刺史鄭仁愷宅。崔融鄭仁愷碑堯于東都惠訓里第初造名

立德橋唐上元中立草機徙于東街

半已西道術坊。

隋煬帝多忌惡五行占候卜筮醫藥者皆追集東都置此坊遣使檢察不許出入時改諸坊爲里以此偏居里外既技藝所聚謂之道術坊唐貞觀中併坊地以賜魏王泰泰爲池瀕廣數頃號魏王池泰死後立

爲道術坊分給居人神龍中併入惠訓坊蓋爲長寧公主第開元初復舊通鑑大業三年勅河南諸郡送一藝戶陪東都三千餘家置十二坊於洛水南以處之按此則道術坊卽十二坊之一也

右定鼎門街東第三街八坊。

定鼎門街東第四街。北隔雒水當外郭之徽安門。即長夏門之西街。從南第一曰歸德坊。

黃門侍郎扶陽縣子韋承慶宅。尚書左丞相徐國公劉幽求宅。左散騎常侍劉子元宅。中書令韋嗣立宅。

張說遺逸公墓。唐語林。盧言宅。在東都歸德坊南街。廳屋是杏木梁。西壁有韋冕耶中散誌。斃于歸德里。馬七匹。東壁有張旭草真蹟數行。宅之東果園。兩京新記云。是馬周舊宅。旅舍。補錄紀傳。李固書初未第時寓歸德里。長夏

亭。門內。制度甚雄敞。倉南有土家俗傳是蔡邕墓。水南倉。水南草場。

次北康俗坊。俗或作裕非。

左丞相燕國公張說宅。張說先府君張驍碑。夫人長樂縣太君馮氏。傾背于東都康俗里第。按驍即燕公父。馮氏即燕公母。張九齡張燕公墓誌。斃于東都康俗里第。又張說李氏張夫人墓誌。臨淄李伯魚妻范陽張氏女伯魚卒。夫人

寡居無子。以歸宗焉。傾逝于康俗里。按張夫人即燕公之姊。太子詹事陸餘慶宅。尚書右丞工部尚書東都留守劉知柔宅。前亳州刺史盧

瑗宅。通幽記。貞元九年。前睦州刺史盧瑗。家于東都康俗坊。瑗父正病卒。後兩日正晝。忽有大鳥。色蒼。飛于庭。巡翔空閒。飛入西南隅。井中久而飛出人。往視之。井水已竭。中獲二卵。大如斗。將出破之。血流數斗。至明。忽聞堂西奧。有一女人哭出。就東閒。卻往西閒。

拽其尸如糜。散之出門而滅。成都功曹蕭公宅。穆員蕭公墓誌。終于康俗里第。

次北敦化坊

本名基化坊。景雲初。避明皇名。改。隋有永昌公主宅。

麟跡女道士觀

劇談錄。東都敦化坊。有麟迹。見于興慶觀。殿宇悉皆頹毀。咸通中。畢誠相國。別令營造。建基址。開得巨寶。皆貯白銀。

雒州刺史賈敦頤宅

後爲郡王府。

突厥阿史那斛

瑟羅宅。尙書左丞相兼侍中源乾曜宅。戶部尙書陸象先宅。嗣許王瓘宅。桂州觀察使李勃宅。

酉陽雜俎。東都敦化坊百

姓家。大和中。有木蘭一樹。色深紅。後桂州觀察使李勃看宅人。以五千買之。宅在水北。經年花紫色。

河南府法曹參軍盧貽宅

韓愈盧府君夫人苗氏墓誌。卒於東都敦化里。按貽與苗氏。卽昌黎之妻父母。

鄆縣尉

劉刺夫宅

三水小牘。彭城劉刺夫。大中年。授鄆縣尉。尉卒。妻王氏歸其家。居雒陽敦化里第。

汝州魯山縣令皇甫枚宅

按枚撰三水小牘云。余在雒敦化里第。渤海徐公譔爲余言。王知古事。是枚宅在此坊矣。

次北道化坊

道化。一作遵化。隋有王邵宅。趙才宅。

定安公主宅

公主爲中宗第三女。降王同皎。後降韋灌。三降崔統。

益州大都督府長史贈禮部尙書皇甫無逸宅

本隋蕭瑀所居。後爲唐臨宅。

右領軍府

大將軍房仁裕宅

本隋郡學。

中書令崔湜宅

張說祭陽夫人鄭氏墓誌。終于雒陽之遵化里。按鄭氏卽湜之母。

次北溫柔坊

李晦宅。太平公主婿豆盧光祿居焉。後爲秦國公主宅。按瓊山縣主宅。閣門使薛貽簡園。號薛氏奉親園。園內流會要。無秦國公主。睿宗第七女曰蔡國。或形近而訛。杯石傳自平泉徒致。

次北擇善坊。

率更寺。太尉英國公李勣宅。左衛大將軍同中書門下三品韓國公張仁愿宅。本隋來護兒宅。宣城公主宅。宣城公主爲憲

宗第五女。按維陽第宅。多是武后中宗時居東都所立。中葉以後。不得有公主宅。攷中宗第二女曰宣城公主。降裴巽。宜蓋宜之誤也。同鳳閣鸞臺平章事。譙縣子婁師德宅。

次北道德坊。本曰道訓坊。北至維水。隋有秦王浩宅。

東南隅永昌縣解。永昌中。析河南維陽二縣立永昌縣。治此坊。神龍元年書。按紀聞云。唐衛州司馬杜某爲維陽尉。時有賊在維陽城南午橋人家殺人。將財至城舍于道德里欲出外不能去。乃出道德坊南行。忽空中有火遮其前。不得南出。因北走入縣門。蓋是未省縣時也。武成王廟。景龍女道士觀。南北居半坊之地。金仙公主處焉。按公主爲睿宗第九女。長寧公主宅。內史史務滋宅。

右定鼎門街東第四街、長夏門之西街七坊。

長夏門之東第一街。定鼎門街東之第五街也。南出長夏門。從南第一曰仁和坊。坊本名民和。遵唐太宗諱。改當作人和。而太平御覽。白居易集及河南志所引章述記。皆作仁和。

河南志引章述記云此坊北側數坊去朝市遠居止稀少惟園林滋茂耳

兵部侍郎許欽明宅

欽明戶部尚書園師猶子與中書令郝處俊鄉黨親族兩家子弟類多醜陋而盛飾車馬以遊里巷京雜爲之語曰衣裳好儀觀惡不姓許卽姓郝

禮部尚書裴寬宅

子孫取榮盛柳北

戒子孫文云東都仁和里裴尚書寬天后時宰相魏元同選尚書之先爲婿未成昏而魏陷羅織獄家徙嶺表及北還女已踰笄其家議無以爲衣食資願下髮爲尼有一尼自外至曰女福厚豐必有令匹子孫將徧天下宜北歸家人遂不敢議及荆門則裴齋聚以迎矣

兵部侍郎裴隣宅

按白居易裴常侍薔薇架詩注裴君所居名仁和里蓋亦裴氏之族也諸城劉氏云大和題名有裴隣則隣當作隣

益州長史南陽公杜行敏宅

杜牧六代祖賜宅在仁和

里按宰相世系表行敏爲牧之六代祖

次北正俗坊

按宣室志長慶初維陽利俗坊有民行車數兩將出長夏門有一人負布囊求寄篋于車中因返入利俗坊疑利俗卽此正俗也

元元觀李從遠宅太子太傅分司東都李固言宅盧氏宅

竇從直盧公夫人崔氏墓誌元和甲午終于東都正俗里之私第

次北永豐坊

尚書右僕射楊再思宅戶部尚書崔泰之宅吳師道宅邠王府長史陰公宅

張均陰府君碑寢疾東都終于永豐第按陰君夫人卽燕公之妹太

子賓客杜氏宅。唐詩紀事。蔣防有杜賓客永豐廬新居詩。西南隅柳樹。盧貞和白尚書賦永豐柳詩序。永豐坊西南角有垂柳一株柔條極茂。

次北修善坊。隋有蔡王智積宅。河南志引章述記云坊內多車坊酒肆。

波斯胡寺。太子賓客盧正己宅。常袞盧正己墓誌。薨于東都循善里之私第。按循修雙聲古多通用。

次北思順坊。隋有諸葛穎宅。洛陽縣龍門三龜有貞觀二十一年思順坊老幼等造彌勒像。即此坊也。

戶部尚書長平公楊纂宅。中書令張嘉貞宅。嘉貞子延賞。延賞子宏靖。皆為相。其居第亭館之麗。甲于雒城。子孫五代無所加工。時號三相張家。

次北福善坊。此坊有坡。坡勢隆起。名福善坡。河南志云。章述記不著此坡。疑張全義保南州時所築壘垣。其後未嘗平蕩。因以得名。畫境錄云。唐家二百八十餘年。河決二穀。雒城歲為患。壞天津。漫城闕。墊城郭。不已。宋時自祥

符至熙寧。福善坡以北。率被昏墊。城下惟福善坡不及。城外惟長夏門不及。雒中有語云。長夏門外有莊。福善坡頭有宅。乃知水讖不苟云。

次北惠和坊。隋大業四年。坊內道東南醴泉涌出。水面闊五尺。暖而甘。泉上常有氣如霧。疾病者取飲之。多效。時人謂曰神泉。至九年枯竭。

安修仁宅。官舍。王紹宗兄元宗口授銘序。垂拱之歲。吾六兄見疾。大漸。委化于伊雒之間。僑居惠和里之官舍。

次北安衆坊。北至
雒水。

工部尙書尹思貞宅。尙書右僕射燕國公于志寧宅。

令狐德棻于志寧碑。薨于東都安衆里之第。

竇庭芝宅。

唐語林。李鄴侯居憂于河清縣。騎驢入雒。至中橋南。遇大尹。避

道。驢驚逸而走。徑入分司竇庭芝員外宅。鄴侯與僕者共造其門。庭芝出。降階而拜。延接信宿。贈送甚厚。但云貴達之日。願以一家爲託。及朱泚之亂。庭芝降賊。德宗首命誅之。鄴侯累白以舊事。乃原其罪。按言中橋之南。卽安衆坊也。坊北中橋。此新也。舊書李昭德傳。初。都城雒水天津之東。立德坊西南隅。有中橋及利涉橋。上元中。司農卿韋機始移中橋。置于安衆坊之左街。當長夏門。都人甚以爲便。因廢利涉橋。所省萬計。然歲爲雒水衝注。常勞治葺。昭德創意。積石爲腳。銳其前。以分水勢。自是竟無漂損。

右長夏門之東第一街八坊。

長夏門之東第二街。從南第一曰興教坊。

祕書少監趙雲卿宅。

河南志引蕭穎士集。與敬里有趙雲卿宅。按敬卽教之訛。

李師道留後院。

通鑑。李師道置留後院于東都。本道人雜沓往來。吏不敢詰。攷異引河南記曰。賊帥瞿嘉珍于東都留後院。潛召募

二百餘人。遣置兵仗。會門子健兒。有小過。被笞。遂使兄弟一人告河南府。當時飭兩縣驅丁壯。悉持弓矢刀棒。圍興道坊院數重。因縱火焚其院。按興道卽興教。通鑑言。賊出長夏門。望山而遁。興教正在長夏門內也。或原作興道。河南志因下宣教而訛。留後院。舊書呂元膺傳。作邸院。

次北宣教坊。本名宏教。神龍初。避孝敬皇帝諱改。

懷音府。見地理志。

全真觀。齊州司馬陸孝斌宅。張說陸孝斌碑。夫人盧氏。終于雒陽之宣教里。

安鄉郡長史黃攜宅。

劉庭玲撰故安鄉郡長史黃府君夫人彭城劉氏龔銘云。夫人

歸江夏黃攜。寢疾。終於東京宣教里之私第。

太子少師皇甫鏞宅。

白居易嘗鏞墓誌。葬于東都宣教里。第少師墓誌作少保。

淮南節度使趙國公李紳宅。

李紳廉察東畿。初到雒陽寓居

宣教里。

次北陶化坊。

隋有修行寺史祥宅。元稱贈呂二校書詩注。與呂校書同年科第。後爲別七年。元和己丑歲八月。偶于陶化坊會宿。

侍中譙郡公桓彥範宅。禮部尚書蘇頌宅。太僕卿華容縣男王希儁宅。

張九齡王府君墓誌。薨于雒陽之陶化里第。楚材按希儁之名見蘇頌授王希儁太僕

卿制。希儁又有宅。在四京朱雀門街東第三街親仁坊。

河南府參軍張軫宅。

呂懷說張軫墓誌。開元廿年六月五日。因關遷疾。終于洛陽陶化里之私第。按軫。柬之之孫。柬之作其父元弼墓誌亦言終于洛陽是洛陽世有張氏宅矣。

穆案。星伯先生。卒於道光二十八年三月初一日。此條則將屬續之前四五日手書示穆。令補入書中。時穆新遭妻喪。兒孝蘭疾亦垂殆。倉皇摧割之際。實持手蹟。幸未遺失。附注於此。以志痛也。

工部尚書東都留守盧從愿

宅。王光輔宅。

光輔名暉。以字行。石泉公方慶長子。官至潯州刺史。楚材按石泉公居魏鄭公宅。在定鼎門第三街勸善坊。

太子賓客高重宅。空宅。

宣室志。東都陶化里有空宅。大和中。張秀才借得肆業。夜深敵枕。乃

見道士與僧徒各十五人從堂中出排作六行別有二物展轉于地秀才以枕擲之皆不見明日于壁角中得一敗囊中有長行子三十箇並骰子一雙

次北嘉善坊

隋有元文都宅韋津宅

荷澤寺經坊鄭果宅嗣虢王邕宅祕書監蘇踐言宅

五行記蘇踐言左相溫國公長子居于嘉善里永昌年六月與其弟崇光府錄事參軍踐義退朝還第安道觀東猝遇暴雨震電光來繞

踐言等馬回旋

甚急有頃方散

次北南市

隋曰豐都市東西南北居二坊之地其內一百二十行三千餘肆四壁有四百餘店貨賄山積貞觀九年促半坊通鑑李密以孟讓爲總管讓夜帥步騎三千入東都外郭燒掠豐都市又曰越王侗運回洛倉米入城遣兵五

千屯豐都市五千屯上春門五千屯北邙山按

豐都市隋之東市唐以其在雒水南故曰南市

長壽寺

朝野僉載東都豐都市在長壽寺之東北初築市垣掘得古冢土藏無孳鬻棺木陳朽觸之便散屍上著平上幘朱衣得銘云策道居朝龜言近市五百年聞于斯見矣當時達者參驗是魏黃初二年所葬也

書肆

呂溫上官昭容書樓歌君

不見洛陽南市賣書肆有人買得研神記紙上香多薰不成昭容題處猶分明詩

注云貞元十四年友人崔仁亮於東都買得研神記一卷有昭容列名書縫處

次北通利坊

太尉英國公李勣宅

按擇善坊亦
有李勣宅

尙舍直長薛氏宅

薛府君夫人裴氏墓誌。夫人裴氏。
河東聞喜人。考終于通利之里第。

玉沙灘

在坊之北。亦
曰玉沙磧。

次北慈惠坊

河南志引韋述記曰。此坊半已北。即雒水之橫堤。異聞錄。京兆章安道。大足年中。於雒陽早出。至慈惠里西門。由里門循牆而南行百餘步。有朱衣官乘安道。以大馬與之。聯轡出慈惠西門。由正

街西南。自通利街

東行。出建春門。

紫微令姚崇宅

胡皓姚文獻公碑。公後娶劉氏。累封彭城郡夫人。今紫微令崇。故宗正少卿景之
母。終于洛陽慈惠坊之私第。又見張說姚文貞公碑。崔河光祿少卿姚府君碑。

銀沙灘

亦曰銀
沙磧。

右長夏門之東第二街六坊及南市

長夏門之東第三街

北隔雒水。當北
郭之安喜門。

從南第一曰嘉慶坊

演繁露引韋述兩京記。東都嘉慶坊內有
李樹。其實甘鮮。爲京城之美。故稱嘉慶李。

次北集賢坊

刑部尙書魏國公楊元琰宅。泉獻誠宅。中書舍人孫逖宅

孫逖宋州司馬先府君墓誌。
葉背于東都集賢里之私第。

中書令裴度宅

舊書本傳。
東都立第。

于集賢里。築山穿池。竹木叢萃。有風亭水
榭。梯橋架閣。島嶼迴環。極都城之勝槩。

太師致仕盧鈞宅

次北尊賢坊。

楊元琰宅。泉獻誠宅。

按二宅已見前坊。或跨有兩坊之地也。

崔元童宅。東都留守鄭叔明宅。

宋開府善羯鼓。叔明祖母。卽開府之女。尊賢第中有小樓。宋夫人習羯鼓之所。按穆員有雉

陽縣主簿鄭約墓誌。言卒於東都尊賢里第。疑是叔明之族。附此俟考。

成德軍節度使兼侍中田宏正宅。

西陽雜俎云。宅中門外有紫牡丹。成樹發花千餘朵。

次北章善坊。

太子少傅。幽國公竇希城宅。

昭成太后之弟。賜第。

洛州錄事參軍殷子恩宅。

顏魯公康希銑碑云。夫人陳郡殷氏。太子中舍人聞禮之曾孫。右清道率令德之孫。洛州錄事參軍子恩之第。

五女。公薨之年。寢于東都章善坊私第。按康公爲會稽人。是年卒於會稽。夫人蓋依母家也。

次北永泰坊。

貞觀九年。析南市置。

鴻臚少卿張敬詵宅。

薛長孺張敬詵墓誌。卒於洛陽永泰里之私第。按雲龍將軍河南府押衙張府君夫人上黨樊氏墓誌云。公諱詵。終于洛陽永泰里之私第。疑是敬詵之族。俟考。

率府郎上柱國某氏

宅。

徐珙某夫人墓誌。君壽郎夫人。疾終于雒陽永泰里之私第。

次北臨闕坊。

次北延福坊。

福先寺。

有水磴四輪齊轉名畫記福先寺吳道元畫地獄變有病龍寂妙。舊書德王裕傳昭宗至雒下一曰幸福先寺。

次北富教坊。

次北詢善坊。

北至雒水。

郭廣敬宅。

後為姚崇山池院崇薨為金仙公主所市。

右長夏門之東第三街九坊。

長夏門之東第四街從南第一曰崇讓坊。

禮部尚書蘇頌竹園。

河南志引韋述記曰此坊出大竹及桃。踏坊即細小。

兵部尚書顧少連宅。

杜黃裳顧少連碑。薨于雒陽崇讓里之私第。

河陽節度使王茂元宅。

李商隱卽茂元增。太僕卿分司東都韋瓘宅。瓘自州觀察使除分司。大中二年十二月七日。過洛溪。題云。分司僊閒。誠爲忝幸。宜有崇讓里詩數篇。

有竹千竿。有池一畝。罷郡之日。攜猿一隻。越鳥一雙。疊石數片。將歸洛中。方與猿鳥爲伍。得喪之際。豈足介懷。舒州刺史鄭甫宅。穆員鄭甫墓誌。卒于東都崇讓里第。李氏宅。宣室志。東都崇讓里。有李氏宅。里傳云。其宅非吉。固不可

居。李生旣卒。其家盡徙居陸渾別墅。開元中。有王長史者。質李氏宅以居焉。

次北履道坊。

隋有樂平長公主宅。卽文帝長女周宣帝后也。又有宇文愷宅。

長壽寺果園源匡贊宅。高力牧宅。西門內刑部尚書白居易宅。

舊書本傳。居易罷杭州。歸雒陽。于履道里得故散騎常侍楊憑宅。竹木池館。有林泉之致。爲池上簃。曰都城風

土水木之勝。在東南偏。東南之勝。在履道里。里之勝。在西北隅。西開北垣。第一第卽白氏叟樂天退老之地。地方十七畝。屋室三之一。水五之一。竹九之一。而樹橋道間之。按居易宅在履道西門。宅西牆下臨伊水渠。渠又周其宅之北。宅去集賢裝度宅最近。故居易和

劉汝州詩注云。履道集賢兩宅。相去一百三十步。新書本傳。後履道第。卒爲佛寺。東都江州人爲立祠焉。穆按元史塔里亦傳也。里里白奉旨南征。至洛陽。得唐白樂天故址。遂家焉。是其時猶有遺跡。

宅南吏部尚書崔羣宅。按

居易與劉夢得。偶到敦詩宅。感而題壁。詩云。履道澹涼新第宅。蓋其宅在白宅之南。故居易聞樂感鄰詩。注云。東鄰王大。理去冬云。亡南鄰崔尚書。今秋薨逝。又祭崔尚書文云。雒城東隅。履道西偏。修葺迴舍。流水潏潏。與公居第。門巷相連。

旅舍。杜牧上劉大夫

詩注。某六代祖國。初賜宅。在仁和里。尋已屬官舍。今于履道坊賃宅居止。

次北履信坊。本恭儉坊。避武太后曾祖改名。

邠王守禮宅。本霍王元祥宅。館陶公主宅。公主為高祖第十七女。降崔宣慶。太子少保韋夏卿宅。宅有大隱洞。元稹有陪韋尚書丈歸履信宅詩。呂溫韋夏卿碑。薨于東都履信里之私第。武

昌軍節度使元稹宅。白居易詩注。徵之履信新居多水竹。太子賓客李仍淑宅。宅有櫻桃池。仍淑嘗與白居易劉禹錫會其上。白集有履信池櫻桃島上醉後走筆詩。陝虢觀察使

盧嶽宅。穆員盧嶽墓誌。貞元四年。范陽盧公壽六。十中疾于位。優詔得謝家東都履信里。左千牛韋珮宅。元稹韋珮母段氏墓誌。終于履信里第。將軍柳當宅。盧氏雜說。柳當將軍者。在履信東街有樓。壑水

木之盛。韋氏宅。定命錄。崔元綜事。侍郎韋陟堂妹宅。在東京履信坊十。字街西道北。崔元綜就昏其家。按元綜一作元諒。

次北會節坊。

祆祠。左散騎常侍徐堅宅。河南志云。韋述記不載。趙懷正宅。西陽雜俎。百姓趙懷正住維會節坊。段成式家人。履其妻賀氏紉針。按雜俎作惠節。今正。

次北綏福坊。

道沖女道士觀。河南兵曹元盛宅。穆員元盛墓誌。卒于東都綏福里第。

次北從善坊。坊有梁袁象先宅。

來庭縣廨。長壽中以蕃胡慕義請立天樞。武太后析雒陽永昌二縣置來庭縣。廨于此坊。以領四方蕃客。後蕃客隸鴻臚寺神龍元年省。禮閣新儀曰。開元七年。建廟于東都從善里。天寶之後。祠饗遂絕。按舊唐元宗紀。

于東都來庭縣置義宗廟。蓋其時縣已省。故即廢廨以立廟。左散騎常侍劉子元宅。劉子元宅在歸德坊。而權德輿集奏孝子劉敦儒狀云。孝子劉敦儒。年四十九。曾祖子元。祖况。父浹。住東都從善坊。其時旌表門閭。即在從善坊。惟

中謂之劉孝子。蓋其徙居也。孝子郭思謨宅。孫翌郭思謨墓誌。無幾何。憶新筭後園叢篁。忽苞而出。所居從善里。其竹樹存焉。劉太白宅。元稹送劉太白詩。雒陽大底居人少。從善坊西。寂寥想得劉君獨騎馬。古隄秋樹隔中

橋。注云。太白居從善坊。

次北睦仁坊。仁字避太宗諱。改當作人。而韋述記與世所傳皆作仁。坊內出柿實。俗稱睦仁之柿。嘉慶之季。坊有梁袁象先園。園有松疊。

次北嘉猷坊。北至雒水。

右長夏門之東第四街八坊。

長夏門之東第五街。從南第一曰里仁坊。

次北永通坊

本曰依仁。河南志引韋述記云。此坊東出外城之永通門。其後門塞。又改坊名。按河南志。于外郭城條下言通門廢于宋初。則言韋述記誤。

魏州刺史崔元亮宅

白氏長慶集有闕崔十八宿予新昌敞宅時。予亦宿崔家依仁新亭。詩其詩有曰。依仁萬壑竹。又有崔十八新池詩。蓋宅有水竹之勝。

次北利仁坊

慕容詢宅和州刺史張擇宅

白居易張擇碑。終于東都利仁里私第。居易利仁北街詩云。草色斑斑春雨晴。利仁坊北面西行。脚躡立馬緣何事。認得張家歌吹聲。按所謂張家者。疑卽擇之後人。擇終于天寶十三載。不與白傳

時同

次北歸仁坊

泰山廟

乾寧元年建

太子太傅留守東都牛僧孺宅

舊唐本傳。維都築第于歸仁里。任淮南時。寫木怪石。置之階庭。館宇清華。竹木幽邃。常與詩人白居易吟詠其間。按白集有牛相公歸仁里新成小灘

詩。

次北懷仁坊

南街東出外城之建春門

右散騎常侍太子賓客徐彥伯宅。張嘉福宅。鄭夫人宅。
孫遜鄭孝本墓誌。孝本終于東都敦行里。夫人王氏終于東都懷仁里。

次北仁風坊。風。或作豐。非。

尚書右僕射兼中書令齊國公魏元忠宅。濟王府錄事參軍裴榮期宅。

杜甫故萬年縣君京兆杜氏墓碑。終堂于東京仁風里。即河東裴榮期之夫人也。

坊南運渠。

次北靜仁坊。

官藥園。

次北延慶坊。北至雒水。

右長夏門之東第五街八坊。

定鼎門街西。從南第一曰寧人坊。本日寧民。避太宗諱。改其後多曰寧仁。

龍興寺。

名畫記寺有展子虔畫八國三分舍利。穆員有東都龍興寺均上人功德記。

并州大都督府長史贈吏部尚書荊州大都督崔日用宅。工部尚

書東都留守韋虛心宅。

孫遜韋虛心碑。薨于東都寧仁里私第。

次北寬政坊。

隋有于仲文宅。坊有興禪師碑。唐中書侍郎嚴挺之撰胡霽然書。

河南縣廨。

河南縣本漢舊縣。後魏靜帝改爲宜遷縣。周宣帝復爲河南。隋仁壽四年遷都移縣治于此坊。

駙馬都尉裴巽宅。

本舒王元名宅。

駙馬都尉鄭萬鈞別宅。太常卿潞

州大都督府長史崔日知宅。榆柳園。

俗傳隋煬帝置垣牆內外多植榆柳。亦曰西御園與師子園隔街相對。

次北淳風坊。

隋有圓行寺。

同東西臺三品贈汴州刺史楊宏武宅。駙馬都尉王守一宅。

本武關宗宅。

次北宣風坊。

隋有衛文昇宅。

安國寺。

寺舊在水南宣風坊。本隋楊文思宅。後賜樊子。蓋唐爲宗楚客宅。楚客流嶺南。爲節愍太子宅。太子升儲。神龍三年。建爲崇因尼寺。復改衛國寺。景雲元年。改安國寺。會昌中廢。後復葺之。改爲僧居。諸院牡丹特盛。

檢校文昌左

丞東都留守李嶠宅。北街之西中書令蘇味道宅。有三十六柱亭。子時稱巧絕。

次北觀德坊。

隋于此坊置百官射棚。取射以觀德之義。因以名坊。又有國子監。唐初唯內臣所居。長壽中敕不許他人居住。

景福寺。

本千金公主宅。垂拱中。自教業坊徙景福尼寺于此。會昌中廢。

次北積善坊。

北至雒水。隋有周法尚宅。文昌雜錄曰。後唐同光三年。雒京蕃漢馬步使朱守殷。于積善坊役所得古文錢四百五十六文。得一元寶。四百四十文。順天元寶。

太微宮。

天寶元年正月。置元元皇帝廟于此坊。九月。改廟爲太上元元皇帝宮。二年。改太微宮。杜光庭歷代崇道紀云。衢州爲建觀宇。穿地得魚一頭。長三尺。其狀似鐵。微微帶紫碧之色。又如青石。光瑩雕鏤。殆非人功所成也。扣之。其響。遣使來獻。帝呼爲瑞魚。

擊命懸于

明皇舊宅。

本高士廉宅。聖曆初。元宗兄弟出閣。五人分院同居此坊。號五王子宅。明皇入分書院額。

右金吾衛韋機宅。

後爲邸神勳宅。神勳誅。以賜張易之。易之誅。爲將作監。

河內縣尉

陳該宅。

陳子昂陳該石人銘。遇疾。于神都積善坊。考終厥命。

司禮卿贈幽州都督崔神慶宅。李及宅。

廣異記。李及性好飲酒。所居在京積善坊。

坊北月陂。

河南圖經曰。雒水自苑內

上陽宮南瀾漫東注。隋宇文愷版築之時。因築斜隄。束令東北流。當水衝。捺撮作九折。形如偃月。謂之月陂。其西有上陽積翠月坡三堤。明皇開元末。作三堤。命李適之撰記。永王璘書。其記云。及泉而下。巨木飛輪。而出伏水。然後積石增卑。而培薄。方下而銳。上餘皆殘闕。不可辨。記之背。列明皇諸子及當時公卿名位。世傳安祿山陷。雒陽觀之云。此多有賢士之名。蕃音訛爲驅鼓。遂號驅鼓碑。

可辨。記之背。列明皇諸子及當時公卿名位。世傳安祿山陷。雒陽觀之云。此多有賢士之名。蕃音訛爲驅鼓。遂號驅鼓碑。

右定鼎門街西第一街六坊。

定鼎門街之西第二街。北隔雒水。當皇城之右掖門。從南第一曰從政坊。

揚州大都督府長史贈戶部尚書李傑宅。

次北大同坊。

本曰植業坊。隋大業六年徙大同市于此。凡周四里。市開四門。邸一百四十一區。資貨六十六行。因亂廢。唐顯慶中因舊市以名坊。

洛汭府。見地理志。

次北承義坊。

承或作永非。

申王撝宅。

後爲王毛仲宅。

刑部尚書韋抗宅。

蘇頌韋抗碑。墓子維之承義里第。

次北明義坊。

本曰顯義。避中宗諱。改隋有蜀王秀宅。

左右教坊。

崔令欽教坊記云。東京兩教坊。俱在明義坊。而右在南左在北也。坊南四門外。卽苑之東也。其間有頃餘水泊。俗謂之月陂。形似偃月。故以名之。

尚書左僕射郇國公韋安石宅。

次北教義坊。

武后母榮國夫人宅。

後立太原寺。武后登上陽宮遙見之。輒悽感。乃徙于積德坊。此坊與禁苑連接。

次北洛濱坊。

北至雒水。垂拱中築入苑。

右定鼎門街西第二街六坊。

定鼎門街之西第三街、即厚載門第一街、從南第一曰西市。

河南志引韋述記曰：厚載門第一街、街西本同本坊。又改西市。隋有姚辨宅、甲弩坊、天經宮。

乃文帝寢廟。

朝野僉載：則天燼閣知微于西市。按唐以

隋之東市爲南市。故不置東市。而於隋南市之西置西市。

望仙橋。

南對厚載門。北對右掖門。

次北廣利坊。

河南志引韋述記曰：廣利坊其北抵苑。即隋宮義坊。隋有陳叔寶宅。

右定鼎門街西第三街一坊及西市。

定鼎門街之西第四街、卽厚載門第二街、從南第一曰通濟坊。

河南志引韋述記、通濟坊卽隋懷義坊。

次北淳和坊。

其西南里。

河南志引韋述記、南里北里在淳和之西。

次北北里。

吳少微宅。

吳少微哭富嘉謨詩序、河南富嘉謨卒、予時寢疾于雒陽北里。

右定鼎門街西第四街三坊。

雒水之北、東城之南、承福門之東、從西第一曰承福坊。

坊南新中橋、南當長夏門。

次東玉雞坊。

按水經注、含始受玉雞之瑞于雒水、故坊以爲名、李庚東都賦、左掖通東、右掖洞西、籠故地之銅駝、抱舊里之玉雞。

次東銅駝坊。

通鑑、晉懷帝步出西掖門、至銅駝街、水經注、雒陽城中太尉司徒兩坊、間謂之銅駝街、按此坊蓋取銅駝爲名、而非卽魏晉之銅駝街也。

次東上林坊。

次東溫雒坊。

右雒北漕南二水之間五坊。

雒水之北、東城之東、第一南北街、北當徽安門西街、承福坊之北、從南第一曰立德坊。

在宣仁門外街南。

胡祆祠。

四庫提要西學下云。引宋敏求東京記。載寧遠坊有祆神廟。注曰。四夷朝貢圖云。康國有神名祆。畢國有祆。祆祠。或曰。石勒時立。此按東京無寧遠坊。而會要與此皆有祆祠。未識所引東京記。見于何書。俟考。

王本立宅。

後爲都水監吏。

部選院。

監察御史裴氏宅。

穆員裴府君墓誌。終于立德里之第。

水陸轉運判官孟郊宅。

孟郊有立德新居詩。

寫口渠。

通鑑陳懷文引槩刺世充。世充衷甲不能入。懷文走趨唐軍。至寫口。追獲

之。殺

次北清化坊。

隋有鄒王楊慶宅。許道進宅。清化里紀洪政宅爲賓館以處儉。

河南志引河洛記曰。越王侗即位。李密遣李儉送降款以通鑑。羅士信帥勇士夜入雒陽外郭。縱火焚清化里。

左金吾衛。

按朝野僉載。天后永昌中。有宿衛十餘人于清化坊飲。當卽金吾衛士也。

宏道觀。

有老君像。明皇肅宗二像侍立。

恆州刺史建昌公王義童宅。

楊炯王義童碑。廢于雒陽之清化里。

宅。博異志。天寶中金陵陳仲躬攜數千金于雒陽清化里。假居一宅。其井甚大。常溺人。仲躬命匠旅舍。定命錄。袁天綱初至雒陽。在清
湖之得一古銅鏡。次日移居立德坊。後三日。清化宅井無故自崩。兼延及堂隅。東廂一時陷地。化坊安置。朝野歸。湊人物常滿。
都亭驛。

次北道光坊。隋有元
善寺。

昭成寺。名畫記。寺有張遵禮。羅遜畫。西廊障日。西域記圖。楊廷光所畫。朝韓氏宅。逸史。太學博士鄭還古。向東洛。再娶李
野僉。載。雒州昭成佛寺。有安樂公主造百寶香鑪。高三尺。用錢三萬。氏于昭成寺。後假宅拜席。宅主姓韓。

次北道政坊。本曰元吉坊。永徽中
改。隋有楊義臣宅。

千金場。水經注。河南十二縣境。澤曰。河南縣城東十五里。有千金場。雒陽記曰。千金場。舊堰。穀水。魏時更
修此堰。謂之千金場。積石爲場。而開溝渠五所。謂之五龍渠。後張方入洛。破之大。和中。修復故場。

右徽安門西街四坊。

東城之東。第二南北街。北當徽安門東街。從南第一曰歸義坊。坊南即玉雞坊。馮水
自北來。東南合洛河。

太平寺。垂拱二年。太
平公主建。祕書監致仕穆寧宅。按寧與夫人裴氏。皆終于
此宅。見穆員所撰元堂誌。福建觀察使李貽孫宅。大中
時人。

次北思恭坊。

河南志引章述詔思恭在歸義之北。

張大安宅。右羽林軍大將軍遼陽郡王李多祚宅。駙馬都尉王守一山亭院。歙州刺史邢羣宅。

杜牧邢羣墓誌卒於東都。

思恭里。

唐參軍宅。

廣異記。雒陽思恭里。有唐參軍者。立性修整。簡於接對。

王廣宅。

杜牧故平盧軍節度巡官李戡墓誌卒於雒陽友人王廣思恭里第。

朱七娘宅。

廣異記。東都思恭坊。朱七娘者。倡姬也。有王將軍。素與交遊。關

元中。王遇疾卒。已半歲。朱不知也。其年七月。王忽來朱處。久之日暮。曰。能隨至溫柔坊宅否。不獲已。以後騎載去。入院。歡洽如故。明旦。王氏使婢收靈牀。被見一婦人在被中。問其故。送還家焉。

次北履順坊。隋有牛宏宅。

沙苑監。杜康祠。

次北進德坊。

北抵城。隋有辛公義宅。

鄭鄠府。

見地理志。

右徽安門東街四坊。

東城之東、第三南北街、北當安喜門西街、從南第一曰景行坊。

拜洛壇、華嚴寺、江州刺史鄭善果宅。

在拜洛壇北。

都亭驛。

前臨灑水。唐制。駕在京有馬九十匹。在都一百五匹。按京謂西京。都謂東都。

次北北市。

本臨德坊。顯慶中立為北市。廣異記。張仁奩幼時貧乏。恆在東都北市寓居。

次北敦厚坊。

隋有觀王楊雄宅。

試大理評事裴君宅。

柳宗元裴君墓誌。終于河南敦厚里。

次北修義坊。

北抵城坊。有晉司空裴楷墓。

右安喜門西街三坊及北市。

隋北市曰通遠。見通鑑注。蓋亦自通遠移于此也。

東城之東、第四南北街、北當安喜門東街、從南第一曰時泰坊。

隋有通遠橋。跨漕渠。橋南通遠市。周六里。市南臨雒水。有臨襄橋。

放生池。

其南即上林坊之地。

其東時邕坊。隋有蘇威宅。

邨王宅。本鄭貴妃宅。其南卽上林坊官園之地。

戶部尚書致仕崔俊宅。

按元稹有贈太子少保崔俊墓誌銘云。薨于雒陽時萬里疑俊卽俊之誤。

旅舍。

張說故瀛州河間縣丞崔漪碑。奉使上都。遭疾。終于時邕里之

館。旅

次北立行坊。隋有宇文述宅。

大聖真觀。上東門草場。

其東北有土臺。俗傳云。晉石崇龍姬綠珠墓。河南志言。章述記不載。疑非是。

次北殖業坊。

坊有晉司空王戎墓。封演聞見錄曰。王戎墓。隋代釀家。穿其傍作窖。得銘曰。晉司徒尚書令安豐元君王公之銘。俗傳爲朱買臣墓。非是。

衛國寺。

神龍二年。節愍太子建。以本封爲名。會昌中廢。光化中復建。有小院十一。

趙仁獎宅。

御史臺記。唐趙仁獎。河南人也。得販于殖業坊。王戎墓北。善歌黃鸝。與宮官有舊。因所附託。景龍中。負薪詣闕。遂得召見。云。負薪助國家調鼎。卽日臺拜

焉。睿宗朝。左授上蔡丞。時崔宣一使于都。仁獎附書于家。題云。西京趙御史書。附到。雒州殖業坊。王戎墓北。第一鋪。付妻一娘。宣一以書示朝士。

客舍。

陳子昂孫虔墓誌。遇暴疾。卒於雒陽殖業里之客舍。

酒家。

朝野僉載。兵部郎中朱前疑。貌醜。其妻有美色。

天后時。雒中殖業坊。西門酒家。有婢蓬頭垢面。偃肩懸腹。醜惡之狀。舉世所無。而前疑大悅之。

次北豐財坊北抵城

中書令汾陰公薛元超宅。楊炯薛振行狀。振字元超。薨于雒陽豐財里之私第。

右安喜門東街五坊。

東城之東第五南北街。從南第一曰毓材坊。隋雒陽縣廨在此坊西。去宮城八里。又有李雄宅。

大雲寺。本後魏淨土寺。隋大業四年。自故城徙建陽門內。貞觀三年。復徙此坊。天壽二年。改大雲會昌中廢。祕書監常山縣公馬懷素宅。馬懷素墓誌。終于郎中李敬彝宅。

北夢瑣言。彭城劉山甫。自云外祖李敬彝為郎中。宅在東都毓材坊。土地竄靈。家人張行周事之。有應。未大水前。預夢告張求飲食。至其日。率其類過水頭。並不衝圯。李宅。郭大娘宅。廣異記。雒陽郭大娘者。居毓材里。以當壻為業。某氏宅。白居

易有重到毓材宅有感詩云。軒窗簾幕皆依舊。只是堂前欠一人。未知誰氏之宅。俟考。

次北德懋坊。

次北毓德坊。

洛陽縣廨。元和郡縣志。洛陽本秦舊縣。貞觀六年。自金墉城移入郭內。賦德坊。鬪富臺。洛人相傳。石崇王愷築會之所。陸渾尉崔泳宅。穆員崔泳墓誌。卒於洛陽。賦德里之私第。又有崔少

尹夫人盧氏墓誌。終于洛陽賦德里之私第。按盧氏即泳之母。

次北審教坊。北抵城。

戶部尚書朔方軍節度使王陵宅。御史大夫贈右丞相程行謀宅。

蘇頌程行謀碑。薨于洛陽。審政里第。按政即教之訛。陳憲宅。陳憲墓誌。薨于東都審教

第。里

右東城之東第五南北街四坊。

東城之東第六南北街。從南第一曰積德坊。隋曰遊藝坊。畫一坊為楊素宅。宅有沈香堂。坊南即溫洛之地。

太原寺。自教義坊徙于此。崔融代皇太子賀天后芝草表云。伏承芝草生于東都太原寺舍利塔屋下。司農寺。輸場。長松營。太平公主園。

次北教業坊。隋有長孫熾宅。

唐兩京城坊考 卷五

天女尼寺。

貞觀九年建景福寺。武后改天女會昌中廢。

金吾將軍裴休貞宅。

記聞。休貞徵時與弟元素居教業里。

次北興藝坊。

金谷府。

見地理志。

麟趾尼寺。

次北通遠坊。

北抵城遠。或作達。

樂工李龜年宅。

明皇雜錄曰。開元中樂工李龜年能歌。特承顧遇。于東都通遠坊大起第宅。僭修論于公侯中堂。制度甲于都下。其後裴晉公度購得之。移于定鼎門別廬。號綠野堂。

右東城之東第六南北街四坊。

雒渠。

雒水。

在雒陽縣西南三里。河南縣北四里。

西自苑內上陽宮之南。流入外郭城。東流。經積善坊之北。分三道。當端門之南立橋。

南枝曰星津橋。中枝曰天津橋。北枝曰黃道橋。元宗紀。開元二十年四月。改造天津橋。毀星津橋。合爲一橋。

過橋。又合而東流。經尚善。旌善二坊之北。南溢爲魏王池。

與雒水隔。

隄初建都。築隄壅水北流。餘水停成此池。下與雒水潛通。深處至數頃。水鳥翔泳。荷芰翻覆。爲都城之勝地。貞觀中。以賜魏王泰。故號魏王池。泰黜。後賜東宮。屬家令寺。分流處置

斗門。上有橋。橋上有屋。水勢岐急。激湍百餘步。穆斗門之西。舊中橋。隋名立德橋。北當徽安門。因水溢壞。顯慶中建。都後置中橋。上元中。司農卿韋機移入東街。過斗門。又

東流。經新中橋。南當長夏門。北通西漕橋。南北三百步。武德初。置浮橋。尋廢。韋機乃徙中橋于此。後漕水復壞。永昌中。敕將作監少匠劉仁景修繕。李昭德統其事。殊爲堅壯。號永昌橋。尋廢其名。又東經安衆慈惠二

坊之北。有浮橋。隋造。名利涉橋。北抵通遠市南壁之西偏門。王世充平。橋市俱廢。顯慶中。復置。南當南市之北壁。東偏門。北當北郭之安喜門。乾封中。又廢。後乃私造以舟爲梁。又東流經詢善嘉猷延慶

三坊之北。出郭城。

通濟渠。

通濟渠

通濟渠。自苑內支分穀雒水。流經都城通濟坊之南。故以名渠焉。過通濟坊。又東北流。經西市東。折而東流。至河南縣之西。又北流。至寬政坊之西北隅。東流。過天門街。經宜人正平坊。北流。至崇政坊。西過河南府宣範恭安坊西北。又東北抵擇善坊西北。東流。經道德、惠和、通利。按渠至通利慈惠之北。有浮橋。通鑑云。洛水逕端門左右掖門前。有天津。永濟中。橋三。橋按橋

無名永濟者，疑即通濟之浮橋，通誤作永耳。
富教、陸仁、靜仁六坊之南，屈而北流，過官藥園延慶坊之東，入雒水。天寶中，壅蔽不通。

渠遂涸絕。

通津渠。

按通津之名，蓋以通天津橋也。

通津渠，隋大業元年，開於午橋莊。

在長夏門南五里。

西南二十里，分雒堰。

分雒堰北十里，有重津橋，見宋會要。

引雒水，又于正南十八里

龍門堰引伊水。

伊水在河南縣東南十八里。

以大石爲杠，互受二水。雒水一支西北流，名千步磧渠。又東北距河南縣三

里，名通津渠。由厚載門入都城，經天街北，天津橋南，入于雒。伊水分二支，西支正北入城，經歸德之西，折而東流。又北經正俗永豐之西，又折而東南流，經修善嘉善南，合于東支。東支東南入城，經興教坊西，又折而東流，經宣教集賢之南，又折而北，經履道之西，以周其北。又東經永通之北，又折而北，經利仁歸仁懷仁之東，以入于蓮渠。

運渠。

運渠自都城之東西北流，至外郭之東南隅，屈而北流，經永通建春門外，又屈而西流，入城，經仁風坊南。又西經從善坊南，分爲二流，屈曲至臨闈坊南而合。至南市，北有福先寺水磴，又北流，經延福富教詢善坊西入雒。

漕渠。

漕渠本名通遠渠。隋開。自斗門下枝分雒水。當雒水中流立堰，令水北流入此渠，有餘水，然始東下。時令官奴捺此堰，亦號蜀子堰。初隋煬帝以爲水灘洩多石磧，不通舟航，乃開此渠，下六十餘里，至偃師之

西復與雒合。東北流，至立德坊之南，西溢爲新潭。長安中，司農卿宗晉卿開，以通諸州租船，四面植柳，中有租場，積石其下。又東于上布土潭，立石柱，馬吉甫爲其文。鍾紹京書，後潭中水淺，租船不能至。

流至歸義坊之西南，有西槽橋。南當中橋，乾封中造。又東流，至景行坊之東南，有漕渠橋。大業初造，初曰通濟橋，南抵通遠市之北，西偏門，自此橋之東，皆天下之

舟船所集，常萬餘艘，填滿河路，商旅貿易，車馬填塞，若西京之崇仁坊。又東流，經時邕毓財積德三坊之南，出郭城之西南。

穀渠。

渠在雒水之北。自苑內分穀水，東流，至城之西南隅，入雒水。渠南，隋有石瀉，後入上陽宮。

玉海載宋會要云，政和四年，宋昇奏。

西京端門前，考唐洛陽圖，舊有四橋，曰穀水，曰黃道，在天津橋之北，則上陽宮皇城之間，渠上當有橋也。

灋渠。

灋水。元和郡縣志，灋水在河南縣西北六十里，按西北疑當作東北。自修義坊西南流，入外郭城，南流，經進德履順二坊之東，又東南流，穿思

恭坊，過宣仁門，南流，經歸義坊入漕渠。

開成五年七月，避武宗諱，改灋水爲吉水。

洩城渠。

渠自含嘉倉城出，循城南流，至宣仁門南，屈而東流，經立德坊之北，至東北隅，遶其坊，屈而南流入漕渠。

寫口渠。

渠自宣仁門南枝、分洩城渠南流、與皇城中渠合、循城南流、至立德坊之西南隅、遶其坊、屈而東流、入漕渠之西、有司農官磴。

[G e n e r a l I n f o r m a t i o n]

书名 = 唐两京城坊考 (1 - 3册)

作者 = 徐松著

页数 = 189

出版社 = n u l l

出版日期 = 1937年06月第1版

SS号 = 11126208

DX号 = 000005573974

u r l = h t t p : / / b o o k 2 . d u x
i u . c o m / b o o k D e t a i l . j s
p ? d x N u m b e r = 0 0 0 0 0 5 5 7 3
9 7 4 & d = 5 F 4 C E 7 6 6 A 4 C F 2 0
B F E 7 3 B F 9 3 7 0 D 8 F 1 2 D D & f
e n l e i = 0 2 1 5 0 4 & s w = % C C %
C 6 % C 1 % B D % B E % A 9 % B 3 % C 7
% B 7 % B B % B F % B C + + % A 3 % A 8
1 - 3 % B 2 % E 1 % A 3 % A 9